

ፆኦሲ ማደ"ሞ ዳኪንቴዘንሢኮ ማደ" ሳይያ ካር"

ዳኪንቴዘንሢኮ ማደ" ማፃኣፓ፡- ሉቃሴ ፃኣፔ ኮዡ ሓይሶ ማፃኣፓፓ ሄሊ" ዓኣዲያኬ፤ ሓኖ" ማፃኣፓፓ ጴጌፖ ማሊፃ ዩሱሴኮ ጊንያ ሓንታ ቤርታሳ ናኣታ" ዓያና ጌኤሺ ዔያቶ ማሊሳዛ ዒዛ ዛሎ" ኬኤዛ ኮዡ ሓይሶ ዎይቲ ዩሩሳላሜይዳ፣ ዪሁዳ ዓጮ" ቢያይዳ፣ ሳማሪያይዳ ሓሣ ዳንዲ ዓጮ" ጋፖ ሄላ"ንዳኣና ዳልጊሺ ኬኤዘቴያ ዔርዛኒኬ (1፡8)፤ ሓና ማፃኣፓ ፆኦሲ ጉሙርቂያ ካኣዡ ዓይሁዶ ዓሶ ባኣካ"ፓ ዓርቃያ ዳንዲ ዓጪ ዳሬ ቢያኮ ጉሙርቂሣ ካኣሺ ማዓንዲያ ሄላ"ንዳኣና ዎይቲ ዳልጊ ዳንዴቴያ ኬኤዛ ሃይሴ ዓርቃያኬ።

ሓኖ" ማፃኣፓ ፃኣፔ ዓሢ፡- ኪሪሰቶሴ ጉሙርቂያ ዓሳ ሮሜ ዓጮ" ካኣቱሞ ሎንሣኒ ዳሚ"ና ዘርታ ዓሲ ማዒባኣሢ ሓሣ ጊንሣ ኪሪሰቶሴ ጉሙርቂ ካኣሽኮ ካኣዡ ዓይሁዶ ዓሶኮ ካኣዡ ኩንሣያ ማዔሢ ዔርዛኒ ሚርጌ ላቢ" ማዴኔ።

ዳኪንቴዘንሢኮ ማደ" ማፃኣፓ፡- ዩሱሴ ዛሎ" ኬኤዛ ኮዡ ቃኣላ" ዳንዲ ሄላ" ቤዛ ቢያ ዳልጊ ዳልጊ ዓኣዴያ ማዒያና ሓሣ ጊንሣ ሺኢጲያ ማኣሮኮ ማዡንቴያ ዔርዛ ሓይሣ ዳኤፒ ዳኤፒ ቤሲ ፓቂንታኒ ዳንዲዳኔ።

1 ኪሪሰቶሴ ጉሙርቂያ ካኣዡ ዩሩሳላሜይዳ ዩሱሴ ለካ ዔውቴሰካፓ ዓርቂንቴያ ማዒያ

2 ዩና ካኣዡ ዩሩሳላሜ ዓጮ" ቢያ ሄሊ"ያ

3 ሜዲቴራኒያ ባዘ" ኮይላ" ዓኣ ዓጮ" ሓሣ ጊንሣ ሮሜ ዓጮ" ሄላ"ንዳኣና ዳልጊ ዳንዲያ

ዳኪንቴዘንሢኮ ማደ" ማፃኣፓይዳ ባሼ ማደ ማዒ ደዳሢ ዓያና ጌኤዡ ማደ"ኬ፤ ዩይያ ጳንጌቆሰጌ ኬሎ"ና ዩሩሳላሜይዳ ዓኣ ኪሪሰቶሴ ጉሙርቂያ ዓሶ 0-ፃ ዎልቂና ኬዲ"ያና ሓሣ ጊንሣ ሓኖ" ማፃኣፓይዳ ዓኣ ማደንቴ ባኮ ቢያይዳ ደዳሢፓዲ ዓያና ጌኤዡ ሺኢጲያ ማኣሮና ዔኪ ዓኣዳ ዓሶና ማደንዳ ባኮ ዳቂ ዳቂ ሓሣ ደዲሼያ ማዔሢኬ።

ዩኖ ዎዶ"ና ኪሪሰቶሴ ጉሙርቂያ ዛሎ" ኬኤዘንቴ ሓይሶኮ ዓኣፒ ማዔ ባካ ሃኖ" ማፃኣፓይዳ ዓኣኔ፤ ዳኪንቴዘንሢኮ ማደ" ማፃኣፓይዳ ዓኣ ማደንቴ ባካ ኪሪሰቶሴ ጉሙርቂያ ዓሶ ናንጎና

ሺኢጲያ ማኦር ዓሶኮ ፔቴሞናይዳ ዓኣ ዋልቃ ዋማዒ ዴኤፒ ማዕቶዋ ፔጋሲ ዳዋኔ።

ማፃኣፔላ ዲማ ዲማ ዓርቁ ባኮ

- ኮኸ ሓይሶ ከኤዛኒ ገኢገንቶና ሓይሴ 1፡1-26
- ዩሱሴኮ ጋፒንያ ዓይሢያና ሓሣ ዒ ዒንጌ ዋዘ 1፡1-14
- ዩሁዳ ቤዛ ሜሌ" ዓሲ ዶኦሪንቴሢ 1፡15-26
- ኮኸ ሓይሳ ዩሩሳላሜይዳ ከኤዚንቴሢ 2፡1—8፡3
- ኮኸ ሓይሳ ዩሁዳና ሳማሪያናይዳ ከኤዚንቴሢ 8፡4—12፡25
- ጳውሎሴ ማዴ ማድ" 13፡1—28፡31
- 1 ቤርታሲ ሓንቲ ማዴ ማድ" 13፡1—14፡28
- 2 ዩሩሳላሜይዳ ዴያና ቡኪንቶ 15፡1-35
- 3 ላሚ ሃንቲ ማዴ ማድ" 15፡36—18፡22
- 4 ሓይሣሲ ሓንቲ ማዴ ማድ" 18፡23—21፡16
- 5 ጳውሎሴኮ ዩሩሳላሜይዳ፣ ቁሳሪያይዳ ሓሣ ሮሜ ዓጮ"ይዳ ቴኡቲያ 21፡17—28፡31

1 ቴዎፒሎሴ!

ታኦኮ ቤርታሳ ማፃኣፔይዳ ዩሱሴ ማዴ ባኮና ዔርዘኔ ባኮ ቢያ ታ ፃኣፔኔ፤ ታኦኒ ፃኣፔሢያ ዩሱሴ ሳይይዳ ማድ" ዓርቁማፓ ዴንዲ፣ 2 ሌካ ጫሪንጮ ዔውቲ ከሎ" ሄላ"ንዳኦና ዒዚ ማዴ ማድ"ከ፤ ሌካ ጫሪንጮ ዒዚ ዔውቲሢ" ዳኪንቴዘንሢ ጌይንቲ ዶኦሪንቴዘንሢሞ ዓያና ጌኤሺ ዋልቁና ዓይሢያ ዓይሢሢኮ ገንፃፓከ፤ 3 ዒ ሓይቁሢኮ ገንፃ ዲቢ ዔርታ ማርካ ማዓ ሳይሢና ሺምፔና ዓኣያ ማዒያ ሳናሳኒ ዔያቶም ያይዲታሚ" ከሊ"ዳ ጴዲ ጴዲ ያኦሲኮ ካኣቱሞ ዛሎ" ዔርዘኔ፤ ዔያታኦ ዒዛ ዛጌኔ። 4 ዔያቶና ዋላ" ዒዚ ዓኣና፡- «ታ ዒንሢሞ ቤርታ ከኤዘሢ ሓሣ ዓዶይዳፓ ዒንገንቴ ዋዘ ዒንሢ ዩሩሳላሜይዳፓ ከሰኩዋያ ዒኢካ ካፑዋቲ፤ 5 ዮሐንሴ ቤርታ ዋኣሢና ማሰከኔ፤ ዒንሢ ጋዓንቴ ሓሢ ዳካ" ከሊ"ኮ ገንፃፓ ዓያና ጌኤሺና ማሰታንዳኔ» ጌዔኔ።

ዩሱሴኮ ሌካ ጫሪንጮ ዓኣዲያ
(ማር. 16፡19-20፤ ሉቃ. 24፡50-53)

6 ዒማ"ና ዳኪንቴዘንሢ ፔቴ"ይዳ ቡኪንቲ ዓኣያ፡- «ሳዳሢያ! ዒሰራዔኤሌም ካኣቱሞ ማሂ ኔ ዒንጋንዳ ዋዳ" ሓሢዳ?» ጌዒ ዩሱሴ ኮራ ያኦጮኔ።

1:1 ሉቃ. 1፡1-4። 1:4 ሉቃ. 24፡29። 1:5 ማቴ. 3፡11፤ ማር. 1፡8፤ ሉቃ. 3፡16፤ ዮሐ. 1፡33።

7 ዩሱሴ ማሃያ፡- «ዓዳሢ ፔ ቢታንቶና ማሊ ገሠ ምድ"ና ማዓንዳ ባኮና ዒንሢ ሴራኒ ዳንዳዑቀሴ። 8 ጋዓንቴ ዓያና ገኤሽ ዒንሢዳ ኬዳ" ምድ"ና ምልቄ ዒንሢ ዳንቃንዳኔ፤ ዩካፓ ዩሩሳላሚይዳ፡ ዩሁዳ ዓጮ" ቢያይዳ፡ ሳማሪያይዳ፡ ዳንዲ ዓጮ"ኮ ጋፒንፆ ሄላ"ንዳኣና ዒንሢ ታኣኮ ማርካ ማዓንዳ» ገዓኔ። 9 ያዲ ገዔሰካፓ ዓያታ ዛጋ ሳይሣ ዓኣንቴ ሌካ ጫሪንጮ ባንሢ ሳዓፓ ዔውታኣና ሻኣሬ ዔያቶኮ ዓኣፓፓ ዒዛ ዓኣቼኔ።

10 ዒዚ ዓኣዳኣና ዔያታ ጫሪንጮ ባንሢ ገዥ ገዒ ዛገያይዳ ዓኣንቴ ቦኦሪ ዓፒላ ማኣዔ ላሞፆ ዓሲ ዔያቶ ኮራ ዔቃፆ፡- 11 «ዒንሢ ሐይ ገሊላ ዓጮ" ዓሳ፡ ጫሪንጮ ባንሢ ዛገ ዒንሢ ዓይሳር ዔቆይ? ሐይ ጫሪንጮ ዔኪንታንቴ ዒንሢ ዛገ ዩሱሴ፡ ጫሪንጮ ዳንዳንቴ ዒንሢ ዛገማ ሳይፆ ዒማይዲ ማዒ ሙካንዳ» ገዓኔ።

ዩሁዳ ቤዛ ማቲያሴኮ ደኣሪንቴፆ
(ማቲ. 27፡3-10፤ ዓይኑ. 109፡8)

12 ዩካፓ ዛይቴ ሪሚቲ ዲካ" ገይንታዘይዳፓ ዩሩሳላሚ ባንሢ ዔያታ ማዔኔ፤ ዛይቴ ሪሚቲ ዲካ ገይንታ ዲካ" ዩሩሳላሚይዳፓ ዓሲ ዔኤሌም ሞይዛንዳጉዴ ፓዴ ቤሲዳከ። 13 ዩሩሳላሚ ዔያታ ሙካፆ ምንዴ ናንጋ ከቦ ማኣሮ ከሰከኔ፤ ዔያታ፡- ጳዒሮሴ፡ ዮሐኒሴ፡ ያይቆኦ፤ ዒንዲራሴ፡ ፒልጶሴ፡ ቶኦማኣሴ፡ ቤርቴሌሞሴ፡ ማቲዎሴ፡ ዒልፒዮሴ ናኣዚ" ያይቆኦ፤ ፔ ዓጮ" ሚጪንታ ሲሞኦኔንታ ያይቆኦ ናኣዚ" ዩሁዳንታከ። 14 ዩያታ ቢያ ከሊ" ፔቱሞና ደዲ ያኦሲ ሽኢቃኔ፤ ዔያቶና ሞላ" ፔቱ" ፔቱ" ላኣሊና ዩሱሴኮ ዒንዲ ማይራሞና ሐሣ ዩሱሴኮ ገርሲንሢያ ዓኣኔ።

15 ዒማ"ና ጳዒሮሴ ጻኤታና ላማታሚ"ና ማዓ ኪሪሰቶሴ ጉሙርቃ ዓሲ ባኣካ ዔቃፆ ሂዚ ገዓኔ፡- 16 «ታ ዒሾንሦ! ታ ሚሾንሦ! ዩሱሴ ዓርቄ ዓሶኮ ዓርና ማዔ፡ ዩሁዳ ዛሎ" ፃኣፒንቴሢጉዲ ዓያና ገኤሽ ቤርታሲ ዳውቴ ዛሎ"ና ከኤዜ ያኦሲ ማሊፃ ኩማኒ ኮይሳ። 17 ዩሁዳ ኑኡኮ ፔቱ"ሢ ማዒ ቤርታ ኑኡና ሞላ" ማዲያከ።»

18 ጋዓንቴ ዩይ ዓሢ ፔኤኮ ፑርቶ ማድ" ዛሎ"ሮ ዔኬ ሚኢሾና ሳዓ ሻንቄኔ፤ ሐሣ ባሊቲና ሳዓ ጳዲንቴ ዲኡቄ ሐኮ ፓቂንታዛ፡ ሩቁንታኣ ዒዛኮ ከሰኪ ሚጪ"ንቴኔ፤ 19 ዩይ ማዲንቴ ባካ ዩሩሳላሚ ዓጮ"ይዳ ቢያ ሞይዚንቴኔ፤ ዩያሮ ዩና ሳዓ ዔያቶ ዓጮ"

1:8 ማቲ. 28፡19፤ ማር. 16፡15፤ ሉቃ. 24፡47-48። 1:9 ማር. 16፡19፤ ሉቃ. 24፡50-51። 1:13 ማቲ. 10፡2-4፤ ማር. 3፡16-19፤ ሉቃ. 6፡14-16። 1:18 ማቲ. 27፡3-8።

ሙኡጮና «ዓኩልዳማ» ጌይንቴኔ፤ ዩናኮ ቡሊ"ፃ «ሱጉሢ ሳዓ» ጌይሢኬ።

20 «ዩይ ያዲ ማዓኒ ዳንዳዔሢ ሳይኑሞ ማፃኣገጅደዳ፡-

ሩዚ ናንጋ ማኣራ ባዔ ማፃንጎ፤

ፆኦኒያ ዒኢካ ናንጎገ፤

ሐሣ ዒዛኮ ዓኣ ቢታንቶ ማሌ" ዓሲ ዔኮንጎ

ጌይንቴ ፃኣፒንቴያ ዓኣሢሮኬ።»

21 «ዩያሮ ጎዳ ዩሱሴ ኑ ባኣኮ"ይዳ ኑኡና ዋላ" ሃንቴ ዋድ"ና ጉቤ ኑኡና ዋላ" ዓኣ ዓሶይዳገ፡ 22 ዩያጉዲ ሐሣ ዮሐኒሴ ዋኣፃና ማሰካ ዋድ"ይዳገ ዓርቃፃ ዳንዲ ጎዳ ዩሱሴ ጫሪንጮ ዔውቴ ኬሎ" ሄላ"ንዳኣና ኑኡና ዋላ" ዓኣ ዓሶይዳገ ፔቴ" ዓሲ" ጎዳ ሐይባ"ገ ዔቁሢኮ ኑኡና ዋላ" ማርካ ማዓኒ ኮይሳኔ» ጌዔኔ።

23 ዩካገ ላምፃ ዓሲ ዔይታ ደማሲ ፔ ባንሢ ኬሴ"ኔ፤ ዩያታ ቤርሳባሴ ሐሣ ባጎ ሱ"ንፃ ዒዮሰፆሴ ጌይንቴ ላምፃ ሱ"ንሢና ዔኤሌ"ንታ ዮሴፔ ጎሃሢና ማቴያሴናኬ። 24 ዩካገ ጳይሮሴንሢ ሂዚ ጌዒ ሸኢቁኔ፡- «ዓሲኮ ቢያ ዒኔ ዔራ ጎዳሢዮ! ሐንሢ ላምፃንሢዳገ ያና ኔኤኒ ደኑሬቴያ ኑና ዳዌ፤ 25 ኑ ሐሢ ሸኢቃሢ ዩሁዳ ፔ ሸኔና ፔ ማሌ ቤዞ ዓኣዳፃ ሐሽ" ዳኪንቴያ ማድ" ዔኪ ፔ ማድ ማሃ ዒዛ ቤዛ ማዳንዳሢ ያናታቴያ ኔ ኑም ዔርዛንዳጉዲኬ።»

26 ጋዓፃ ዒፃ ዓጋዛ ዩና ባኬላ ማቴያሴም ኬሰኬኔ፤ ዩያሮ ዩይ ማቴያሴ ጎሃሢ ታጾ ፔቴ" ዳኪንቴዘንሢካ ዋላ" ማዒ ገይዲንቴኔ።

2

ዓያኖ ጌኤዦኮ ኬዲ"ፃ

1 ዓይሁደ ዓሶኮ ዑሣ ዓኣዲሢ ኬሊ" ጌዒ ቦንቾ ኬላ" ጋፔሰካገ ደንገታሚ" ኬሊ" ዳዒ ቦንቾ ጳንፃቆሰፃ ጌይንታ ቦንቾ ኬሎ"ና ኪሪሰቶሴ ጉሙርቃ ዓሳ ቢያ ፔቴሞና ቡኪ ፔቴ" ቤሰካ ዓኣንቴ፡ 2 ዔርቲባኣ ደዲ ዓልጎ ዠባሬጉዳ ዑኡሲ ጫሪንጫገ ሙኪ ዔይታ ዓኣ ጋሮ ኩሜኔ። 3 ዓዳ" ታሚኮ ሎሰቶ ማላያ ሚርጌ ዒንዲርሲ ዔያቶም ጳዳፃ፡ ገቁንቴ ገቁንቴ ፔቴ" ፔቴ"ሢ ዑፃ ዳዔኔ። 4 ዩማና ቢያሢ ዓያና ጌኤሺኮ ዋልቆ ጋሮ ጌሌኔ፤ ሐሣ ዓያኖ ጌኤዦ ዔያቶም ጌሰታንዳጉዲ ዒንጌ ደማ ደማ ሙኡቺና ጌሰቲሢ ሳርቄኔ።

5 ዓጪ ማዔ ካራና ዓኣ ቤዛገ ቢያ ሙኬ፡ ፆኦሲ ካኣሸካ ዓይሁዳ ዓሳ ዩሩሳላሚይዳ ናንጎኔ። 6 ዒማ"ና ዩና ዑኡዜሎ ዋይዛፃ ሚርጌ

1:20 ዓይኑ. 69፣25፤ 109፣8። 1:22 ማቴ. 3፣16፤ ማር. 1፣9፤ 16፣19፤ ሉቃ. 3፣21፤ 24፣51። 2:1 ሉዊ. ዓኬ 23፣15-21፤ ላሚ. ዋማ 16፣9-11።

ዓሲ ሙኪ ዒኢካ ቡኪንቴኔ፤ ዩና ጌሰታ ዓሳ ዩያ ሙኪ ቡኪንቴ ዲማ ዲማ ዓሳኮ ሙኡጮና ጌሰታንቴ ዋይዜሰካፓ ዓሳ ጎጾንድ ጎይሢ ባይዜኔ። 7 ሓሣ ዲቃቲ ሄርሺሢና ሂዚ ጌዔኔ፡- «ሓኣታ ሓያይዲ ጌሰታ ዓሳ ቢያ ጌሊላ ዓሲቱዋዓዳ? 8 ሂዳጾ ሓሣ ዔያታ ኑኡኮ ኑ ሾይንቴ ዓጮ" ሙኡጮና ጌሰታንቴ ኑ ዋይዘሢ ዋይቲዳይ? 9 ኑኡኒ ሓሣ ናንጋሢ ጳርቲይዳ፣ ሜዳይዳ፣ ዔላሜይዳ፣ ሜሶፖታሚያይዳ፣ ዩሁዳይዳ፣ ቁጳደቁያዳ፣ ጳንጾይዳ፣ ዒሲያይዳ፣ 10 ፒርጊያይዳ፣ ጳንፒሊያይዳ፣ ጊብጻይዳ፣ ቁሬና ጌይንታ ካታሞ ኮይላ" ዓኣ ሊቢያ ዓጮ"ይዳኬ፤ ሓሣ ሮሜ ግጭ"ፓ ሙኬ ዓይሁዳ ዓሳንታ ቤርታ ዓይሁዳቱዋዓ ዓይሁዳ ማዔ ዓሳ ኑኡኒያ ዓኣኔ፤ 11 ዩያጉዲ ቁርጻሴ ዓጪ ዓሲንታ ዓሬቤ ዓጪ ዓሲንታ ዓኣኔ፤ ሓይሾ፡- ሓይ ዓሳ ቢያ ጾሳ ማዴ ፑኡፖ ማዴ" ዘሎ" ኑ ሙኡጮና ኬኤዘሢ ኑ ዋይዘንቴሞ!» ጌዒ፣ 12 ቢያሢ ዲቃቲ ሄርሻጾ ጎጾንድ ጎይሢ ባይዜ፡- «ሓይ ዓይጎ ባኣዚ" ናንዳይ!» ጌዒ ጌዒ ዋሊ ኮራ ጾኦጮኔ።

13 ፔቴ" ፔቴ" ዓሳ ጋዓንቴ ዩያ ባኮ ዓማሊ" ማሃዖ፡- «ዋይኔፓ ኮሾ"ና ዑኩ ዑሽኪ ዔያታ ማማሢንቴያዋይ!» ጌዒ ጌዒ ቦሃኔ።

ጳዲርሴ ጌሰቲ ጌኤዘ

14 ዒማ"ና ጳዲርሴ ታጳ ፔቴ" ዳኪንቴዘንሢና ዋላ" ዔቁ ዓኣጾ ዴሮ"ሞ ዑኡዘ ፔኤሲ" ዴ"ጊዲ ሂዚ ጌዒ ኬኤዜኔ፡- «ዒንሢ ዩሁዳ ዓጮ" ዓሳ ማዔ ኑ ዓሳንታ ዩሩሳላሜይዳ ናንጋ ዓሳ ቢያ ማዲንቴ ባካ ዓይጎታቱያ ዔራኒ ታ ጋዓሢ ኮሺ" ዋይዘዋቴ፤ 15 ሳዓ ሓጊ ሶኣፓ ዋዳታሢሮ ዒንሢ ማላሢጉዲ ሓይ ዓሳ ማማሢንቴያቱዋሴ፤ 16 ጋዓንቴ ሓይ ሓኣዲ ማዔሢ ጾኦሲ ማሊጾ ኬኤዘ ዒዩዔኤሌ ኬኤዘዖ፡-

17 ጾኦሲ ጋፒንጾ ኬሎ"ና ሓኣዲ ማዓንዳኔ ጋዓኔ፡-
ታኣኮ ዓያኖ ታኣኒ ቢያ ዓሲ ዑሰካ ላኣላንዳኔ፤
ዒንሢን ዓቲንቆና ዉዲሮ ናኣቶ"ና ጾኦሲ ማሊሢ ኬኤዘንዳኔ፤
ዴጌሢያ ሓሣ ጾኦሲ ፔጋሲ ዳዋ ባኣዚ" ዘጋንዳኔ፤
ጋርቾ ዓሳኣ ዓውቲ ዓውታዳንዳኔ።

18 ዩያጉዲ ዩኖ ዋዶ"ና
ዓቲንቆና ላኣሎና ማዒ ታኣሞ ማዳ ዓሳ ዑፃ
ዓያኖ ታኣኮ ታ ላኣላንዳኔ፤
ዔያታኣ ጾኦሲ ማሊሢ ኬኤዘንዳኔ።

19 ሌካ ጫሪንጮይዳ ዲቃሢ ሄርሺሳ ባኣዚ"
ሊካ ሳጾይዳ ታ ዋልቁና ማዲንታ ዓኪ ባኣዚ" ታ ዳዋንዳኔ፤

ሱጉሢና ታሚና ሐሣ ጨቢ ሊኢሎጉዲ ላሂ ጴዳንዳኔ።

20 ጴኤፒ ሃሣ ሚርጌና ቦንቸንታያ ማዕ
ጎዳኮ ሙኮ ኮላ" ሄላ"ንዳሢኮ ቤርታ
ዓባ" ዲማንዳኔ፤
ዓገናኣ ሐሣ ሱጉሢ ማላንዳኔ።

21 ጎዳ ማኣደ"ም ጌዒ ዔኤላ" ዓሲ ቢያ ዳቃንዳኔ »
ሂዚ ጌዔሢ ኩማንዳጉዲኬ።

22 ጋዓዶ፡ ቃሲ" ጊንሣ ጴዒሮሴ፡- «ሐይ ኑ ዓሶ ማዕ ዒሰራዔኤሌ
ዓሳ! ሐያ ታ ኮኤዛ ባኮ ኮሺ" ዋይዙዋቴ፤ ዒንሢያ ቤርታዲ
ዔራሢጉዲ ናዚራቶ ዩሱሴ ያኦሲዳፓ ዳኪንቴ ዒንሢ ባኣካ" ጴዴያ
ሃሣ ያኦሎ"ም ቢታንቶ ዒዛኮ ዓኣያኬ፤ ዩይ ፑኡፑማ ዒዛኮ ዔርቴሢ
ያኦሲ ዒዛ ዛሎ"ና ያኦሲ ዋልቄና ማዲንታ ዓኪ ማድ፡ ዲቃሣ
ባኣዚ"፤ ጴኤፒ ማላታ ማዓ ባኣዚ" ዒንሢ ቤርታ ማዲያናኬ።

23 ያኦሲ ቤርታዲ ማላሢጉዴያና ሐሣ ማዲንታንዳሢ ዒ ዔሪ
ጎይያና ዒንሢም ዒዚ ዓኣሢንቲ ዒንጊንቴኔ፤ ዒንሢም ዒዛ ፑርቶ
ዓሶም ዒንጊ ሱዒንቲ ሐይቃንዳጉዲ ማሄኔ። 24 ያኦሲ ጋዓንቴ
ሐይቢኮ ዓኣ ዋልቆ ማንሢ ሐይቢፓ ዒዛ ዔቁሴኔ፤ ሐይቢያ ዒዛ
ዓርቂ ቃዛኒ ዳንዳዒባኣሴ። 25 ዳውቴ ዒዛ ዛሎ" ኮኤዛዎ፡-
«ጎዳ፡ ታኣኒ ቢያ ዋዴ ታኣኮ ቤርታ ዓኣንቴ ዛጋኔ፤
ዒ ታኣኮ ሚዛቆ ዛላ" ዓኣሢሮ ታ ሂርጋዓ፤

26 ዩያሮ ታኣኒ ዋዛዳኔ፤
ዒና" ሐሣ ታኣኮ ዋዛና ኩማኔ።

ሐይቃ ዓሸኮላ ታኣኮ ሐጊ ማዓንዳ ዋዛና ናንጋኔ፤

27 ሸምፔሎ ታኣኮ ኔ ሃይቄ ዓሶ ባኣካ" ሐሺ"ንዲዋሴ፤
ኔኤኮ ጉሙርቁንታ ዓይላ"ሢ ዲኡፖ ዔቶይዳ ኔ
ዋዒሲንዲዋሴ።

28 ናንጊኮ ጎይሢ ታኣም ኔ ዳቄኔ፤
ሐሣ ኔኤኒ ታኣና ዋላ" ዓኣሢሮ ዋዛ" ታኣኮ ጉቤ ዒናፓ
ማዓንዳኔ »

ሂዚ ጌዔኔ።

29 ጌዔሰካፓ፡- «ዒሾንሢዮቴ! ቤርታኣ ዓደንሢዳፓ ፔቴ"ሢ
ማዕ፡ ዳውቴ ሃይቄ ዲኡቴሢና ሐሣ ዒዛኮ ዲኡፓ ሐና" ሄላ"ንዳኣና
ኑ ኮራ ዓኣሢ ፔጌና ታ ዒንሢም ኮኤዛኒ ዳንዳዒኔ። 30 ዳውቴ
ያኦሲ ማላሢ ኮኤዛያ ማዕሢሮ ሐሣ ያኦሲ ዒዛም «ኔኤኮ ዜርፃፓ
ፔቴ" ዓሲ ታኣኒ ኔ ካኣቱም ቤዛ ጌሣንዳኔ» ጌዒ ጨኣቄሢሮ

2:23 ማቴ. 27:35፤ ማር. 15:24፤ ሉቃ. 23:33፤ ዮሐ. 19:18። 2:24 ማቴ.
28:5-6፤ ማር. 16:6፤ ሉቃ. 24:5። 2:28 ዓይኑ. 16:8-11።

ዲዚ ይያ ዔሬኔ፤ 31 ይያይዳፓ ዔቁያና ሚሲጤ ዱኡፖ ዔቶይዳ ዓቲንድዋአሢና ዓሸካ ዒዛኮ ዒኢካ ዋዒንድዋአሢ ቤርታዲ ዔሪ ዔቁያ ዛሎ" ከኤዜኔ። 32 የእሲ ይያ ዩሱሴ ሓይባ"ፓ ዔቁሴኔ፤ ኑኡኒያ ቢያሢ ይያ ባኮኮ ማርካኬ። 33 የእሲ ፔኤኮ ሚዛቆ ዛላ" ቦንቸንቴ ቤዘ ዒዛም ዒንጌኔ፤ ሓሣ ዓዳሢዳፓ ዒንጌንታንዳኔ ጌይንቴ ዓያኖ ጌኤዠዋ ዔኬኔ፤ ሓያ ዒንሢ ዛጋ ባኮና ዋይዛ ባኮ ዒዚ ላኣሌኔ።

34-35 «ዓካሪ ጫሪንጮ ዓኣዴሢ ዳውቴቴዋሴ፤ ዳውቴ ፔ ቶኣኪና፡

ሩንጌና ናንጋ ጎዳ፡ ታ ጎዳሢም (ሚሲጤም)

ኔ ሞርኮ ታ ኔና ባሺሳንዳያ ሄላ"ንዳኣና
ታኣኮ ሚዛቆ ዛላ" ዴዔ» ጌዔኔ ጌዒ ከኤዜኔ።

36 «ማይ ዓካሪ ሓያ ዒንሢ ሱፆ ዩሱሴ የእሲ ሚሲጤ ሓሣ ጎዳቲ ማሄሢ ዒሰራዔኤሌ ዴራ" ቢያ ጎኔና ዔሮንጎ!"» ጳጳሮሴ ጋዓዛ፡

37 ዓሳ ይያ ዋይዜሰካፓ ዒኔ ዱጲ ያያያ ጳጳሮሴንታ ዒዛና ዋላ" ዓኣ ዳኪንቴዘንሚኮ ኮራ፡- «ዒሸንሢዮቴ! ዓካሪ ኑ ዋድ"ንዳይ?» ጌዒ ያኣጮኹ።

38 ጳጳሮሴ ማሓዮ፡- «ጎሞ ቡኡጮዋቴ፤ ጎማ ዒንሢኮ ዓቶም ጌይንታንዳጉዱ ዩሱሴ ከሪሰቶሴ ሱ"ንያና ዋኣያ ማሰቴዋቴ፤ የእሲ ዒንጌሢ ማዔ ዓያኖ ጌኤዠ ዒንሢ ዔካንዳኔ። 39 ዓይጎሮ ጌዔቶ የእሲኮ ዋዘ ቃኣላ" ዒንሢንታ ዒንሢኮ ናኣቶ"ንታም ሓሣ ጎዳ የኣዛሢ ፔ ባንሢ ዔኤላ"ንዳ ሓጋ ሴካ ቤርታ ሙካንዳ ዓሳም ቢያኬ» ጌዔኔ።

40 ሓሣ ይያጉዱ ቃሲ" ሚርጌ ባኣዚ" ማርካ ማሃ ከኤዚ ከኤዚ፡- «ሓያ ዋሶ ሸይንቶይዳ ሄላ"ንዳ ባይሲንቶይዳፓ ዒንሢ ቶኣኮ" ዳቁሹዋቴ» ጌዒ ዔያቶ ዘሬኔ። 41 ይያ ዓሳይዳፓ ሚርጌሢ ጳጳሮሴ ጌዔ ባኮ ጎኔኬ ጌዒ ዔኪ ዋኣያ ማሰቴኔ፤ ዩኖ ከሎ"ና ሓይሃ ሺያ ማዓ ዓሲ ከሪሰቶሴ ጎናሲ ዔኪ ዔያቶይዳ ቃሲ"ንቴኔ።

42 ይያታ ዳኪንቴዘንሚኮ ዔርዚያ ዋይዚ ዋይዚ፡ ፔቴዋና ናሽኪንቴ ዋላ" ናንጌ ናንጌ፡ ካሣኣ ዋላ" ሙዒ ሙዒ ሺኢጲሢያ ደዱ ሺኢቃኔ።

ከሪሰቶሴ ጉሙርቃ ዓሳኮ ፔቴሞ ናንጎ

43 ዩኖ ዋድ"ና ዳኪንቴዘንሚኮ ዛሎ"ና ሚርጌ የእሲ ዋልቁና ማዲንታ ዓኪ ባኣዚ"ና ዲቃሣ ባኣዚ"ና ማዲንታያ ማዔሢሮ ዒዘ ዋድ"ና ዒኢካ ናንጋ ዓሳ ቢያ ይያ ባኮ ዲቃቲ ዛጋኔ።

44 ኪሪሰቶሴ ጉሙርቃ ዓሳ ጋዓንቴ ፔቴሞና ናንጋኔ፤ ዔያቶኮ ዓኣ ባካ ቢያሢርኬ። 45 ዔያታ ፔኤኮ ዓኣ ሳዖና ቆሎ"ና ሻንቺ ሻንቺ ሚኢሾ ዋለም ኮይሳሢ ሳይዖ ፓቃኔ። 46 ቢያ ኬሊ" ጌኤዢ ማኣርይዳ ፔቴሞና ቡኪንታኔ፤ ፔቴ" ፔቴ"ሢኮ ማኣር ዓኣዲ ዓኣዲ ካሣ ዋላ" ሙዒ ኮሺ ዒኔና ዋዛዲ ናንጋኔ፤ 47 ጾላሲያ ዔያታ ጋላታኔ፤ ዓሲ ቢያ ዔያቶ ቦንቻኔ፤ ጾላሲ ሃሣ ዔያቶ ጊዳ" ዲቃ ዓሲ ቢያ ኬሊ" ቃሳ"ኔ።

3

ጳዊርሴንሢ ዋቦ ዓሲሰኬያ ዳቂሺሢ

1 ፔቴ" ኬሊ" ጳዊርሴና ዮሐኒሴና ጾላሲ ሺኢቆ ዋዳ" ሄሌ"ም ጌኤዢ ማኣር ዓኣዲኔ፤ ዬና ዋዳ" ማሢ ደምቦልሳ ዋዳ ማዓኣናኬ። 2 ዒማ"ና ጌኤዢ ማኣር ጌሎ ካራ" «ሚዛጲ ካራ» ጌይንታ ቤሲ ዓኣኔ፤ ዒዞ ቤዜሎይዳ ሾይንቴማፓ ዓርቃዖ ዋቦ ማዔ ዓሲ ዓኣኔ፤ ዬያ ዓሢ ዓሳ ቢያ ኬሊ" ዔኪ ሙኪ ሙኪ ዒኣካ ጌሣኔ፤ ጌሢሰካፓ ዒዚ ዒኣካ ደዒ ጌኤዢ ማኣር ጌላ ዓሳ ዒዛም ዔኤቢ ዒንጋንዳጉዲ ሺኢቃኔ። 3 ጳዊርሴና ዮሐኒሴና ጌኤዢ ማኣር ጌላሢ ዬይ ዓሢ ዛጋዖ ዔኤቢ ዒንጋም ዔያቶ ሺኢቃኔ። 4 ዔያታ ጋዓንቴ ዓሢ ኮሺ" ዛጌሰካፓ ጳዊርሴ ዓሢ ኮራ፡- «ሂንዳ ኑ ባንሢ ዛጌ» ጌዔኔ። 5 ዋቦ ዓሢ «ታኣም ዔኤቢ ዒንጋንዳሲኑዋይ» ጌዒ ኮሺ" ዔያቶ ዛጌኔ። 6 ጳዊርሴ ጋዓንቴ፡- «ቢራና ዋርቄና ታኣኮ ባኣሴ፤ ታኣኮ ዓኣማ ታ ኔኤም ዒንጋንዳኔ፤ «ናዚሬቶ ዬሱሰ ኪሪሰቶሴ ሱንጾና ዔቂ ሃንቴ» ጌዒ፤ 7 ሚዛቆ ኩጮ ዓሢኮ ዓርቂ ዔቂሴኔ፤ ዓሢኮ ቶኮ"ና ጨጊጮና ቤዘና ደዳም፤ 8 ላዓ ጌዒ ዔቂ ዔያቶና ዋላ" ሓንቴ ጌኤዢ ማኣር ጌሌኔ፤ ሴካ ሓንጋ ጌዒያ ሃንቴ ሃንቴ ሓሣ ኮኣሚ ኮኣሚ ጾላሲ ጋላታኔ። 9 ዓሳ ቢያ ዒዚ ጾላሲ ጋላታ ጋላታ ሃንታሢ ዛጌኔ። 10 ጌኤዢ ማኣር ጌሎ ካራ" «ሚዛጲ ካራ» ጌይንታ ቤዛ ደዒ ሺኢቃሢ ዒዛ ማዔሢያ ዔያታ ዔሬኔ፤ ሓሣ ዒዛይዳ ማዲንቴ ባኮ ዛጋዖ ዲቃቴ ሄርሺሢ ዓርቄኔ።

ጳዊርሴ ጌኤዢ ማኣርይዳ ጌሰቴ ባኮ

11 ዬይ ዳቂ ዓሢ ጳዊርሴና ዮሐኒሴናይዳፓ ታ ደማዳዓ ጌዒ ደንደ ዒዲ «ሴሎሞኔ ደማ" ሃንታ፡ ዳኤፖ ዛምፓሢ» ጌይንታ ቤዘይዳ ዓኣንቴ፡ ዓሳ ዲቃቴ ሄርሺሢና ዒዛ ቤዜሎ ዔያቶ ባንሢ ጳሽኪ ሙኬኔ፤ 12 ጳዊርሴ ዓሳ ዛጋዖ፡- «ዒሰራዔኤሌ ዓሲዮቴ!

2:44 ዳኪ. ማዕ" 4:32-35።

ሐያ ባኮ ዲንሢ ዓይጎር ዲቃቲ ሄርሻይ? ዓይጎር ዲንሢ ሐያይዲ ፔቶ" ገዥ ጌዒ ኑና ዛጋይ? ኑኑኒ ሐያ ዓሢ ኑ ዋልቄና ሐሣ ኑኑኒ ኮሺ ማዲያ ማዒ ዔቁሲ ሃንቲሴያ ዲንሢ ኮራ ማላ? 13 ጋዓንቴ ዓብራሃሜኮ፣ ዩሳክቄኮ፣ ያይቆኦቤኮ ያኑዛሢ ሐሣ ቤርታኦ ኑ ዓደንሢ ያኑዛሢ ፔኤኮ ናዓሢ ዩሱሴ ቦንቹኔ፤ ዲንሢ ጋዓንቴ ዒዛ ሐይቃንዳጉዲ ጰላያሴም ዓኣሢ ዲንጌኔ፤ ጰላያሴ ዒዛ ሐሻ"ኒ ኮዓዛ ዲንሢ <ኑ ዒዛ ኮዑዋሴ> ጌዔኔ። 14 ጌኤሺ ማዔ ዒላ"ሢ <ኑ ዒዛ ኮዑዋሴ> ዲንሢ ጌዒ ፔቱ" ዓሶ ዋዴ ዓሢ ቡሊ"ንታንዳጉዲ ጰላያሴ ኮራ ዲንሢ ሺኢቄኔ። 15 ሺምፖ ዲንጋያ ማዔሢ ዲንሢ ዋዴንቱ፣ ያኑሲ ዒዛ ሐይባ"ፓ ዔቁሴኔ፤ ዩያ ባኮኮ ኑኑኒ ሐሢ ማርካኬ። 16 ሐይ ሐሢ ዲንሢ ዛጋ ዓሢ፣ ቤርታኦ ዲንሢ ዒዛ ዔራ ዓሢ ዳቂ ዶዴሢ ዩሱሴ ሱ"ንያና ጴዳ ጉሙርቁሢናኬ፤ ዩሱሴ ሱ"ንያ ጉሙርቁያና ዲንሢ ቢያሢኮ ቤርቶይዳ ዳቂ ዓሲ ማዒ ዒዚ ጴዳኔ» ጌዔኔ።

17 ጴዳርሴ ሐሣ ኬኤዛያ፡- «ዒሻንሢጉቴ! ዩሱሴይዳ ዲንሢ ማዴ ባኮ ዲንሢኮ ሱኡጎጉዲ ዲንሢያ ዔራዋያ ማዴሢ ታ ዔራኔ። 18 ያኑሲ ጋዓንቴ ዩያ ማዴሢ' <ዒዛም ዲማዴ፣ ሜሲሔ ሜቶ ዔካንዳያ ኮይሳኔ> ጌይንቲ ያኑሲ ማሊያ ኬኤዛ ዓሶ ዛሎ"ና ኬኤዘንቴሢ ኩማንዳጉዲኬ። 19 ዓካሪ ጎማ ዲንሢኮ ዓቶም ጌይንታንዳጉዲ ጎሞ ቡኡፀዋቱ፤ ያኑሲ ባንሢያ ማዑዋቱ፤ 20 ዩያይዴቴ ዲንሢም ጎዳይዳፓ ዓያና ዛላና ዶዲሢ ዋዴ ሙካንዳኔ፤ ያኑሲ ቤርታዲ ዒዛ ዶኦሬ ሜሲሔያ ዲንሢም ዳካንዳኔ። 21 ዒዚ ጫሪጫይዳ ዳዓኒ ኮይሳሢ' ጌኤሺ ማዔ፣ ያኑሲ ማሊያ ኬኤዛ ዓሶ ዛሎ"ና ያኑሲ ቤርታዲ ኬኤዘሢጉዲ ዓጪ ካራና ቢያ ዓካዳንዳ ዋዳ" ሄላ"ንዳኣናኬ። 22 ሙሴያ ኬኤዛያ <ያኑሲ ታና ኬሲ" ዲንሢም ኬኤዘሳሢጉዲ ዲንሢኮ ጌርሲንሢ ባኣካ"ፓ ያኑሲ ማሊሢ ኬኤዛያ ኬሳ"ንዳኔ፤ ዩይ ኬኤዛ ባኮ ቢያ ዋይዙዋቱ፤ 23 ዩይ ያኑሲ ማሊያ ኬኤዛሢ ኬኤዛ ባኮ ዋይዙዋይ ቢያ ዴራ"ፓ ዲማዲ ባይቆንጎ' ሂዚ ጌዔኔ። 24 ያኑሲ ማሊያ ኬኤዛ ሳሙዔኤሌይዳፓ ዓርቁ ያኑሲ ማሊያ ኬኤዛ ዓሳ ቢያ ሐሮ" ዋዶ" ዛሎ" ኬኤዘኔ። 25 ያኑሲ ማሊያ ኬኤዛ ዓሶ ዛሎ"ና ኬኤዘንቴ ሐጊ ማዓንዳ ዋዛ" ዲንሢሮኬ፤ ዩያጉዲ ያኑሲ ዓብራሃሜም <ሳያይዳ ዓኣ ዴራ" ቢያ ኔ ዜርያና ዓንጂንታንዳኔ> ጌዒ ኑኑኮ ዓደንሢና ዋላ" ጫኣቂ ጫኣቂማ ዲንሢማኣ ማዓያኬ፤ 26 ዩያሮ ያኑሲ ቤርታዲ ፔ

3:13 ኬሲ. ማፃ 3፣15። 3:14 ማቲ. 27፣15-23፤ ማር. 15፣6-14፤ ሉቃ. 23፣13-23፤ ዮሐ. 10፣12-15። 3:22 ላሚ. ዋማ 18፣15፤ 18። 3:23 ላሚ. ዋማ 18፣19። 3:25 ማኸ. ማፃ 22፣18።

ናዓሢ ዳኪሢ ሲንሢሞኬ፤ ዬያ ያኦሲ ማድሢ' ዬይ ናዓሢ ሲንሢ ፔቴ" ፔቴ"ሢ ፑርቶ ጎይፃፓ ማሢ ሓሣ ሲንሢ ሳንጃንዳጉዲኬ» ጌዔኔ።

4

ጳጳርሴና ዮሐንሴና ዋጎ ዋጋ ዓይሁዶ ዓሶ ቤርቶ ሸኢኬሢ

1 ጳጳርሴና ዮሐንሴና ዳሮ"ም ኬኤዛ ጎይሣ ዓኣንቴ፥ ቁኤሶና * ጌኤዠ ማኣሮ ካፓ ዓሶኮ ሱኡጋሢና ዬያጉዲ ሓሣ ሶዶቄ ጌይንታ ዓሳ ዔያቶ ኮራ ሙካዖ፥ 2 ዬንሢ ላሞዖ ዳኪንቴዘንሢ ዬሱሴኮ ሓይባ"ፓ ዔቂዖ ዛሎ" ዒኢካ ዓሶ ዔርዘሢሮ፤ ሓሣ ዬያጉዲ ሓይቄ ዓሶኮ ዔቂሢ ዓኣያ ማዔሢ ዓሶም ፔጋሲ ኬኤዘሢሮ ዔያታ ዳጋና ጎሪ"ንቴኔ። 3 ሓሣ ዔያቶ ዓርቄኔ፤ ዒማ"ና ሳዓ ዓማ"ያታሢሮ ሳዓ ካራንዳኣና ቱኡዘ ማኣራ ቱኪ" ዋይሢ። 4 ያዒ ማዔቶዋ ዔያታ ኬኤዘ ቃኣሎ" ዋይዜ ዓሶይዳፓ ሚርጌሢ ኪሪሰቶሴ ጉሙርቄኔ፤ ዬማና ኪሪሰቶሴ ጉሙርቄ ዓቲንቆኮ ፓይዳ" ዶንጎ ሸያ ባንሢ ዴግ ጌዔኔ።

5 ዘሮ ጉቴ"ሎ ዓይሁዶ ዓሶኮ ሱኡጎና ጨሞ ማዔ ዓሶና ሙሴ ዋጎ ዔርዘ ዓሶና ዋላ" ዬሩሳላሜይዳ ቡኪንቴኔ። 6 ዒኢካ ቡኬ ዓሶ ባኣካ" ቁኤሶ ቢያኮ ሱኡጋሢ ማዔ፥ ሃኣናንታ ቃያፓንታ ዮሐንሴንታ ዒሰኪንዲሮሴንታ ቁኤሶ ሱኡጋሢኮ ዒጊኖ ማዔ ዓሳኣ ዓኣኔ። 7 ዬካፓ ዔያታ ላሞዖ ዳኪንቴዘንሢ ዔኪ ሙኪ ዔያቶ ባኣካ" ዔቂሳዖ፡- «ሓያ ሲንሢ ዓይጎ ዋልቄና ሓሣ ዖ ሱንሢና ማዴይ?» ጌዒ ያኦጩኔ።

8 ዬማና ጳጳርሴ ዓያና ጌኤሺ ቢታንቶ ዳሞ ጌሊ፡- «ሲንሢ ዳሮ"ኮ ሱኡጎና ጨሞ ማዔ ዓሳ! 9 ኑኡኒ ሓሮ" ያኦጩንታሢ ፔቴ" ዋቦ ዓሢም ኮሺ ባኣዚ" ማዲንቴሢሮና ሓሣ ዒዚ ዋይቲ ዳቂታቶዋ ዬኖ ዛሎ"ሮ ማዔቶ፥ 10 ሓይ ዓሢ ዳቂ ሲንሢ ቤርታ ዔቂሢ፡- ሲንሢ ሱፃሢ ሓሣ ያኦሲ ሓይባ"ፓ ዔቂሴሢ፤ ናዚሬቶ ዬሱሰ ኪሪሰቶሴ ሱንያና ማዔያታሢ ሲንሢንታ ዒሰራዔኤሌ ዳሮ" ቢያሢም ዔርቲያ ማዖንጎ። 11 ሲንሢ ማኣሮ ማዠ" ዓሳ ቦሢ ኬኤሬ ሸጫሢ ዒዛከ፤ ጋዓንቴ ዒዚ ማኣሮ ዶዲሺ ዓርቃ ሄላ"ሢ ማዔኔ።

12 ዬያሮ ዳቂታ ሲዛና ማዓንዳፓዓቲም ሜሌ" ዓይጎ ዓሲናታዖ ባኣሴ፤ ዓይጎሮ ጌዔቶ ኑ ዳቃኒ ኮይሳያ ሓሣ ያኦሲ ዓሲም ሲንጌ ሱንሢ ዒዛ ሱንያይዳፓ ዓታዛ ዓጮ" ቢያይዳ ያኦኒያ ባኣሴ» ሄዚ ጌዔኔ።

* 4:1 ቁኤሶና- ጋዓዘ ፔቴ" ፔቴ" ሚናኣ ማፃኣፓ «ቁኤሶኮ ሱኡጎና» ጋዓኔ። 4:11 ዓይኑ. 118፡22።

13 ዋጎ ዋጋ ዓሳ ጳዳሮሴና ዮሐንሴና ዒጊጩዋየ ቢያ ባኮ ጎናሲ ኬኤዛሢ ዛጌ ዋድ"ና ዔርዘ ማኣሮ ጌሊባኣ፥ ጉሪ ዓሲታሢ ዔያቶ ዔራያታሢረ ዲቃቲ ሄርሻዖ፥ ዔያታ ዩሱሴና ዋላ" ዓኣያ ማዔሢ ዔሬ። 14 ዳቄ ዓሢያ ጳዳሮሴና ዮሐንሴና ኮራ ዔቂ ዓኣሢ ዛጋየ ጎዖንዶ ጎይሢ ዔያታ ባይዜ። 15 ዩያሮ ዋጎ ዋጎ ቤዘይዳፓ ዳካ"ሮ ዔያቶ ሺኣሻዖ ሂዚ ጌዒ ዔያታ ዘርቴ። 16 «ዓካሪ ሓንሢ ዓሶንሢ ኑ ዋድ"ንዶይ? ሓይ፥ ዖኣሲ ዋልቆና ማዲንታ ዴኤፖ ዓኮ ባካ ዔያቶ ዛሎ"ና ማዲንቲሢ ፍሩሳላሚ ዓጫ" ናንጋ ዓሶም ቢያ ዋይዚንቲ፤ ዩያሮ ኑ ዔሩዋሴ ጋዒ ዳንዳዑዋሴ፤ 17 ጋዓንቲ ዴሮ" ባኣካ" ሓይ ዳልጊ ዳንዳዋንቲ ሓካፓ ሴካ ዩሱሴ ሱ"ንዖ ዔኤሊ" ዖኣማኣ ዔያታ ዔኤቢ ኬኤዘዋጉዲ «ዒንሢና ዔሩዋቴ!» ኑ ጋዓንዳይ» ጌዔ።

18 ዩካፓ ዔያታ ጳዳሮሴና ዮሐንሴና ዔኤላ"ዖ ዩሱሴ ሱ"ንዖ ዔኤሊ" ፔቴ"ታዖ ዔኤቢ ኬኤዘዋጉዲና ሃሃ ዔርዘዋጉዲ ኮሺ" ላቲ" ዓይሢ። 19 ጳዳሮሴና ዮሐንሴና ጋዓንቲ ማሃዖ፡- «ጾላሲም ዓይሢንቲፃፓ ባሺ ዒንሢም ዓይሢንቲሢ ዖኣሲ ቤርቶይዳ ኮይሳያዳ? ዒንሢ ሂንዳ ዒንሢ ቶኦኪና ዋጉዋቴ። 20 ኑም ጋዓንቲ ዛጌሢና ዋይዜሢና ኬኤዘሢ ሓሺ"ንታዓኬ» ጌዔ። 21 ዴሮ"ኮ ሱኡጎና ዋጎ ዋጋ ዓሶና ጳዳሮሴና ዮሐንሴናይዳ ጌሰቲ ዋጎንዶ ባኣዚ" ዳንቁባኣሢረ ዴሮ"ዋ ሃሃ ዔያታ ዒጊጩሢረ ጊንሃ ሓሃ «ዒንሢና ዔሩዋቴ» ጌዒ ላታ"ዖ ሓሺ"ኤ። ዓይጎሮ ጌዔቶ ዴራ" ማዲንቲ ባኮሮ ዖኣሲ ጋላታያ ማዔሢሮኬ። 22 ዩያ ዖኣሲ ዋልቆና ማዲንቲ ዓኮ ባኮና ዳቄ ዓሢኮ ሌዓ ዖይዲታሚ"ፓ ዑሣኬ።

ኪሪሰቶሴ ጉሙርቁ ዓሳ ዳውሲንቲያና ሺኣቁ ሺኣጲሢ

23 ጳዳሮሴና ዮሐንሴና ቡሊ"ንቲ ኪሪሰቶሴ ጉሙርቃዘንሢ ኮራ ሙካዖ ቁኤሶኮ ሱኡጎና ዓይሁዶ ዓሶኮ ጨዋና ዔያቶ ኮራ ጌዔ ባኮ ቢያ ኬኤዜ። 24 ዔያቶኮ ላጎንሢያ ዩያ ዋይዘዖ ዑኡዘ ፔኤሲ" ዴጊዲ ዖኣሲ ሂዚ ጌዒ ሺኣቁ፡- «ጫሪንጮንታ ሳዖንታ ባዘ"ንታ ሃሃ ዩያ ባኮ ቢያይዳ ዓኣ ባኮ ቢያ ዋይሃሢና ማዜ ጎዳሢዮ! 25 ዓያኖ ጌኤዠ ማኣዴ"ም ማዳ ኔ ዓይላ"ሢ፥ ኑ ዓዳሢ ዳውቴ ዛሎ"ና፡-

ጎይሁዴ ማዒባኣ ዓሳ ዓይጎሮ ጎሪ"ንቲ ጉንዲሜይ?
ዴራ" ሃሃ ጉሪ ፓሡዋ ባኣዚ" ዓይጎሮ ማሌይ?
26 ሳዖኮ ካኣታ" ዋሊ ጊንዖ ዔቂ
ዋይሃ ዓሳኣ ፔቴ"ይዳ ቡኪንቲ
ጎዳና ሜሲሔናይዳ ሞርኬ ማዒ ዔቁ። »

4:24 ኬሲ. ማፃ 20፥11፤ ኔሄ. 9፥6፤ ዓይኑ. 146፥6።

ሂዚ ጌዒ ኬኤዘህ ጎኔኬ።

27 ሐሣ ዔያታ ጋዓዖ፡- «ጎኔና ሄሮዲሴንታ ጳንዖስጲላዖስንታ ዓይሁዳ ማዒባኣ ዓሶንታ ዒሰራዔኤሌ ዳሮ"ንታ ዋላ" ሐኖ" ካታሚሎይዳ ቡኪንቲ ኔኤኒ ሚሲሔ ማሄ ኔኤም ማዳ፡ ዲማዳ፡ ዩሱሴ ዑዖይዳ ዔቁኔ። 28 ያዲ ዔያታ ማዳህ' ቤርታዲ ኔኤኒ ኔ ዋልቆና ሐሣ ኔ ማሊዖና ማሌ ባኮ ኩንሣኒኬ፤ 29 ሐሂያ ጎዳሂዮ! ዔያቶኮ ዚርቂዖ ዋይዜ፤ ኔኤም ማዳ ዓይላ" ቃኣሎ" ኔኤሲ" ዒጊቹሞ ባኣያ ጫርቂ ኬኤዘንዳጉዲ ማዳ፤ 30 ኔኤም ዲማዲ ማዳ፡ ዩሱሴ ሱንዖና ሃርጊንቴ ዓሳ ዳቃንዳጉዲና ሐሣ ኔ ዋልቆና ማዳንታ ዓኪ ባኣዚ"ና ማላታና ማዳንታንዳጉዲ ዋልቆ ኔኤሲ" ዳዌ» ጌዒ ሸኢቁኔ።

31 ሸኢቁ ዔያታ ጋፓማና ዔያታ ዓኣ ቤዛ ዓጊዌኔ፤ ጉቤህ ዩማና ዓያና ጌኤሸ ቢታንቶ ዳሞ ጌሌኔ፤ ያኦሲኮዋ ቃኣሎ" ዔያታ ዒጊቹሞ ባኣያ ጫርቂ ኬኤዘኔ።

ቤርታዲ ኪሪሰቶሴ ጉሙርቁ ዓሶኮ ፔቱሞ ናንጎ

32 ኪሪሰቶሴ ጉሙርቁ ዓሶኮ ቢያ ፔቱ" ዒኔና ፔቱ" ማሊሂና ዓኣኔ፤ ዖና ማዔቶሞ «ሃይ ታኣርኬ» ጋዓ ባኣዚ" ባኣሴ፤ ዔያቶኮ ዓኣ ባካ ቢያ ፔቱ"ይዳኬ፤ 33 ዳኪንቴዘንሢኮ ጎዳ ዩሱሴኮ ሐይባ"ፓ ዔቁዖ ዳኤፒ ዋልቆና ማርካዲ ኬኤዘኔ፤ ያኦሲያ ዔያቶ ቢያህሞ ሚርጌ ዳኤፒ፣ ኮሺ ማዳ ማዳኔ። 34 ሳዓታቶሞ ማኣሪታቶሞ ዔያቶኮ ዓኣ ባኮ ቢያ ሻንቹ ሻንቹ ሚኢሾ ዔኪ ሙኪ ፔቱ"ይዳ ጌህ ማኣዲ"ንታሂር ዔያቶ ባኣኮ"ይዳ ፔቱ"ታዖ ሜታዳ ዓሲ ባኣሴ። 35 ሚኢሾ ዔያታ ዔኪ ሙካዖ ዳኪንቴዘንሢኮም ዒንጋኔ፤ ዩያር ፔቱ" ፔቱ"ሂም ኮይሳሂጉዳያ ጊሸኪንታኔ።

36 ቆጲርሴ ጌይንታ ዓጪዳ ሾይንቴ ዮሴፔ ጌይንታ ፔቱ" ለዋ ዓጳፓ ማዔሰኬያ ዓኣኔ፤ ዳኪንቴዘንሢኮም ዒዛኮ ሱንዖ «ባርናባሴ» ጋዓኔ። ዩኖኮ ቡሊ"ዓ «ደዲሻ ናይ» ጌይሂኬ። 37 ዒዚያ ፔኤኮ ሳዖ ሻንቹ ሚኢሾ ዔኪ ሙኪ ዳኪንቴዘንሢኮም ዒንጌኔ።

5

ሐናኒያና ሳጲራና

1 ፔቱ" ሐናኒያ ጎዖ ዓሲሰኬያ ሳጲራ ጌይንታ ዒዛኮ ማቐሰኬኖና ዋላ" ሳዓ ሻንቹኔ፤ 2 ማቐ ዒዛኮ ዔራንቴ ሳዖ ሻንቹና ሚኢሾይዳፓ

4:26 ዓይኑ. 2፡1-2። 4:27 ማቲ. 27፡1-2፤ ማር. 15፡1፤ ሉቃ. 23፡1፤ 7፡11፤ ዮሐ. 18፡28-29። 4:32 ዳኪ. ማዕ" 2፡44-45።

ገቁ፡ ዓይሲ ዔኪ ሙኪ ዳኪንቴዘንሚን ማድ"ም ዓንገጌ፤ 3 ጳጳርሴ ጋዓንቴ ዒዛም፡- «ሐናኒያ! ዓያኖ ጌኤዦም ኔ ሉኡቃንዳጉዲ ሐሣ ሳዖ ኔ ሻንቹ ሚኢሾኮ ዛሎ" ገቁ ዓይሳንዳጉዲ ማዳ ፃላሄ ዒና" ኔኤኮ ዓይጋ ጌሌይ? 4 ኔኤኒ ሳዖ ሻንቹባኣንቴ ቤርታ ኔኤርቱዓዳ? ሐሣ ኔ ሻንቹሰካፓ ሚኢሻ ኔኤርቱዋይ? ሂዳዖ ሐያ ባኮ ዓይጋ ኔ ዒኖና ማሌይ? ኔ ሉኡቁሣ ያኦሲም ማዓንዳኣፓዓቱም ዓሲምቱዋሴ» ጌዔኔ። 5 ሐናኒያ ዩያ ዋዋይዘዖ ሎኦሚ ሐይቄኔ፤ ዩኖ ባኮ ዋይዜ ዓሳ ቢያ ኮሺ" ዒጊጨኔ። 6 ዓሲሰከንሚ ዒማ"ና ሌዘ ዒዛኮ ሱኡዳዖ ዔኪ ዓኣዲ ዱኡከኔ።

7 ዩካፓ ኔጌንቴ ሐናኒያኮ ማቻ ዒዘ ቤዘ ሙከኔ፤ ዓኒዳ ማዲንቴ ባኮ ጋዓንቴ ዒዛ ዔሪባኣሴ። 8 ጳጳርሴ ዒዘ ኮራ፡- «ሂንዳ ታኣም ከኤኤ፤ ዒንሣ ሳዖ ዒንሣኮ ሻንቹሣ ሐንሣጉይ ሚኢሾምዳ?» ጌዔኔ። ዒዛ ማሐዖ፡- «ሂዮ፡ ዩንሣጉይ ሚኢሾምከ» ጌዔኔ።

9 ዩማና ጳጳርሴ፡- « ሳኦሲኮ ዓያና" ዋይታቱ ሂንዳ ኑ ዛጎም ጌዒ ዋዲ" ዒንሣ ዋላ" ጌሰቱይ?» ሐይሾ ኔኤኮ ዓኒ ዱኡከ ማዓ ዓሳ ካራ" ዓኣኔ፤ ኔናኣ ሐሣ ዔያታ ዔኪ ዓኣዲ ዱኡካንዳኔ» ጌዔኔ። 10 ዒዛኣ ቤዘማና ቶኮ" ዴማ" ዒዛኮ ሎኦሚ ሐይቄኔ፤ ዓሳንሣ ጌላንቴ ዒዛ ሐይቄ ዓኣ ጋዓዛ፡ ዔኪ ዓኣዲ ዓኒ ዱኡፖ ኮራ ዱኡከኔ። 11 ሺኢጲያ ማኣሮ ዓሳ ቢያሣዳ፤ ሐሣ ገንሣ ዩያ ባኮ ዋይዜ ዓሳ ቢያሣዳ ዒጊቹም ጌሌኔ።

ዳኪንቴዘንሚን ዛሎ"ና ሚርጌ ሃርጌ ዓሲ ፖዔሣ

12 ሚርጌ ያኦሲ ዋልቄና ማዲንታ ዓኪ ባኣዚ"ና ዲቃሣ ባኣዚ"ና ዳኪንቴዘንሚን ዛሎ"ና ዒማ"ና ማዲንታ፤ ሐሣ ከሪሰቶሴ ጉሙርቃዘንሣፓ ፔቱ" ዒኔና ማዒ «ሴሎሞኔ ዴማ" ሃንታ፡ ዴኤፖ ዛምፓሣ» ጎዖ ቤዘይዳ ቡኪንታ። 13 ዔያቶይዳፓዓቱም ጉሪ ሚሌ" ዓሲ ማዔያ ፔቱ"ታዖ ዔያቶና ዋላ" ማዓኒ ጨርቁባኣሴ፤ ያዲ ማዔቲያ ዴራ" ዔያቶ ቦቦንታ። 14 ጎዳ ጉሙርቃ ዓሳ ዓቲንቆና ላኣሎናኮ ፓይዳ" ኮሺ" ሚርጌ ሚርጌ ዓኣዴኔ። 15 ዳኪንቴዘንሚን ዛሎ"ና ማዲንታ ዲቃሣ ማድ"ሮ ጌዒ ዓሳ ዲቢ ሃርጌንቴ ዓሲ ጎይዖይዳ ከሲ" ከሲ"፡ ዛሎ" ሻኣላ"ይዳ ዛሎ" ሃላሣዳ ላይሣኔ፤ ያዒ ዔያታ ማዴሣ ጳጳርሴ ዩይና ዓኣዳኣና ዔኤዦ ሺባታዖ ፔቱ" ፔቱ" ዓሳ ዑዖ ሄላ"ንዳጉዲከ። 16 ዩሩሳላማ ኮይላ" ዓኣ ካታማፓ ዓሳ ፔኤኮ ሃርጌንቴ ዓሳና ፑርታ ዓያናና ሜታዳ ዓሳ ዔኪ ሙካኔ፤ ቢያሣያ ዶርዓሣዳፓ ፖዓኔ።

ዳኪንቴዘንሚን ዒፂ ዳውሶናሣ

17 ዬያይዳፓ ዔቁያና ቁኤሶኮ ሱኡጋሢና ዒዛና ዎላ" ዓኣ ሶዶቂ ዓሶ ዜርፃ ቢያ ሞርኬ ማዒ ዳኪንቴዘንሚኮ ዑፃ ዔቁኔ፤ ሓሣ ዔያቶ ዒናፓ ቁኢሪ፥ 18 ዓርቂ ዔኪ ዴሮ"ኮ ቱኡዘ ማኣራ ጌልዚ ቱኬ"ኔ። 19 ያኦሲኮ ከኢታንቻ ጋዓንቴ ዲሞና ቱኡዘ ማኣሮኮ ካሮ" ቡሊ" ዔያቶ ከሳ"ዎ፡- 20 «ዴንዲ ሺኢጲፃ ማኣሮይዳ ዔቂ ዴሮ"ም ሓያ ሺምፖ ቃኣሎ" ቢያ ከኤዙዎቴ» ጌዔኔ። 21 ዳኪንቴዘንሚኮ ዬኖ ዓይሢፃ ዔኪ ጉቴ" ዓሚ" ሺኢጲፃ ማኣሪ ጌላፃ ቃኣሎ" ከኤዚሢሢ ዓርቁኔ፤ ዒሚ"ና ቁኤሶኮ ሱኡጋሢንታ ዒዛና ዎላ" ዓኣ ዓሶንታ ሓሣ ዎጎ ዎጋ ዓሶንታ ዓይሁዶ ዓሶኮ ጨሞንታ ቢያ ሙኪ ፔቴ"ይዳ ቡኪንቴኔ፤ ዬካፓ ዳኪንቴዘንሚኮ ቱኡዘ ማኣራፓ ዴንዲ ዔኪ ሙካንዳጉዲ ዓሲ ዳኬኔ። 22 ኪኢቶ"ና ዓኣጳ ዓሶንሢ ጋዓንቴ ቱኡዘ ማኣሪ ዓኣጳፃ ዳኪንቴዘንሚኮ ዒኢካ ዴንቁባኣሴ፤ ዬያሮ ማዒ ሙካዎ፡- 23 «ቱኡዘ ማኣሮኮ ካራ" ኮሺ" ዎዲንቴ፥ ካፓ ዓሳ ሓሣ ካራ" ዔቂ ዓኣንቴ ኑ ዴንቁኔ፤ ቱኡዘ ማኣሮኮ ካራ" ኑ ቡላ"ዎ ጋሮይዳ ፔቴ"ታዎ ዓሲ ዴንቁባኣሴ» ጌዒ ከኤዚኔ። 24 ጌኤዢ ማኣሮ ካፓ ዓሶ ዓይሣሢና ቁኤሶኮ ሱኡጎና ዬያ ዎይዘዎ፡- «ሓይ ዓይጎ ባኣዚ" ናንዳይ?» ጌዒ ዔያቶ ዘሎ" ጎዎንዶ ጎይሢ ባይዜኔ። 25 ዬማና ፔቴ" ዓሲሰኬያ ሙካዎ፡- «ዒንሢ ቱኡዘ ማኣራ ቱኬ" ዓሶንሢ ሓይሾ ጌኤዢ ማኣሮይዳ ዔቂ ዴሮ" ዔርዛኔ» ጌዒ ዔያቶም ከኤዜኔ። 26 ጌኤዢ ማኣሮ ካፓ ዓሶኮ ሱኡጋሢ ዒዛኮ ዓይሢንቴ ማዳ ዓሶና ዎላ" ኔጉዎዎ ዴንዲ ዳኪንቴዘንሚኮ ዔኪ ሙኬኔ፤ ዔያታ ዔኪ ሙኬሢ" ዎልቁናቱዎንቴ ጌሺሢናኬ፤ ያዲ ዔያታ ማዳሢ" ዴራ" ዔያቶ ሹቻ ዲዓንዳኔ ጌዒ ዒጊጩሢሮኬ።

27 ዔያታ ዔኪ ሙካዎ ዎጎ ዎጋ ዓሶ ቤርታ ዔቁሳዛ፥ ቁኤሶኮ ሱኡጋሢ ዔያቶ ኮራ፡- 28 «ዬሱሴኮ ሱንፃ ዔኤሊ" ፔቴ" ባኣዚ"ታዎ ዒንሢ ዔርዙዎጉዲ ላቴ" ዒንሢ ኑ ዓይሣኔ፤ ሓሣ ዒንሢ ጋዓንቴ ዬሩሳላሜ ዓጮ" ቢያ ዔርዚ ሓይሾ ኩርሴኔ፤ ዒንሢ ሃና ዓሳ ዬያ ዓሢኮ ሱጉዎ ኑ ዑፃ ማሃኒ ኮዓያኬ ሃይሾ!» ጌዔኔ።

29 ጳይሮሴንታ ዒዛና ዎላ" ዓኣ ዳኪንቴዘንሚኮንታ ማሓዎ፡- «ዓሲም ዓይሢንቴሢፓ ያኦሲም ዓይሢንቴሢ ኑና ኮይሳኔ፤ 30 ኑ ዓደንሢ ያኡዛሢ" ሚያይዳ ዒንሢ ሱፃ ዎጳ ዬሱሴ ሓይባፓ ዔቁሴኔ፤ 31 ዬይ ዬሱሴ ዒሰራዔኤሌ ዴሮ" ጎማፓ ማሓንዳጉዲና ጎም ዓቶም ጋዓንዳጉዲ ያኦሲ ዒዛ ዓርና ሓሣ ዳቂሻያ ማሃ ፔኤኮ ሚዛቆ ዘላ" ቡንቸና ጌሣኔ፤ 32 ዬያ ባኮኮ ኑናንታ ያኦሲ ፔኤም ዓይሢንታ ዓሶም ቢያ ዒንጌ ዓያኖ ጌኤዢንታ ማርካኬ» ጌዔኔ።

33 ዋጎ ዋጋ ዓሳ ይያ ዋይዘያ ኮሺ" ዳጋዲ ዳኪንቴዞንሢኮ ዋዲኒ ኮዔኔ። 34 ጋዓንቴ ዴሮ" ባኣካ" ቦንቸንታያ ሙሴ ዋጎ ዔርዘ ጌማሊያሌ ጌይንታ ፔቴ" ፔርሴ ዓሲሰኬይ ዔቃያ ዳካ"ሮ ዋጎ ዋጋ ዓሳ ቤርታፓ ዳኪንቴዞንሢኮ ሺኢሻንዳጉዲ ዓይሄኔ። 35 ዬካፓ ዋጎ ዋጋ ዓሳጥ፡- «ዒሰራዔኤሌ ዓሲዮቴ! ዒንሢ ሐኖ" ዓሳይዳ ዓይጎ ማዲኒ ማላቴያ ዒንሢና ኮሺ" ዔሩዋቴ፤ 36 ሃያኮ ቤርታ ዬያጉዲ ቴዋዳሴ ጌይንታ ዓሲ ታ ዳኤፒኬ» ጌዒ ዔቁኔ፤ ሐሣ ዒዛና ዋላ" ያይዶ ጭታ ዓሲ ፔቴ" ማዔኔ፤ ጋዓንቴ ዬያ ዋዶም ዒዛኮ ጊንያ ሐንታ ዓሳ ላኣለንቲ ባይቃዛ ማሊፃ ዒዛሲያ ባይቁኔ። 37 ዬካፓ ሐሣ ዴራ" ፓይዲንቴ ዋዶ"ና ጌሊላ ዓጪ ዓሲ ማዔ፥ ዪሁዳ ጎያሢ ዔቁ ማርጌ ዴሬ ዒዛ ጊንያ ሃንታንዳጉዲ ማሄኔ፤ ዒዚያ ዋዲንቴኔ፤ ዒዛ ጊንያ ሐንታ ዓሳኣ ላኣለንቲ ባይቁኔ። 38 ዬያሮ ሐሣ ታ ዒንሢም ጋዓሢ ሐንሢ ዓሳንሢዳፓ ሐኪ ዒንሢ ዔያቶ ሃሻ"ንዳጉዲኬ፤ ዓይጎሮ ጌዔቶ ሐይ ማሊፃ ሐሣ ሃይ ማዳ" ዓሲፓ ሙኬያታቶ ባይቃንዳኔ፤ 39 ያኦሲፓ ሙኬያ ማዔቶ ጋዓንቴ ዔያቶ ዒንሢ ባይዛኒ ዳንዳዑቀሴ፤ ፔቶ" ዬይ ዒንሢኮ ያኦሲና ዋላ" ፑርቲሢ ማዓንዳኔ» ጋዓዛ፥ ዔያታ ጌማሊያሌኮ ዘሮ" ዋይዚ ዔኬኔ።

40 ዬካፓ ዔያታ ዳኪንቴዞንሢኮ ዔኤላ"ያ ጳርቂሲ ዬሱሴኮ ሱንያ ዔኤሊ" ዓሳ ዔርዘዋጉዲ ላታ"ያ ዳኬኔ። 41 ዳኪንቴዞንሢኮ ጋዓንቴ ዬሱሴ ዛሎ"ና ቦርሲንቲታቶዋ ዔካኒ ጊኢጌያታሢሮ ዋዛዲ ዋዛዲ ዋጎ ዋጋ ዓሳ ቤርታፓ ኬሰኪ ዴንዴኔ፤ 42 ቢያ ኬሊ" ጌኤዢ ማኣሮና ዓሳኮ ማኣሮናይዳ ማሲሔ ማዔ፥ ዬሱሴ ዛሎ" ኬኤዚያንታ ኮዢ ሐይሶ ኬኤዚያዋ ዔያታ ሐሺ"ባኣሴ።

6

ማድ" ማዳ ላንካዋ ዲያቆኖኮ ደኦሪንቲያ

1 ዬካፓ ኪሪሰቶሴ ጉሙርቃ ዓሳኮ ፓይዳ" ማርጌ ማርጌ ዓኣዳዛ ጊሪኬ ሙኤጮ ጌሰታ ዓይሁዶ ዓሳ ዬሩሳላሜይዳ ናንጋ ዓይሁዶ ዓሳ ዑያይዳ ጉንዳሞ ዓርቁኔ፤ ዓይጎሮ ጌዔቶ ኬሊ" ኬሊ" ሙያ ባካ ዒንጊንታ ዋዶ"ና ዔያቶኮ ባኣካ" ዓንሢሢ ሐይቁ ላኣሎ ዬሩሳላሜ ዓይሁዶ ዓሳ ዋላ"ሢሮኬ። 2 ዬያሮ ታጳ ላምያንሢ ኪሪሰቶሴ ጉሙርቃ ዓሳ ፔቴ"ይዳ ቡኩሳያ፡- «ሙኤዚ" ጊሸኪሢሮ ጌዒ ያኦሲ ቃኣሎ" ዔርዚያ ማዶ" ኦና ሐሻ"ኒ ኮይሱቀሴ። 3 ዓካሪ ታ ዒሸንሦ! ታ ማሸንሦ! ኮሺ ዒኔና ዓኣያ ማዒ ማዶና ቢያሢ ጋላቲሳያ፥ ዓያና ጌኤሺ ኩሙሢ ዋልቁና ማዳያ ሐሣ ማርጌ ዔራ ማዔ ላንካይ ዓሲ ዒንሢ ባኣካ"ፓ ደኦሪዋቴ፤ ዬያቶ ኦኤኒ ሃኖ" ማዶ" ማዲሻንዳኔ።

4 ኑኡኒ ጋዓንቴ ሺኢጲያንታ ያኦሲ ቃኣሎ" ዔርዚያ ማድ"ሞ ዶዲ ማዳንዳኔ» ጌዔኔ።

5 ዬና ጌኤዛ ቢያሢ ዋዛሴኔ፤ ሓካፓ ሊካ ዓኣ ዓሶሞ ዔያታ ዶኦሬኔ፤ ጉሙርቁሢ ዓኣያ ሓሣ ዓያና ጌኤሺ ቢታንቶ ዴሞ ጌሌ ዒሰዲፓሮሴ፣ ፒልጶሴ፣ ጲሮኮሮሴ፣ ኒቃሮና፣ ዲሞና፣ ጴርሜ፣ ዓይሁዴቱሞ ዓይሁዴ ማዔ ዓንጾኪያ ዓጮ" ዓሢ ኒቆላሞሴ ጎሆሢንታኩ። 6 ዬንሢ ዔያታ ዳኪንቴዞንሢኮ ቤርቶ ሺኢሹኔ፤ ዳኪንቴዞንሢኮ ሺኢቃያ ኩጮ ዔያቶ ዑፃ ጌሣኔ።

7 ያዲዲ ያኦሲኮ ቃኣላ" ዳልጊ ዳልጊ ዓኣዴሢሮ ዬሩሳላሜይዳ ኪሪሰቶሴ ጉሙርቃ ዓሶኮ ፓይዳ" ሚርጊ ሚርጊ ዓኣዴኔ፤ ቄኤሶይዳፕኣ ሚርጊሢ ኪሪሰቶሴ ጉሙርቄኔ።

ዒሰዲፓሮሴኮ ዓርቂንቲያ

8 ዒሰዲፓሮሴ ያኦሲኮ ኮሹሞ ዒንጊያ ዔኪ ዋልቄና ማዒ ዲቃሣ ባኣዚ"ንታ ያኦሲ ዋልቄና ማዳንታ ዓኪ ባኣዚ"ያ ዴሮ" ባኣካ" ዬሮ ዋዶ"ና ማዳኔ፤ 9 ዒሚ"ና «ዲማዲ ኬሰኬ ዓሶ ሺኢጲያ ማኣሮ» ጌይንታ ዓይሁዶ ዓሶኮ ሺኢጲያ ማኣራፓ ማዔ ዓሳ፣ ቄሬናና ዒሰኪንዲሪያ ዓጮ" ዓሳ፣ ኪልቄያንታ ዒሲያ ዓጮ" ዓሶንታ ፔቴ"ይዳ ዔቂ ዒሰዲፓሮሴ ዒፂ ማርሜኔ። 10 ጋዓንቴ ዒሰዲፓሮሴ ኬኤዛ ዔራቶና ዓያሮና ዔያታ ባሻኒ ዳንዳዒባኣሴ። 11 ዒሚ"ና፡- «ሓይ ዓሢ ሙሴና ያኦሲና ጫሽካንቴ ኑ ዋይዜኔ» ጋዓንዳ ዓሲ ዔያታ ዴሚ"ና ጊኢጊሹኔ። 12 ዬያይዲ ዴሮ"ንታ ጨሞንታ ሓሣ ሙሴ ዋጎ ዔርዛ ዓሶሞ ዔያታ ዔቂሲ፣ ዒሰዲፓሮሴያ ዓይሢሲ ዋጎ ዋጋ ዓሶ ቤርቶ ሺኢሹኔ። 13 ዒሚ"ና ዒዛ ዑፃ ሉኡዙሞና ማርካዳንዳ ፔቴ" ፔቴ" ዓሲያ ዔያታ ዔኪ ሙኬኔ፤ ሉኡዙሞና ማርካዳ ዓሳ ኬኤዛያ፡- «ሓይ ዓሢ ሓያ ጌኤዦ ማኣሮና ሙሴ ዋጎና ጫሽካኔ። 14 ሓሣ ሩዚሬቶ ዬሱሴ ሓያ ማኣሮ ሻሃንዳኔ፤ ሙሴ ኑና ዓይሢ ዋጎሞ ላኣማንዳኔ፤ ጌዒ ኬኤዛንቴ ኑ ዋይዜኔ» ሂዚ ጌዔኔ። 15 ዬማና ዋጎ ዋጊያይዳ ዓኣ ዓሳ ቢያ ዒሰዲፓሮሴ ኮሺ" ዛጋዛ፣ ዓኣፖ ካራ" ዒዛኮ ያኦሲ ኪኢታንቻ ዓኣፒ ካራጉዲ ማሊ ጴዴኔ።

7

ዒሰዲፓሮሴ ጌሰቴ ጌኤዛ

1 ቄኤሶኮ ሱኡጋሢ ዒሰዲፓሮሴ ኮራ፡- «ዬይ ጌይንቴ ባካ ጎኔዳ?» ጌዒ ያኦጮኔ።

2 ዒሰዲፓሮሴ ሂዚ ጌዒ ማሂኔ፡- «ታ ዒሾንሦ! ታ ዓዶንሦ! ሂንዳ ዋይዙሞቴ፤ ኑ ዓዳሢ ዓብራሃሜ ካኣራኔ ዓጮ"ይዳ ናንጊያር

ዓኣዲንዳሢኮ ቤርታ ሜሶፖታሚያ ዓጫ" ዓኣንቴ ቦንቸንቴ ያኦዛሢ
ዒዛም ጴዳዎ፣ 3 ኄ ዓጫ"ፓ ከሰኪ ሐሣ ኔ ዒጊኖይዳፓ ዳማዲ
ታ ኔና ዳዋ ዓጫ" ዓኣዲ፣ ጌዔኔ። 4 ዒማ"ና ዒዚ ካላዳ ዓሶ
ዓጫ"ፓ ከሰኪ ካኣራኔይዳዳ ዳዔኔ፤ ዒዚ ዒኢካ ዓኣንቴ ዓዳ ሐይቃዛ
ካኣራኔ ዓጫ"ይዳፓ ከሲ" ሃሢ ዒንሢ ናንጋ ዓጬ"ሎ ያኦሲ ዒዛ
ዔኪ ሙከኔ። 5 ያዲ ማዔቶዋ ቶኪ ሂርቃንዳ ቤሲጉዴያታዎ ያኦሲ
ዒዛም ዒንጊባኣሴ፤ ጋዓንቴ ሐኖ" ዓጬሎ ዒዛና ዒዛኮ ፃጶናም
ሐጊ ዓጬ ማሂ ዒዛም ዒንጋንዳሢ ጫኣቄኔ፤ ዬኖ ያኦሲ ዒዛም
ጫኣቄሢ" ዓብራሃሜኮ ሐጊ ናይ ባኣንቴከ። 6 ዜርፃ ዒዛኮ ዓሲ
ዓጬዳ ዒዲንቴሢና ዳውሲንቴ ናንጋንዳሢ ሐሣ ዬኖ ዓጫ"ይዳ
ያይዶ ጻኤታ ለዔ ዓሳ ዔያቶ ዓይሌ" ማሂ ሜታሲ ዎይሣንዳሢ
ዒዛም ከኤዜኔ። 7 ሐሣ <ዓይሌ" ማሂ ዎይሣ ዳሮ" ታኣኒ ፑርታና
ዎጋንዳኔ፤ ዬካፓ ዔያታ ዓይሎ"ማፓ ከሰኪ ሃኖ" ቤዘይዳ ታና
ካኣሽካንዳኔ ሂዚ ጌዒ ያኦሲ ከኤዜኔ። 8 ቃሳ"ዎ ሐሣ ዓቲንቶ
ቤርቶ ቲቂዎ ዎጎዎ ዒንጌኔ። ዬያሮ ዓብራሃሜ ዪሳኣቄ ሾዔሰካፓ
ሳላ"ሳ ከሎ"ና ዓቲንቶ ቤርቶ ዒዛኮ ቲቄኔ፤ ዪሳኣቄ ያይቆኦ
ሾዔኔ፣ ያይቆኦይያ ዲማ ዲማ ዒሰራዔኤሌ ፃጶኮ ዓደንሢ ማዔ
ታጶ ላምዎ ናኣቶ" ሾዔኔ።

9 «ያይቆኦይያ ናኣቶ" ዔያቶኮ ጌርሲ ዮሴፔ ቂኢሪ ጊብፃ ዓጫ"
ዓይሌ" ማዓንዳጉዲ ሻንቸኔ። ያኦሲ ጋዓንቴ ዒዛና ዎላ" ማዔኔ፤
10 ሜቶ" ቢያሢዳፓኣ ዒዛ ከሴ"ኔ፤ ሐሣ ጊብፃ ካኣቲ ቤርቶይዳ
ቦንቸንቴና ዔራቶና ዒዛም ዒንጌኔ፤ ካኣቲያ ጊብፃ ዓጫ" ቢያና
ፔ ማኣሮናይዳ ሱኡጌ ዒዛ ማሂኔ። 11 ዬኖ ዎዶ"ና ጊብፃ ዓጫ"ና
ካኣናኔ ዓጫ"ናይዳ ቢያ ዳኤፒ ሜቶ ማዜ ኪሊ"ንኮ ሉማ ዔቄኔ፤
ዓደንሢያ ኑኡኮ ሙኡዚ" ዳንቃኒ ዳንዳዒባኣሴ። 12 ያይቆኦይ
ጊብፃ ዓጫ"ይዳ ሐኣኮ ዓኣሢ ዎይዛዎ ኑ ዓደንሢ ቤርታሲ ዒኢካ
ዳከኔ። 13 ላሚያ ማዒ ዔያታ ጊብፃ ዓኣዲ ዎዶ"ና ዮሴፔ ፔኤኮ
ጌርሲንሢም ፔና ፔጋሲ ከኤዚ ዔርቲኔ፤ ዒማ"ና ማኣሮ ዓሳኣ ዒዛኮ
ካኣቲና ዔርቲኔ። 14 ዬካፓ ዮሴፔ ፔኤኮ ዓዶ ያይቆኦይና ዒጊኖ
ቢያ ፔ ኮራ ዔኪ ሙከኔ፤ ዬያታ ዎላ ዑፃ ጉቤ ላንካይታሚ" ደንጎ
ዓሲከ። 15 ዬያሮ ያይቆኦይ ጊብፃ ዓጫ" ዓኣዲ ናንጊ ዒዛንታ ኑ

7:3 ማዢ. ማፃ 12፣1። 7:4 ማዢ. ማፃ 11፣3፤12፣4። 7:5 ማዢ. ማፃ
12፣7፤ 13፣15፤ 15፣18፤ 17፣8። 7:6 ማዢ. ማፃ 15፣13-14። 7:7 ከሲ. ማፃ
3፣12። 7:8 ማዢ. ማፃ 17፣10-14፤ 21፣2-4፤ 25፣26፤ 29፣31—35፣18። 7:9
ማዢ. ማፃ 37፣11፤ 28፤ 39፣2፤ 21። 7:10 ማዢ. ማፃ 41፣39-41። 7:11
ማዢ. ማፃ 42፣1-2። 7:13 ማዢ. ማፃ 45፣1፤ 16። 7:14 ማዢ. ማፃ
45፣9-10፤ 45፣17-18፤ 46፣27።

ዓደንሢንታ ዒኢካ ሓይቄኔ። 16 ዒያቶኮ ሌዛ ሴኬሜ ዓጮ" ዒኪ ዓኣዲንቴ፣ ዓብራሃሜ፡- ሴኬሜይዳ ዒሞሬ ናኣቶ"ይዳፓ ፔ ሚኢሼና ሻንቄ ዱኡፖ ካያ ዱኡቴኔ።

17 «ጾኦሲ ዓብራሃሜሞ ጫኣቄ ዒንጌ ሃጊ ማዓንዳ ዎዛ" ኩማንዳ ዎዳ" ዑካዛ ጊብዜይዳ ዓኣ ኑ ዴሮ"ኮ ፓይዳ" ሚርጊ ሚርጊ ዓኣዴኔ። 18 ዩካፓ ማሌ" ካኣቲ ዮሴፔ ዒሩዎያ ጊብዜይዳ ካኣታዴኔ። 19 ዩይ ዓኮ ካኣታ"ሢ ኑ ዴሮ" ዑጾይዳ ጌኔ ማሊሢና ዒቄ ዩያ ዓሶኮ ናኣታ" ሃይቃንዳጉዲ ሓሣ ኬኤሪንታንዳጉዲ ኑኡኮ ዓደንሢ ዎልቄና ዒዚ ኮሺ" ሜታሴኔ። 20 ዩኖ ዎደ"ና ሙሴ ሾይንቴኔ፤ ዒዚያ ሚርጊ ሚዛጲ ናይኬ፤ ሓሣ ሓይሦ ዓጊኒያ ፔ ዓደ ማኣራ ዴዒ ዲጩኔ። 21 ዩካፓ ዒዚ ኬኤሪንቴንቴ ጊብዜ ካኣቲኮ ናይሰኬና ዒዛ ዒኪ ፔ ናይ ማሂ ዲቼኔ። 22 ዩያይዴሞ ሙሴ ጊብዜ ዓሶ ዒራቶ ቢያ ዒሬኔ፤ ጌሰታ ጌኤዘና ማዳ ማዶና ቢያ ደዲ ዓሲ ማዒኔ።

23 «ሙሴኮ ሌዓ ያይዲታሚ" ኩሜ ዎደ"ና ፔኤኮ ጌርሲንሢ ጌይፃ ዒሰራዒኤሌ ናኣቶ" ዛጋጊ ማሌኔ። 24 ዛጎሮ ዒ ሙካንቴ ዒዛኮ ዒጊኖይዳፓ ፔቴ"ሰኬያ ፔቴ" ጊብዜ ዓጪ ዓሲሰኬይ ጳርቄ ሂዓንቴ ዴንቃያ ዩያ ዒጊናሢ ዒ ማኣዴኔ፤ ዩያ ጳርቄንቴ ዓሢ ዛሎ"ዎ ኮሜ ዒካጊ ጊብዜ ዓጮ" ዓሢ ጳርቄ ጳዴኔ። 25 ዒዛ ዛሎ"ና ጾኦሲ ዒያቶ ዓይሉ"ማፓ ኬሳ"ንዳሢ ዒጊና ዒዛኮ ዒራንዳያ ዒዛሞ ማሌኔ፤ ጋዓንቴ ዒያታ ዩያ ዒና ዒኪ ዒሪባኣሴ። 26 ዚሮ ጉቴ"ሎ ላሞያ ዒሰራዒኤሌ ዓሲ ዎላ" ዑራዳንቴ ዴንቃያ ዒያቶ ላኣጋጊ ኮዒ ላዒሢ ሃይ ዓሳ! ዒንሢ ዎሊኮ ጌርሲንሢኬ፤ ዓይጎሮ ዒንሢ ዎላ" ዑራዳይ? ጌዒኔ። 27 ዩይ ፔ ላጋሢ ጳርቃ ዓሣሢ ሙሴ ሴካ ሂዓያ ሳና ኑ ዑፃ ዎይሣያና ዎጋያ ማሄሢ ያናዳይ? 28 ዚጊኖ ኔ ጊብዜ ዓሢ ዎዶ ጎይያ ታናኣ ኔ ዎዳጊ ኮዓ? ጌዒኔ። 29 ሙሴ ዩያ ዎይዛያ ጊብዜ ዓጫ"ፓ ፑኒንቴ ሚዲያሜ ጌይንታ ዓጪ ዓኣዲ ዒኢካ ናንጊ፣ ላሞያ ዓቲንቄ ናይያ ሾዒኔ።

30 «ሙሴ ዒዛ ዓጮ"ይዳ ያይዲታሚ" ሌዒ ዓኣሢሰካፓ ዴብሬሲና ጌይንታ ዲኮ" ኮራ ዓኣ ቦኦሎ"ይዳ ካዮ ባኣካ" ዒኤታ ታሚና ጾኦሲ ኪኢታንቻ ዒዛሞ ጴዴኔ። 31 ሙሴ ዩያ ዛጌ ዎደ"ና ዲቃቲ ሄርሻያ፣ ባንሢ ዑኪ ዛጋንቴ ሄዚ ጋዓ ዑኡሲ

7:15 ማኸ. ማፃ 46፣1-7፤ 49፣33። 7:16 ማኸ. ማፃ 23፣3-16፤ 33፣19፤ 50፣7-13፤ ዒ.ያ. 24፣32። 7:18 ኬሲ. ማፃ 1፣7-8። 7:19 ኬሲ. ማፃ 1፣1-11፤ 22። 7:20 ኬሲ. ማፃ 2፣2። 7:21 ኬሲ. ማፃ 2፣3-10። 7:23 ኬሲ. ማፃ 2፣11-15። 7:29 ኬሲ. ማፃ 18፣3-4።

ዋይዘንቴኔ፤ 32 ታኦኒ ኔ ዓድንሢ ዓብራሃሚ ያኦሲ፡ ዩሳኦቁ ያኦሲ፡ ያይቆኦቤ ያኦሲኬ። ጋዓዛ፡ ሙሴ ዒማ"ና ዒጊጪ ጎጋይቄኔ፤ ዛጋኒያ ጫርቁባኦሲ። 33 ያኦሲ ዒዛሞ ጋዓንቴ ሄ ዔቄ ቤዛ ጌኤሺ ሳዓታሢር ቶካ"ፓ ዲርዘ ኔኤኮ ኬሴ"፤ 34 ጊብፃ ዓጮ"ይዳ ዓኣ ታ ዴሮ"ኮ ዴኤፖ ማቶ ጎኔና ታ ዛጌኔ፤ ዋዪንቶ ዒላቶዋ ታ ዔያቶኮ ዋይዘኔ፤ ዬያሮ ታ ዔያቶ ዓውሳኒ ኬዴ"ሢሮ ሓሢ ኔ ሓኒ ዬዔ፡ ታ ኔና ጊብፃ ዓጮ" ማሂ ዳካንዳኔ። ጌዔኔ።

35 «ዒሰራዔኤሌ ዴራ" ሙሴ ኮራ ሄና ኑ ዑፃ ዋይሣያና ዋጋያና ማሃሢ ያናዳይ?» ጌዒ ቤርታ ዒዛ ማኬያ ማዔቶዋ ያኦሲ ጋዓንቴ ዬያ ሙሴም ካዮ ባኣካ" ጴዲ ኪኢታንቻሢ ዛሎ"ና ዋይሣያና ዋጋያና ማሂ ዔያቶ ባንሢ ዳኬኔ። 36 ጊብፃ ዓጮ"ና ዘቄ ባዘ"ናይዳ ዲቃሢ ባኣዚ"ና ያኦሲ ዋልቄና ማዲንታ ዓኪ ባኣዚ"ና ማዲ ዴሮ" ዓይሎማፓ ኬሴ"፡ ዓሲ ናንጉዋ ዳውሎ"ይዳ ያይዲታሚ" ለዔ ጉቤ ዔኪ ሓንቴሢ ዬያ ሙሴኬ። 37 «ያኦሲ ታና ዔቄሴሢጉዲ ዒንሢኮ ዒሸንሢ ባኣካ"ፓ ያኦሲ ማላሢ ኬኤዛ ዓሲ ዒንሢም ዔቁሳንዳኔ። ጌዒ ዒሰራዔኤሌ ዴሮ"ም ኬኤዜሢያ ዬያ ሙሴኬ። 38 ዓሲ ናንጉዋ ዳውሎ"ይዳ ቡኪንቴ ዴሮ"ና ዋላ" ሓሢ ሰና ዴኮ"ይዳ ጌሰቴ ኪኢታንቻሢና ዬያጉዲ ኑ ዓድንሢና ዋላ" ማዔሢያ ዒዛኬ፤ ያኦሲኮዋ ናንጎ ቃኣሎ" ኑም ዳኪ ሄሊ"ሴሢያ ዬያ ሙሴኬ።

39 «ኑ ዓድንሢ ጋዓንቴ ዒዛ ማማኬያፓዔቴም ዒዛም ዓይሢንቴባኣሲ፤ ዒኖና ዔያታ ጊብፃ ዓጮ" ማዓኒ ማሌኔ። 40 ዓኣርኔ ኮራ ዔያታ ሓይ ጊብፃ ዓጮ"ፓ ኑና ኬሴ" ሙሴ ዋዋይቴቴያ ኑ ዔናዋሴ፤ ዬያሮ ኦኤኮ ቤርታ ቤርታ ዓኣዲ ኑና ዔኪ ዓኣዳንዳያ ካኣሸኮንደ ባኣዚ" ኑም ማጌ። ጌዔኔ። 41 ዒማ"ና ዔያታ ናኣሪ ማላያ ካኣሸኮንደ ባኣዚ" ማጌ ዒንጎ ባኣዚ"ያ ዬያም ዒንጌኔ፤ ዔያታ ጌ ኩጮና ማጌ ባኮናኣ ዋዛዴኔ። 42 ያኦሲ ጋዓንቴ ዔያቶይዳፓ ዲማዴኔ፤ ጫሪንጮ ዠኦጋሢ ዔያታ ካኣሸካንዳጉዲ ዔያቶ ማሄኔ። ዬይያ፡- ያኦሲ ማሊያ ኬኤዛ ዓሲ ዛሎ"ና ሳንሢ ዒሰራዔኤሌ ዓሳ!

ዓሲ ናንጉዋ ዳውሎ"ይዳ ዒንሢ ሹኬ ቆልሞንታ ያይዲታሚ" ለዔ ጉቤ ዒንሢ ዒንጌ ዒንጊያ ታኣምዳ?

43 ዔኪ ዒንሢ ዴንዴሢ ዒንሢ ካኣሸካ ሞሎኬኮ ዓፒሎ ማኣሮንታ

7:34 ኬሲ. ማፃ 2፡14። 7:36 ኬሲ. ማፃ 7፡5፤ 14፡21፤ ፓይ. ማፃ 14፡33።
7:37 ላሚ. ዋሞ 8፡15፤ 18። 7:38 ኬሲ. ማፃ 19፡1—20፡17፤ ላሚ. ዋሞ 5፡1-33። 7:40 ኬሲ. ማፃ 32፡1። 7:41 ኬሲ. ማፃ 32፡2-6። 7:42 ዓሞ. 5፡25-27።

ሬፓኔ ጌይንታ ቢንሢ ያኦዛሢኮ ዠኦኅ ማላ ባኮንታኩ።

ዬያቶ ቢንሢ፡- ቢንሢ ኩቻ ማዠ

ዬያቶም ቢንሢ ዚጋ ቢንሢኮ ካኦሽኮ ያኦዘኩ።

ታኦኒያ ባብሎኔ ዓጫ"ፓ ቢንሢ ዳኪንቴ ዴንዳንዳጉዲ ማሐንዳኔ ጌይንቴ ፃኦፐንቴሢ ጉዴያኩ።

44 «ኑ ዓድንሢኮ ዓሲ ናንጉዋ ዳውሎ"ይዳ ዓፒላና ማዠንጉቴ ያኦሲ ካኦሽኪንታ ማኦሪ ዓኦኔ፤ ዬኖ ዓፒሎና ማዠና ማኦሪ ያኦሲ ቢዛ ዓይሢ ጎይያና ሐሣ ዳዌ ጎይያና ማዠሢያ ሙሴኩ።

45 «ያኦሲ ዔያቶኮ ቤርታፓ ዳውሴ ሜሌ" ዴር" ዓጮ" ዔያታ ዳካሌ ዋድ"ና ኑ ዓሶንሢ ዬኖ ዔያታ ዔኬ ዓፒሎና ማዠንጉቴ ማኦሪሎ ቢያሱና ዋላ" ቢዛ ቤዘ ጌልዜኔ፤ ዴንዲ ዳውቴ ዋድ" ሄላ"ንዳኦና ዬኖ ቢኦካ ዴዔኔ። 46 ዳውቴያ ያኦሲ ቢዛ ቦንቼሢያ ያይቆኦኬ ዜርያ ባኦካ" ያኦዛሢ ዋርቃንዳ ማኦሪ ማዠኒ ያኦሲ ሺኦቄ። 47 ጋዓንጉ ዬኖ ማኦሪ ያኦሲም ማዠሢ ሴሎሞኔኩ።

48 «ያዲ ማዔቶዋ ዴኤፖ ያኦዛሢ ዓሲ ኩቸና ማዠንጉቴ ማኦሪዳ ናንጉዋሴ፤ ዬይያ፡- ያኦሲ ማሊያ ኬኤዛሢ ዛሎ"ና

49 ጫሪንጮ ታኦኮ ዴያ ያይቶኬ፤

ሳዓ ታኦኮ ቶካ ሄርቃ ቤዘኩ፤

ሂዳያ ታኦኮም ቢንሢ ዋዚጉዴ ማኦሪ ማዠንዳይ?

ታ ዴዒ ሐውሻንዳ ቤዘ ዋዚጉዴያዳይ?

50 ዬያ ቢያ ታኦኒ ታ ኩጮና ኮሺ"ሢቴዓዳ?

ያኦሲ ሂዚ ጋዓኔ ጌዒ ፃኦፐሢጉዴያኩ።

51 «ቢንሢ ባቃኖ ዴይሢ፤ ፑርቶ ዓሳ! ቢና" ቢንሢኮ ዔኩዋያ፤ ዋያኦ ቢንሢኮ ዋይዙዋያ፤ ቢንሢኮ ዓድንሢጉዲ ቢንሢያ ቢያ ዋዴና ዓያኖ ጌኤዠ ማካኔ። 52 ቢንሢኮ ዓድንሢ ቢዒ ዳውሲ ባኦያ

ያኦሲ ማሊያ ኬኤዛ ዓሶይዳፓ ያናዳይ? ዔያታ ጌኤዠሢኮ ሙኪያ ቤርታዲ ኬኤዜዘንሢጉታ ዋዴኔ፤ ቢንሢያ ሃሢ ዬያ ጌኤዠሢ ዓኦሢ

ቢንጊ ዋዴኔ። 53 ቢንሢ፡- ኪኢታንቾ ዛሎ"ና ያኦሲ ዋጎ ዔኬኔ፤ ጋዓንጉ ቢንሢ ዬያ ካፒባኦሴ።»

ዒሰዲፓኖሴኮ ሹጮና ዲይንቴ ሐይቂያ

54 ዋጎ ዋጋ ዓሳ ዬያ ዋይዜ ዋድ"ና ቢናፓ ኮሺ" ዳጋዴኔ፤ ዒሰዲፓኖሴ ዑያይዳኦ ዳጋና ሐኦሚ ዳዔኔ። 55 ቢዚ ጋዓንጉ ዓያና ጌኤሺኮ ዋልቆ ጋር ጌሊ ጫሪንጮ ባንሢ ጊዠ ጌዒ ዛጋያ፤ ያኦሲኮ

7:44 ኬሲ. ማፃ 25፥9፤ 40። 7:45 ዒያ. 3፥14-17። 7:46 2ሳሙ. 7፥1-16፤ 1ዖኦሲ. ዓሃኬ 17፥1-14። 7:47 1ካኦቶ". ማ 6፥1-38፤ 2ዖኦሲ. ዓሃኬ 3፥1-17። 7:49 ዒሲ. 66፥1-2። 7:51 ዒሲ. 63፥10።

ቦንቾ ዳንቄኔ፤ ዩሱሴያ ያኦሲኮ ሚዛቆ ዛላ" ዔቂ ዓኣንቴ ዛገ፡
56 «ሐይሾ፤ ጫሪንጫ ቡሊ"ንቴ፡ ያኦሲኮዋ ናዓሢ ያኦሲኮ ሚዛቆ
ዛላ" ዔቂ ዓኣንቴ ታ ዛገኔ» ጌዔኔ።

57 ዩማና ዔያታ ዳ'ጊዲ ዒላቴ፡ ዋዮ ጉቤሢ ፔኤኮ ዓርቃዖ
ፔቱሞና ዒዛ ባንሢ ጳሽኬኔ። 58 ዩካፓ ዔያታ ዒዛ ዓርቂ
ካታሞይዳፓ ኬሲ" ሹቻ ዲዒ ዎዴኔ፤ ማርኮ ማዔ ዓሶንሢያ
ዒሰዲፓኖሴ ዲዓ ዓሶኮ ዓፒሎ ዔኪ ሳውሌ ጌይንታ ፔቴ" ዳጌሰኬይ
ካፓንዳጉዲ ዒዛ ኮራ ጌሢኔ። 59 ዔያታ ዒዛ ሹጮና ዲዓ ጎይሢ
ዓኣንቴ ዒሰዲፓኖሴ፡- «ጎዳ ዩሱሴ! ሹምፓሢ ታኣኮ ዔኬ!» ጌዒ
ሽኢቄኔ። 60 ሐሣ ዒ ጉምዓታዖ፡- «ጎዳሢዮ! ሐያ ዔያቶኮ ማድ"
ዳሲንቴ ማሢ ፓይዲፓ!» ጌዒ ዳ'ጊዲ ዒላቴ፡ ሐይቄኔ። ሳውሌያ
ዒሰዲፓኖሴ ዎድናሢ ቃራኬ ጌዔኔ።

8

ሳውሌኮ ሽኢጲያ ማኣሮ ዓሶ ዳውሲዖ

1 ዒሰዲፓኖሴ ሐይቄ ኬሎ"ና ዩሩሳላማይዳ ዓኣ ሽኢጲያ ማኣሮ
ዓሶይዳ ዳኤፒ ዳውሲሢ ዔቄኔ፤ ያኦሲ ማድ"ሞ ዳኪንቴዘንሢኮ
ዓታዛ ሐንጎ ያኦሲ ጉሙርቃ ዓሳ ቢያ ዪሁዳ ዓጮ"ና ሳማሪያ ዓጮ"ና
ባንሢ ለኣሊንቴ ዳንዴኔ። 2 ያኦሲ ዶዲ ካኣሽካ፡ ፔቴ" ፔቴ" ዓሳ
ዒሰዲፓኖሴ ዶኡኬኔ፤ ሐሣ ዒናፓ ማዔ ዳኤፒ ዩኤፒያ ዩኤኬኔ።

3 ሳውሌ ጋዓንቴ ዩኖ ዎዶ"ና ሽኢጲያ ማኣሮ ዓሶ ባይዛኒ ማርጌ
ካራ ኮዓኔ፤ ዓሶኮዋ ማኣሮ ቢያ ጌሊ ጌሊ ኪሪሰቶሴ ጉሙርቃ ዓሶ
ዓቲንቆና ለኣሎና ጎቺ ጎቺ ኬሲ"፡ ቱኡሲ ማኣሪዳ ቱኪ"ሳኔ።

ኮዦ ሐይሳ ሳማሪያይዳ ኬኤዚንቴሢ

4 ዲማ ዲማ ቤዘ ለኣሊንቴ ዓኣዳ ኪሪሰቶሴ ጉሙርቃ ዓሳ ቢያ
ቤዘይዳ ያኦሲኮ ቃኣሎ" ኬኤዜኔ፤ 5 ፒልጶሴያ ሳማሪያኮ ፑኤፖ
ካታሞ ዳንዲ ሜሲሔ ዛሎ" ዓሶም ኬኤዜኔ። 6 ዓሳ ፒልጶሴኮ
ቃኣሎ" ዎይዘዖ ሐሣ ዒ ማዳ ያኦሲ ዎልቆና ማዲንታ ዓኮ ባኮዋ
ዛጋዖ ፔቱሞና ዒዚ ጋዓ ባኮ ኮሺ" ዎይዛኔ። 7 ፑርቶ ዓያናኣ
ዳ'ጊዲ ዒላቴ ዒላቴ ሚርጌ ዓሶይዳፓ ኬሰካኔ፤ ሃሣ ሚርጌ ሐንታኒ
ዳንዳዑዎ ዎሶ ዓሲና ፒዜ ሃንቱዎ ዎሶ ዓሲያ ዳቄኔ። 8 ዩያሮ ዩኖ
ካታሞይዳ ዳኤፒ ዎዛ ማዔኔ።

9 ዩኖ ካታሜሎይዳ ሲሞኦኔ ጌይንታ ፔቴ" ዓሲ ዓኣኔ፤ ዩይ ዓሢ
ካታሞይዳ ዦዎቶና ዓኪ ባኣዚ" ማዲ ማዲ ሳማሪያ ዓጮ"ይዳ

8:3 ዳኪ. ማድ" 22፡4-5፤ 26፡9-11።

ሄርሺ ዲቃቲንታያ ማዲ ናንጋኔ፤ ሐሣ «ታኣኒ ዴኤፐ ዓሲኬ!» ጌዒ ጌዒ ፐና ኬኤዛኔ። 10 ዓሶ ዳኮ"ንታ ዴኤፖንታ ቢያ፡- «ሐይ ዓሣ ዴኤፐ ጌይንቲ ዔኤሊ"ንታ ያኦሲ ዋልቃሣኬ!» ጌዒ ጌዒ ዒዛሲ ዋይዛኔ። 11 ዔያታ ዒዛሲ ዋይዛሣ ማርጌ ዋይይዳፓ ዓርቃዎ ዠዋቶና ዓኪ ባኣዚ" ማዲሣና ዔያቶ ዲቃሣ ሄርሺ ሳሣርኬ። 12 ጋዓንቴ ፒልጶሴ ያኦሲ ካኣቱሞ ዛሎ"ና ዬሱሰ ኪሪሰቶሴ ዛሎ"ና ኬኤዜ ኮዠ ሐይሶ ጎናሲ ዔኪ ዓቲንቆንታ ላኣሎንታ ዋኣዎና ማሰቲኔ። 13 ሲሞኦኔያ ዓቱዋዎ ኪሪሰቶሴ ጉሙርቁ ዋኣዎና ማሰቲ ፒልጶሴና ዋላ" ፔቲ" ማዔኔ፤ ሐሣ ዒዚ ያኦሲ ዋልቆና ማዲንታ ዓኮ ባኮንታ ማላቶንታ ዛጊ ዛጊ ዲቃቲ ሄርሻኔ።

14 ዬሩሳላሜይ ዳኣ ዳኪንቴዘንሚኮ ሳማሪያ ዓጮ" ዓሳ ያኦሲ ቃኣሎ" ጎናሲ ዔኬሣ ዋይዛዎ ጳዒሮሴና ዮሐኒሴና ሳማሪያ ዓጮ" ዳኬኔ። 15 ዬያር ሳማሪያ ዓጮ" ዓሳ ዓያና ጌኤሺ ዔካንዳጉዲ ጳዒሮሴና ዮሐኒሴና ዓኣዲ ዔያቶም ሺኢቄ። 16 ዓይጎር ጌዔቶ ሳማሪያ ዓጮ" ዓሳ ጎዳ ዬሱሴ ሱ"ንዎና ዋኣዎ ማሰቲያፓዓቲም ዓያና ጌኤሺ ሐጊ ፔቲ" ዓሲዳታዎ ኬዲ" ባኣሴ። 17 ዬያር ጳዒሮሴና ዮሐኒሴና ዔያቶ ዑፃ ኩጮ ጌሣዛ ዓሳ ዓያና ጌኤሺ ዔኬኔ።

18 ዳኪንቴዘንሚኮ ፔኤኮ ኩጮ ዓሶ ዑፃ ጌሣዛ ዓያና ጌኤሺ ዓሶም ዒንጊንቴሣ ሲሞኦኔ ዛጋዎ ዳኪንቴዘንሚኮ ማኢሾ ዔኪ ሙኪ፡- 19 «ታኣኒያ ኩጮ ጌሣዛ ዓሳ ቢያ ዓያና ጌኤሺ ዔካንዳጉዲ ሐኖ ቢታንቶ ታኣም ዒንጉዋቲራ» ጌዔኔ።

20 ጳዒሮሴ ጋዓንቴ ዒዛም፡- «ያኦሲኮ ዒንጊዎ ኔኤኒ ማኢሾና ዔካኒ ማሌሣር ኔናንታ ኔ ማኢሾንታ ዋላ" ባይቁዋቲ! 21 ዒና" ኔኤኮ ያኦሲ ቤርቶይዳ ፒዜ ማዒባኣሣር ኑ ማድ"ይዳ ኔኤኮ ቤሲያ ባኣሴ። 22 ዬያር ሐያ ኔኤኮ ፑርቲሞ ዳቢንቶ ጎማፓ ማዔ፤ ጎዎንቴ ያኦሲ ኔኤኮ ዒና ማሊዎ ዓቶም ጋዓንዳቲ ዒዛ ሺኢቄ፤ 23 ዓይጎር ጌዔቶ ኔኤኒ ባይዛ ቁኢሩም ማሊሣና ኩሜያ ሃሣ ጎሜና ቱኡቲ ዓሲ ማዔሣ ታ ዛጋኔ» ጌዔኔ።

24 ሲሞኦኔያ፡- «ዒንሣ ሐሣ ጌዔ ባኮይዳፓ ፔቲ" ባኣዚ"ታዎ ታና ሄሎ"ዋጉዲ ዒንሣ ዒንሣር ጎዳሣ ታኣም ሺኢቁዋቲ» ጌዔኔ።

25 ጳዒሮሴና ዮሐኒሴና ዬሱሴ ዛሎ" ዔራ ባኮ ማርካዲ፡ ጎዳኮዋ ቃኣሎ" ኬኤዜሰካፓ ማርጌ ሳማሪያ ዓጮ" ጉርዶይዳ ኮዠ ሐይሶ ኬኤዚ ኬኤዚ ዬሩሳላሜ ባንሣ ማዔኔ።

ፒልጶሴና ካኣቶ" ማኣራ ማዳ ዒቶጲያ ዓጮ" ዓሣና

26 ያኦሲኮ ከኢታንቻ ፒልጶሴ ኮራ፡- «ዔቁ ዬሩሳላሜይዳፓ ጋኣዛ ዴንዳ ጎይዎና ሊካ ዴንዳ» ጌዔኔ፤ ዬና ጎይዎ፡- ዓሲ ናንጉዋ ዳውሎ"ይዳና ዓኣዳያኬ። 27 ዒዚ ዔቁ ዴንዳ። ዒማ"ና ፔቲ"

ዒቶጲያ ዓጮ"ኮ ካኣቶ" ማኣራ ዓሸቲንቂ ማዳ ዒቶጲያ ዓጪ ዓሲሰኬያ ያኦሲም ዘገ ካኣሸካኒ ዩሩሳላሚ ዴንዲ ዒኢካ ዓኣኔ፤ ዩይ ዓሢ ሂንዴኬ ገይንታ ዒቶጲያ ዓጮ" ካኣቴሎና ዋላ" ቢታንቶ ዓኣያ ማዒ ማዳያ ሓሣ ሚኢሾ ዒዘኮ ቢያ ዘገ ዓርቂ ቆላያኬ።
28 ዩይ ዓሢ ፓራሢ ጎቻ ሳርጌሎ ያይቶይዳ ዴዒ ፔ ዓጮ" ባንሢ ማዒ ዴንዲቤቃ ያኦሲ ማሊያ ኬኤዛ ዒሲያሴ ማፃኣፖ ናባባኔ።
29 ዩማና ዓያኖ ጌኤዠ ፒልጶሴም፡- «ዴንዲ ሓሴኬ ሳርጌሎ ያይቶ ባንሢ ዑኬ» ጌዔኔ። 30 ዩያሮ ፒልጶሴ ጸሽኪ ዩያ ባንሢ ዴንዳዎ ዒቶጲያ ዓጮ" ዓሢ ያኦሲ ማሊያ ኬኤዛ ዒሲያሴ ማፃኣፖ ናባባንቴ ዋይዚ፡- «ኔ ናባባሢኮ ቡሊ"ፃ ኔኤም ጌላ?» ጌዒ ያኦጩኔ።

31 ዒቶጲያ ዓጮ" ዓሢ ማሓዎ፡- «ቡሊ" ኬኤዛ ዓሲ ባኣንቴ ዋዲ" ታኣም ጌላንዳይ?» ጋዓዎ፡ ፒልጶሴም፡- «ሳርጌሎ ያይቶይዳ ኬሰኪ ታኣና ዋላ" ዴዔ» ጌዔኔ። 32 ዩይ ዒቶጲያ ዓጮ" ዴኤፖ ዓሢ ናባባ ማፃኣፓ፡-

«ሹኪንታኒ ዒሺንታ ማራይጉዲ ማዔኔ፤
ዑፃፓ ጋፓኖ ታይዛ ዓሳ ታይዛኣና ዚቲ ጋዓ ማራይጉዲ
ዒዚ ዳንጎ ፔኤሲ" ቡሊ"ባኣሴ።

33 ዒዚ ቦሂንቴኔ፤ ፒዜ ዎጌያ ዒዛም ዎጊንቴባኣሴ፤
ሼምፓሢ ዒዛኮ ሳይይዳፓ ባይቄኔ፤
ዒዛኮ ሾይንቶ ዛሎ" ያኣኒ ኬኤዛኒ ዳንዳዓይ?»
ሂዚ ጋዓ ቤዘኬ።

34 ዩይ ካኣቶ" ማኣራ ዴኤፒ ዓሲ ማዒ ማዳ ዓሢ ፒልጶሴ ኮራ፡- «ያኦሲ ማሊያ ኬኤዛሢ ሓኖ" ጌዔሢ ያ ዛላዳይ? ፔ ዛላም? ሜሌ" ዓሲ ዛላዳይ? ሓዳራ ታኣም ኬኤዜ» ጌዔኔ። 35 ፒልጶሴያ ዩኖ ማፃኣፖ ቤዘይዳፓ ዓርቃዎ ዩሱሴ ዛሎ" ኮዠ ሓይሶ ዒዛም ኬኤዜኔ። 36 ዔያታ ዴንዲቤቃ ዋኣሢ ዓኣ ቤሲ ሂላ"ዛ፡ ካኣቶ" ማኣራ ማዳ ዴኤፖ ዓሢ ፒልጶሴ ኮራ፡- «ሓይሾ ሓካ ዋኣሢ ዓኣኔ፤ ታኣኒ ማሰቱዋጉዲ ታና ላኣጋሢ ዓይጎዳይ?» ጌዔኔ።

[37 ፒልጶሴያ፡- «ጉቤ ዒናፓ ኔ ጉሙርቄቶ ዋኣፃ ማሰታኒ ዳንዳዓኔ» ዒዛም ጌዔኔ። ካኣቶ" ማኣራ ማዳ ዴኤፖ ዓሢያ፡- «ዩሱሰ ኪሪሰቶሴ ያኦሲ ናኣዚ" ማዔሢ ታ ጉሙርቃኔ» ጌዔኔ።]*

38 ካኣቶ" ማኣራ ማዳ ዴኤፖ ዓሢ ሳርጌሎ ያይቶ ዔቂሴኔ፤ ዩካፓ ላምዓሢ ዋኣይዳ ኬዳ"ዛ ፒልጶሴ ዩያ ዓሢ ማሰኬኔ።
39 ዋኣይዳፓ ዔያታ ኬሰኬሰካፓ ያኦሲኮ ዓያኖ" ፒልጶሴ ዔኬኔ፤ ካኣቶ" ማኣራ ማዳ ዴኤፖ ዓሢ ላሚ ዒዛ ዴንቂባኣሴ። ዒዚያ

8:33 ዒሲ. 53፡7-8። * 8:37 ፔቴ" ፔቴ" ማፃኣፓ፡- ፓይ. 37 ጌዳ" ቃሳ"።

ዎዛዲ ዎዛዲ ፔኤኮ ጎይያ ዓኣጳጳ። 40 ፒልጶሴ ዒማ"ና ጋዓንቴ ዓዛያሴ ጎያ ቤሲዳ ጳጳጴ፤ ዒዚ ቁሳሪያ ዓጮ" ማዒ ሙካንዳያ ሄላ"ንዳኣና ካታሞ ቢያ ሓንቲ ሓንቲ ኮዦ ሓይሶ ኬኤዜ።

9

ሳውሌኮ ላእሚንቶ
(ዳኪ ማድ" 22፥6-16፤ 26፥12-18)

1 ዒማ"ና ቢያ ዎዳ ሳውሌ ጎዳኮ ገንዖ ሓንታ ናኣቶ" ዳጋና ዎዳኒ ዚርቂ ዚርቂ ናንገቤቃ ቁኤሶኮ ሱኡጋሢ ኮራ ዓኣዲ፤ 2 ጎዳኮ ጎይያ ሃንታ ዓሶ ዓቲንቆንታ ላኣሎንታ ዳንቃያ ቱኪ" ቱኪ" ዬሩሳላሚ ዔኪ ሙኪሳኒ ዳንዳዓ ኪኢታ ዋርቃታ ዳማሰቆይዳ ዓኣ ዓይሁዶ ዓሶኮ ቡኪንቶ ቤዘ ዎይሣ ዓሶሞ ፃኣፒ ዒንጋንዳጉዲ ቁኤሶኮ ሱኡጋሢ ያኦጮ።

3 ዬካፓ ዒዚ ጎይያ ዳንዲ ዳማሰቆ ካታሞ ሄላ"ኒ ዑካዛ ዒዚ ዓሩዋንቴ ጫሪንጫፓ ዓኣፒዳ ዲካፖዒ ዒዛ ዓጫፖዒ። 4 ዬማና ዒዚ ቶጊ ዓኣዳ ባካፓ ሳዓ ኬዲ" ሎኦማያ፡- «ሳውሌ! ሳውሌ! ኔ ታና ዓይጋ ዳውሳይ?» ጋዓ ዑኡሲ ዋይዜ።

5 ሳውሌያ «ጎዳሢዮ! ኔኤኒ ያናዳይ?» ጌዔ፤

ዒዚ ማሃያ «ኔ ታና ዳውሳ፤ ታኣኒ ዬሱሴኬ፤ * 6 ሓሢ ዓቂፓፓ ካታሞ ጌሌ፤ ኔ ማዳንዳ ባካ ዒኢካ ኔኤም ኬኤዚንታንዳ።» ጌዔ።

7 ሳውሌና ዎላ" ዓኣዳ ዓሶንሢ ዑኡሲ ዋይዛያ ያናኣ ዳንቃኒ ዳንዳዒባኣሢር ዔያታ ጎዖንዶ ጎይሢ ባይዚ ዚቲዮ ጌዒ ዔቁ።

8 ሳውሌ ሳዓፓ ዔቃያ ዓኣፖ ቡሌ" ዎዶ"ና ዓይጎዎ ዳንቃኒ ዳንዳዒባኣሴ፤ ዬያሮ ዓሳ ዒዛኮ ኩጮ ዓርቂ ጎቹ ጎቹ ዳማሰቆ ካታሞ ዔኪ ዓኣጳጳ። 9 ዒዚ ዒማ"ና ዓይጎዎ ዳንቃኒ ዳንዳዑዋያ ሓሣ ሙዒ ዑሽኩዋያ ዳዔ።

10 ዳማሰቆይዳ ፔቲ" ሃናኒያ ጎዖ ኪሪሰቶሴ ጉሙርቃ ዓሲ ዓኣ። ዬያ ዓሢ ጎዳ፡- «ሃናኒያ!» ጌዒ ዔኤላ"ያ ያኦሲ ፔጋሲ ዳዋዛ፤ ዒዚ፡- «ዮ፤ ጎዳሢዮ!» ጌዔ።

11 ጎዳ ዒዛም፡- «ፒዜ ጎይሢ ጌይንታ ጎይጻሎና ዳንዳ፤ ዒኢካ ዩሁዳ ማኣሮይዳ ሳውሌ ጌይንታ ጻርሴሴ ዓጮ" ዓሢ ኮዔ፤ ዒዚ ሃሢ ሺኢጲሢዳኬ» ጌዔ። 12 ሳውሌያ ዒማ"ና ዓኣፓ ዒዛኮ ላሚ

* 9:5 ፔቲ" ፔቲ" ማፃኣፓ ሃና" ቤዘይዳ፡- «ጫጮ ሚያ ማሃ ዓከያና ኔኤሮ ኔ ማኣሳና።» ጋዓ፤ ሓሣ «ሳውሌያ ጎጋይቂ ጎጋይቂ ዒጊቹሞና ዲቃታያ ጎዳሢዮ! ዓይጎ ታ ኔኤም ማዳንዳጉዲ ኔ ኮዓይ?» » ጌዔ። ጋዓ። ዬና፡- ዓይ. 22፥10 ጌዳ"፤ ሃሣ ዓይ. 26፥14ይዳ ፃኣፒንቲ ዓኣ።

ዘጋንዳጉዲ ሐናኒያ ዒዛወ ዑፃ ኩጮ ገሣንጉቴ ያኦሲ ዒዛ ፔጋሲ ዳዋያ ዘገኘ።

13 ሃናኒያ ጋዓንጉቴ ሂዚ ገዒ ማሔኔ፡- «ጎዳሂዮ! ዩይ ዓሂ ዩሩሳላሜይዳ ዓኣ ኔ ዓሶ ዑፃይዳ ሚርጌ ፑርታ ባኣዚ" ማዳሂ ሚርጌ ዓሲዳፓ ታ ዋይዜኔ። 14 ሐካኣ ሐሣ ኔና ካኣሸካ ዓሶ ቢያ ቱኡሳኒ ቁኤሶኮ ሱኡጎይዳፓ ቢታንቶ ዔኪ ሙኩኔ» ገዒ።

15 ጎዳ ሃናኒያሞ፡- «ዒዚ ታኣኮ ሱንፆ ሜሌ" ዴሮ"ንታ ካኣቶ"ንታሞ ሐሣ ዒሰራዔኤሌ ዓሶማኣ ዔርዘንዳያ ታኣኮ ደኦሪንጉቴ ዓንጋሞ ማዔሂሮ ሐሂ ዒዛ ኮራ ዓኣዳ፤ 16 ታ ዘሎ"ና ዋዚጉዴ ሚርጌ ሜቶ ዒ ዔካንዳቴያ ታ ታኣሮ ዒዛሞ ዔርዘንዳኔ» ሂዚ ገዒ።

17 ዩያሮ ሃናኒያ ዒኣካ ዴንዲ ሳውሌ ዓኣ ማኣሮ ገሌ፡ ኩጮ ፔኤኮ ሳውሌ ዑፃ ገሣንጉቴ፡- «ታ ዒሻሂዮ ሳውሌ! ሐይካ ኔ ሙካንጉቴ ጎይፃ ኔኤም ጳዴ ጎዳ ዩሱሴ ዓኣፓ ኔኤኮ ዘጋንዳጉዲና ሃሃ ዓያና ገኤሽ ኩሙሂ ዋልቁና ኔገዳ ማዳንዳጉዲ ማሆሞ ታና ዳኬኔ» ጋዓዛ፤ 18 ቤዘማና ቁኤሪ ማላ ባኣዚ" ዓኣፓፓ ኬዳ"ዛ ሳውሌ ዘጋኒ ዳንዳዔ፤ ዩካፓ ዔቁ ዒ ዋኣፆ ማሰቴኔ። 19 ሙኡዚ"ያ ሙዒ ደዲ ዴማሰቆይዳ ዓኣ ኪሪሰቶሴ ጉሙርቃ ዓሶንሂና ዋላ" ዳካ" ኬሊ" ዴዔ።

ሳውሌ ዴማሰቆይዳ

20 ዩካፓ ኔጉዋፆ ሳውሌ፡- «ዩሱሴ ያኦሲ ናይኬ» ገዒ ገዒ ዓይሁዶ ዓሶኮ ቡኪንቶ ቤዛ ዔርዚሂ ዓርቁ።

21 ዩያ ዋይዜ ዓሳ ቢያ፡- «ሐይ ዓሂ ዩሩሳላሜይዳ ዩሱሴ ካኣሸካዘንሚኮ ቢያ ዋዳሂቴዓዳ? ሐይካኣ ዒዚ ሙኩኔሂ ዔያቶ ቱኪ" ቱኪ" ቁኤሶኮ ሱኡጎ ባንሂ ዔኪ ዓኣዳኒቴዓዳ?» ገዒ ገዒ ዲቃቲ ሄርሼ።

22 ሳውሌ ጋዓንጉቴ ፔቶ" ደዲ ደዲ ዓኣዳኔ፤ ዩሱሴ ሜሲሔ ማዔሂያ ኬኤዚ ኬኤዚ ዴማሰቆይዳ ናንጋ ዓይሁዶ ዓሶኮ ጎፆንዶ ጎይሂ ሳይዜ።

23 ሚርጌ ኬሊ"ኮ ገንፃፓ ዓይሁዶ ዓሳ ሳውሌ ዋዳኒ ዘርቴ፤

24 ዒዚ ጋዓንጉቴ ዒዛ ዋዳኒ ዔያታ ዘርታሂ ዔሬኔ፤ ዔያታ ዒማ"ና ዒዛ ዋዳኒ ሮኦሮና ዋንቶና ቢያ ካሮ" ካሮ" ካፓ። 25 ጋዓንጉቴ ዲሚና ሳውሌኮ ገንፆ ሃንታ ናኣታ" ዒዛ ሮኦጮና ዲሮ ዑሃ ዓኣሂ ካታሞ ዙላ" ኬይሴ።

ሳውሌ ዩሩሳላሜይዳ

26 ሳውሌ ዩሩሳሌም ዓኣዲያ ዒኢካ ዓኣ ኪሪሰቶሴ ጉሙርቃዘንሢና ዎላ" ማዓኒ ኮዔኔ፤ ዔያታ ጋዓንቴ ዒዛኮ ኪሪሰቶሴ ጉሙርቃዎ ጎኔ ዔያቶም ማሊባኣሢሮ ቢያሢ ዒዛ ዒጊጠጭኔ። 27 ባርናባሴ ጋዓንቴ ሳውሌ ዔያቶ ኮይላ" ሺኢሻያ ዒዚ ጎይፃ ዓኣንቴ ጎዳ ዒዛም ዎይቲ ጴዴቶ ሓሣ ዎማይዲ ዒዛና ጌሰቴቶ፣ ዴማስቆይዳኣ ዩሱሴ ሱንፃና ዎማይዲ ዒዚ ጫርቂ ዓሰ ዔርዜቶዎ ዔያቶም ኬኤዜኔ። 28 ዩያሮ ሳውሌ ዔያቶና ዎላ" ማዓ ዩሩሳሌምይዳ ሓንቴ ሓንቴ ጎዳ ሱንፃና ጫርቂ ኬኤዜኔ፤ 29 ጊሪኬ ዓጮ" ሙኡጮ ጌሰታ ዓይሁዶ ዓሰና ዎላ" ጌሰቲ ማርማዛ፣ ዔያታ ጋዓንቴ ዒዛ ዎዳኒ ማሌኔ። 30 ኪሪሰቶሴ ጉሙርቃዘንሢና ዩያ ዔራዎ ቁሳሪያ ዓጮ" ዒዛ ዔኪ ዓኣዲ ዩካፓ ፃርሴሴ ዓጮ" ዓኣዲንዳጉዲ ዳኬኔ።

31 ዒማ"ና ዩሁዳ ዓጮ"፣ ጌሊላና ሳማሪያ ዓጮ"ናይዳ ቢያ ዓኣ ሺኢጴያ ማኣሮ ዓሳ ሓውሾ ዴንቂ ዶዴኔ፤ ሓሣ ጎዳ ቦንቺ ቦንቺ ዓያና ጌኤሺናኣ ዶዲ ዶዲ ፓይዶና ማርጌኔ።

ጴዳሮሴ ሊዳና ዒዮጴ ጌይንታ ዓጮ"ናይዳ

32 ጴዳሮሴ ዓጮ" ሓንቴቤቃ፣ ሊዳይዳ ናንጋ ኪሪሰቶሴ ጉሙርቃዘንሢ ኮራ ዓኣዳኔ። 33 ዒኢካ ዒዚ ሳሊ" ለዔ ጉቤ ላሂ ናንጋ ዔኒያ ጌይንታ ዎቦ ዓሲ ዴንቄኔ። 34 ጴዳሮሴ ዩያ ዓሢ፡- «ዔኒያ! ዩሱሰ ኪሪሰቶሴ ኔና ፓሣንዳኔ፤ ዔቂ ኔኤኮ ዜዶ ማሄ» ጋዓዛ፣ ዒዚ ኔጉዎ ዔቄኔ። 35 ሊዳና ሳሮናማ ጌይንታ ዓጮ"ናይዳ ናንጋ ዓሳ ቢያ ዩያ ዛጋፃ ጎዳ ጉሙርቄኔ።

36 ዒማ"ና ዒዮጴ ዓጮ"ይዳ ፃቢታ ጌይንታ ፔቴ" ኪሪሰቶሴ ጉሙርቃሰኬና ዓኣኔ፤ ዒዛ ሱንፃኮ ቡሊ"ፃ ጊሪኬ ሙኡቺና «ዶርቃ» ጌይሢ ማዓዛ ዩና ጌይፃ «ጌንፃ» ጌይሢኬ፤ ዒዛ ኮሺ ባኣዚ" ማዲሢና ሓሣ ጊንሣ ማንቆ ዓሰም ማርጌና ዔኤቢ ዒንጊሢና ዔርቴ ላኣሊኬ። 37 ዒማ"ና ዒዛ ሓይቄም፣ ዓሳ ዒዛ ሱኡዲ ማሰካፃ ሹጮና ማዦና ማኣሮ ዑፃ ዓኣ ቤዘይዳ ኬሲ" ላይሣኔ። 38 ሊዳ ጌይንታ ቤዘላ ዒዮጴኮ ዑኬ ማዔያታሢሮ ዒዮጴይዳ ዓኣ ኪሪሰቶሴ ጉሙርቃ ዓሳ ጴዳሮሴ ሊዳይዳ ዓኣሢ ዎይዚ፡- «ኔጉዎፃ ዑኬ ኑ ኮራ ሙኬ» ጌዒ ዒዛም ኪኢታ ላምፃ ዓሲ ዳኬኔ። 39 ዩያሮ ጴዳሮሴ ዔኤሊ"ፃ ሙኬዘንሢና ዎላ" ሙኬኔ፤ ዒኢካ ዒዚ ሃላ"ዛ ሹጮና ማዦና ማኣሮ ዑፃ ዓኣ ቤዘ ዔያታ ዒዛ ዔኪ ኬሴ"ኔ፤ ዩማና ዓኒንሢ ሃይቄ ላኣላ ቢያ ዒዛኮ ዓጮ ዔቃፃ ዩኤኪ ዩኤኪ ዶርቃ ዔያቶና ዎላ" ሺምፔና ዓኣፃ ሲኬ ማኣዓሢንታ ዓፒሎዎ ዳዊ ዳዊ ቤኤዚንታኔ። 40 ጴዳሮሴ ጋዓንቴ ቢያሢ ካሮ" ባንሢ ኬሲ"ጋፓ

ጉሞዓቲ ሺኢቃዎ ሌዞ ባንሢ ዛገ:- «ፃቢታ ዔቁ!» ጋዓዛ፥ ዒዛ ባኣፖ ቡሌ"ኔ፤ ዒዛኣ ሓሣ ዒዛ ዳንቃዎ ዔቁ ዳዔኔ። 41 ዒዚ ዒዛኮ ኩጮ ዓርቂ ዔቁሳዎ፥ ዓኒንሢ ሃይቄ ላኣሎንታ ኪሪሰቶሴ ጉሙርቃ ዓሶንታ ዔኤሊ" ዳቂሺ ዒዛ ዔያቶ ቤርታ ዔቁሴኔ። 42 ዬይ ባካ ዒድጵ ዓጮ"ይዳ ቢያ ዔርቲሢረ ሚርጌ ዓሳ ጎዳ ጉሙርቄኔ። 43 ጳዲሮሴ ዒማ"ና ሲሞኦኔ ጌይንታ ጎሮ" ጉኡዓ ዓሲሰኬያና ዎላ" ሚርጌ ኬሊ" ዒድጵይዳ ዳዔኔ።

10

ጳዲሮሴና ቆርኔሌዎሴና

1 ቀሳሪያ ዓጮ"ይዳ ናንጋ ቆርኔሌዎሴ ጌይንታ ፔቴ" ዓሲ ዓኣኔ፤ ዒዚያ «ዒፃሊያ ፖኦሊሶ» ጌይንታ ፖኦሊሶኮ ፃኤቶ ዓሶ ዓይሣ ሱኡጌኬ፤ 2 ዒዚ ፔ ማኣሮ ዓሶና ዎላ" ዓይሁደ ዎጎ ጎይዎ ያኦሲ ካኣሽካያና ዒጊጫያ፥ ማንቆ ዓሶዎ ሚርጌና ማኣዳ"ያ ሓሣ ያኦሲ ቢያ ዎዴ ሺኢቃያኬ። 3 ፔቴ" ኬሊ" ማሢ ደንቦልሳ ዎዴ ጉዴያ ማዓኣና ያኦሲኮ ኪኢታንቻ ዒዛ ኮራ ጌሊ:- «ቆርኔሌዎሴ!» ጌዒ ዒዛ ዔኤላ"ያ ያኦሲ ዒዛም ፔጋሲ ዳቄኔ።

4 ዒዚ ጊዥ ጌዒ ኪኢታንቻሢ ባንሢ ዛጋዎ ዲቃቲሢና:- «ጎዳሢያ! ዓይጎዳይ?» ጋዓዛ፥ ኪኢታንቻሢ ዒዛም:- «ኔኤኮ ሺኢጲያና ማንቆ ዓሶ ኔ ማኣዳ" ማኣዳዳ ያኦሲ ቤርታ ጳዲኔ፤

5 ሓሢ ኔ ኮራፓ ዓሲ ዒድጵ ዓጮ" ዳኪጋፓ ጳዲሮሴ ጌይንታ ሲሞኦኔ ዔኤሊ"ሴ፤ 6 ዒዚ ሃሢ ባዞ" ዓጮይዳ ዓኣ፥ ጎሮ" ጉኡዓ ሲሞኦኔ ማኣራ ሸኦቹዎይዳ ዓኣኔ» ጌዔኔ። 7 ዬያ ዒዛም ኬኤዜ ኪኢታንቻሢ ዒዛይዳፓ ደማዲ ዓኣዳዛ ቆርኔሌዎሴ ዒዛም ላምዎ ማድ ማዳሰኬንሢና ጉሙርቄንቲ ማዳ ፔቴ" ያኦሲ ጉሙርቃ ፖኦሊሴሰኬያ ዔኤሊ"። 8 ማዔ ባኮ ቢያ ዔያቶም ኬኤዜሢኮ ጊንፃ ዒድጵ ዓጮ" ዳኬኔ።

9 ዚሪሎ ዔያታ ዓኣዲ ካታሞኮ ዑካኣና ዓባ" ሳዛ ሄሌ"ም ጳዲሮሴ ዒዚ ቤርታ ሺኢቃ ሹጮና ማዥና ማኣሮኮ ዑዎ ኬሰኬኔ። 10 ዬማና ዒዛ ናይይም ሙኡዚ" ሙዓኒ ኮዔኔ፤ ሮኦሪ ሙዎ ሙዓ ዒዛም ጊኢጊንታ ጎይሣ ዓኣንቴ ያኦሲ ዒዛም ፔጋሲ ዳዎ ባኣዚ" ዒዚ ዛጌኔ። 11 ዬና ዒ ዛጌ ባኬላ ያዲኬ:- ጫሪንጫ ቡሊ"ንቴም ያይደ ዛላ" ዓርቁንቴ ዓፒላ ማላ ባኣዚ" ሳዎ ኬዴ"ኔ። 12 ዬና ጊደይዳ ደማ ደማ ዳካ"ንታ ዴኤፒ ቦዎንታ ሓሣ ካፒያኣ ዓኣኔ። 13 ዓካሪ ዓማ"ና:- «ጳዲሮሴ! ዔቁ ሓያ ሹኪ ሹኪ ሙዔ» ጋዓ ዑኡሲ ዒዛም ዎይዚንቴኔ።

14 ጳጳርሴ ጋዓንቴ፡- «ጎዳሢዮ፡ ዩይ ማዓዓኬ! ሙዒንቴዋ ቁፄ ማዓ፡ ዒኢቲ ባኣዚ" ሙዒ ታ ቤቁባኣሴ» ጌዔኔ።

15 ለሚ ሐሣ፡- «የኦሲ ጌኤሽ ማሄ ባኮ ኔኤኒ ዒኢቲያኬ ጋዓንዳያ ኮይሱዋሴ» ጋዓ ዑኡሲ ዋይዚንቴኔ። 16 ዩና ሐይሢ ማይንቴ ዒዛዋ ጳጳሰካፓ ዓፒሎጉዳ ባኬላ ቤዘማና ሌካ ጫሪንጮ ዔውቴኔ።

17 ጳጳርሴ ዩና የኦሲ ዒዛ ዳዌ ባኮኮ ቡሊ"ፃ «ዓይጎናንዳይ?» ጌዒ ጌዒ ፔ ማሊያና ማሊ ሜታዳንቴ፡ ቆርኔሌዎሴ ዳኬ ዓሶንሢ ሲሞኦኔኮ ማኣሮ የኦጪ የኦጪ ዲሮ ካራ" ዔቃዖ፡ 18 ዔኤሊ"ንቴ፡- «ጳጳርሴ ጌይንታ ሲሞኦኔ ሾኦቹሞና ዓኣሢ ሐካዳ?» ጌዒ የኦጪ።

19 ጳጳርሴ የኦሲ ዒዛ ፔጋሲ ዳዌ ባኬሎ ዛሎ" ማሊያይዳ ዓኣንቴ ዓያና ጌኤሽ ዒዛዎ፡- «ሐይሾ፡ ኔና ሐይሣ ዓሲ ኮዓኔ፤ 20 ዔያቶ ዳኬሢ ታናታሢሮ ዓልቱዋዖ ኬዲ"ጋፓ ዔያቶና ዋላ" ዓኣዴ። ሂዚ ጌዔኔ። 21 ጳጳርሴያ ዓኣ ቤዛፓ ኬዲ" ዓሶንሢ ባንሢ ሙካዖ፡- «ዒንሢ ኮዓሢ ሐይሾ፡ ታናኬ፤ ዒንሢ ዓይጋ ሙኬይ?» ጌዒ የኦጪ።

22 ዔያታ፡- «ኑኡኒ ሙኬሢ ጻኤቶ ፖኦሊሶኮ ሱኡጋሢ፡ ቆርኔሌዎሴ ኮራፓኬ፤ ዒዚያ ዓይሁዶ ዓሳ ቢያ ዒዛ ቦንቻያ ሐሣ የኦሲ ካኣሽካያ ኮሽ ዓሲኬ። ኔና ዒዚ ፔ ማኣሪ ዔኤሊ"ሲ ኔ ጋዓ ባኮ ዋይዛንዳጉዲ የኦሲ ኪኢታንቻ ዒዛዎ ኬኤዜኔ» ጌዔኔ። 23 ዩካፓ ጳጳርሴ ዔያቶ ማኣሪ ጌልዚ ሾኦቹንሢ ዋይሣዖ ጉቴ"ሎ ዔቁ ዩንሢ ሙኬዞንሢና ዋላ" ዓኣዴኔ፤ ዒዮጳይዳ ዓኣ ኪሪሰቶሴ ጉሙርቃ ዓሶይዳፓ ፔቴ" ፔቴ" ዓሲያ ዒዛና ዋላ" ዓኣዴኔ። 24 ዚሬሎ ዔያታ ቁሳሪያ ሙካንቴ ቆርኔሌዎሴ ፔኤኮ ዒጊኖና ዑኬ ላጌ ማዔ ዓሶዋ ዔኤሊ" ጳጳርሴ ካፓኔ። 25 ጳጳርሴ ጌሊ ቆርኔሌዎሴና ካኣማዛ ቆርኔሌዎሴ ዒዛኮ ቶኮ" ዳማ" ሂርኪ ጌዒ ቦንቻ ዔኤሊ"ሢ ዔኤሊ"ኔ። 26 ጳጳርሴ ጋዓንቴ፡- «ዔቄ! ታኣ ኔጉዲ ዓሲዋይ!» ጌዒ ዒዛ ዔቁሴኔ።

27 ጳጳርሴ ቆርኔሌዎሴና ዋላ" ጌሰቲ ጌሰቲ ጋሮ ጌላዖ ሚርጌ ቡኪንቴ ዓኣ ዓሲ ዳንቄኔ። 28 ዩካፓ ዩያ ዓሶዎ፡- «ዓይሁዳ ዓሳ ዓይሁዳ ማዒባኣ ዜርዖና ዋላ" ፔቴ" ማዒ ሐሣ ዋሊኮ ማኣሪ ጌላጊኦ ኑ ካኣኸ ዋጋ ዓይሁዋኣሢ ዒንሢ ዒንሢ ቶኦኪና ዔራኔ፤ ጋዓንቴ ዖናኣ ታኣኒ ጌኤሽኪባኣ፡ ዒኢቲ ዓሲኬ ጎዑዋጉዲ የኦሲ ታና ፔጋሲ ዳዌኔ። 29 ዩያሮ ታኣዎ ዒንሢ ዓሶ ዳኬ ዋዶ"ና ፔቴ"ታዖ ዓልቱዋዖ ታ ሙኬኔ፤ ዓካሪ ዓይጎሮ ዒንሢ ታና ዔኤሊ"ቶዋ ታ ዔራኒ ኮዓኔ» ጌዔኔ።

30 ዲማ"ና ቆርኔሌዎሴ፡- «ሐሮ" ያይዳሳ ከሌ" ሃይማ ወደ፡ ማህ ደንቦልሳ ወደ ማዳኣና ታኣኒ ታ ማኣራ ያኦሲ ሺኢቃንቴ ዓኣፒዳ ዲዲካ ቦኦሬ ዓፒላ ማኣዔ ዓሲ ታ ዔሩዋንቴ ታ ቤርታ ዔቃዎ፡ 31 «ቆርኔሌዎሴ! ያኦሲ ኔኤኮ ሺኢዲያ ወይዘኔ፤ ሐህ ማንቆ ዓሶም ኔ ዲንጋ ዲንጊያዋ ኔኤኮ ዔከኔ፤ 32 ዓካሪ ዲዮጶ ዓጮ" ኪኢታ ዓሲ ዳኪጋፓ ጳዲሮሴ ጌይንታ ሲሞኦኔ ዔኤሌ" ሴ፤ ሐህ ዲዚ ባዘ" ዓጮ ዓኣ ጎሮ" ጉኡዓህ፤ ሲሞኦኔ ማኣራ ሾኦቹሞይዳ ዓኣኔ» ታኣም ጌዔህሮ፡ 33 ቤዘና ኪኢቶ" ዓሶንህ ታ ኔ ኮራ ዳከኔ፤ ኔኤኒያ ሐህ ሙኩህ ቃራከ፤ ዓካሪ ያኦሲ ኔና ከኤዛንዳጉዲ ዓይህ ባኮ ቢያ ወይዘኒ ኦኡኒ ቢያህ ያኦሲ ቤርታ ሐይካ ቡከኔ» ሂዚ ጌዔኔ፡

ጳዲሮሴ ጌሰቴ ጌኤዞ

34 ጳዲሮሴ ዔያቶም ከኤዛዎ፡- «ጎኔና ያኦሲ ዓሲ ዓሲዳፓ ዲማሱሞኣህረ ፔቴ"ያ ባሼ ማህ ዛጉሞኣህ ታ ዔሬኔ፤ 35 ዓይጎ ዓጪ ዓሲ ማዔቶዋ ያኦሲ ዲጌጫያ ሐህ ጎኡሞ ባኣዚ" ማዳያ ማዔ ዓህ፤ ዬያ ያኦሲ ናሽካኔ፡፡ 36 ያኦሲ ዲሰራዔኤሌ ዳሮ"ም ቃኣሎ" ዳከህህ ዔርቴያከ፤ ኮዦ ሐይሳ ዬሱሰ ኪሪሰቶሴ ዛሎ"ና ሙኩህያ ዔያቶምከ፤ ጋዓንቴ ዬሱሰ ኪሪሰቶሴ ቢያህኮ ጎዳከ፡፡ 37 ዮሐኒሴ ዋኣዮና ማሰኪያ ከኤዜ ዎዳ"ፓ ዓርቃዎ፡ ጌለላ ዓጫ"ፓ ዴንዲ ዪሁዳ ዓጮ" ቢያይዳ ማዔ ባኮ ዲንህ ዔራኔ፡፡ 38 ሐህ ያኦሲ፡ ናዚሬቶ ዬሱሴ ዓያኖ ጌኤዦና ደኦሬህንታ ዎልቄያ ዲዛም ዲንጌህ ዲንህ ዔራኔ፤ ያኦሲ ዲዛና ዎላ" ማዔህሮ ዲዚ ኮሺ ባኣዚ" ማዲ ማዲ ፑርቶ ዓያኖና ዓርቁንቴ ዓሶዎ ፓህ ፓህ ሐንቴኔ፡፡

39 «ዪሁዳ ካታም ኮይሎ"ና ዬሩሳላሜ ካታሞናይዳ ዲዚ ማዕ ባኮኮ ቢያ ኦኡኒ ማርካከ፤ ዔያታ ጋዓንቴ ዲዛ ማህዲ ሱዲ ዎዳኔ፡፡ 40 ያኦሲ ዲዛ ሃይህሳ ከሎ"ና ሐይባ"ፓ ዔቃንዳጉዲና ዓሶማኣ ዲ ጴዳንዳጉዲ ማህኔ፡፡ 41 ዲዚ ጴዳህ ቢያ ዓሲምቱዋንቴ ሐይባ"ፓ ዔቁህኮ ጊንፃ ዲዛና ዎላ" ሙዒ ዑሽከ፡ ያኦሲ ቤርታዲ ደኦሬ፡ ኦና ዲዛኮ ማርኮንህምከ፡፡ 42 ሐያ ባኮ ዳሮ"ም ኦ ከኤዛንዳጉዲ፡ ሽምፖና ዓኣ ዓሶና ሐይቄ ዓሶናይዳ ዲ ዎጋንዲያ ማዔያ ሐህ ዬያ ያኦሲ ማሊ ጌህያ ማዔህያ ኦ ማርካዳንዳጉዲ ኦና ዓይህኔ፡፡ 43 ዲዛና ጉሙርቃዞንህም ቢያ ዲዛኮ ሱንዮና ጎማ ዓቶም ጌይንታንዳህ ያኦሲ ማሊያ ከኤዛ ዓሳ ዲዛ ዛሎ" ማርካዴኔ» ጌዔኔ፡፡

ዓይሁዳ ማዒባኣ ዜርዮኮ ዓያኖ ጌኤዦ ዔኪያ

44 ጳጳርሴ ዬያ ከኤዛኣና ቃኣሎ" ዋይዜ ዓሶ ቢያሢዳ ዓያና ጌኤሺ ከዴ"ኔ። 45 ጳጳርሴና ዋላ" ሙከ፣ ኪሪሰቶሴ ጉሙርቃ ዓይሁዶ ዓሳ፡ ዓይሁዴ ማዒባኣ ዜርዖም ዓያና ጌኤዠ ዒንጊዓ ለኣሊንቴሢ ዛጋዖ ዲቃቲ ሄርሼኔ። 46 ዓይሁዴ ማዒባኣ ዜርዖም ዓያና ጌኤዠ ዒንጊንቴያታሢ ዔያታ ዔሬሢ፡ ዓይሁዴ ማዒባኣ ዜርዖ ዲማ ዲማ ዳንጋና ጌሰታንቴ ሓሣ ያኦሲ ጋላቲ ጋላቲ ቦንቻንቴ ዔያታ ዋይዜሢርከ። 47 ዬማና ጳጳርሴ፡- «ሓኣታ ዓሳ ኦጉዲ ዓያና ጌኤሺ ዔከኔ፤ ዓካሪ ዋኣዖና ዔያታ ማሰቱዋጉዲ ያኦኒ ዔያቶ ለኣጋይ?» ጌዔኔ። 48 ዬያር ዔያታ ዬሱሰ ኪሪሰቶሴ ሱ"ንዖና ዋኣዖ ማሰታንዳጉዲ ዓይሣኔ፤ ዬካፓ ጳጳርሴ ዔያቶና ዋላ" ዳካ" ከሊ" ዴዓንዳጉዲ ዔያታ ዒዛ ሺኢቄኔ።

11

ጳጳርሴ ዓይሁዴ ማዒባኣ ዓሶ ማኣሪ ዓይጋ ጌሌቶዋ ከኤዜሢ
1 ዓይሁዴ ማዒባኣ ዓሳ ያኦሲ ቃኣሎ" ዋይዜ ዔከሢሢ ዪሁዶ ዓጮ"ይዳ ዓኣ ዳከንቴዞንሢኮንታ ሓንጎ ኪሪሰቶሴ ጉሙርቃ ዓሶንታ ዋይዜኔ። 2 ጳጳርሴ ዬሩሳሌማ ጊንሣ ማዒ ዓኣጳ ዋዶ"ና ዓቲንቶ ቤርቶ ቲቁንቴዖ ፒዜከ ጋዓ፡ ዓይሁዴታዖ ኪሪሰቶሴ ጉሙርቃ ዓሶ ዛላ"ፓ ማዔ ዓሳ ዒዛ፡- 3 «ዓይጎር ኔ ዓቲንቶ ቤርቶ ቲቁንቴባኣ ዓሶ ማኣሪ ጌሊ ዔያቶና ዋላ" ሙዔይ?» ጌዒ ፓሴኔ። 4 ጳጳርሴ ጋዓንቴ ሂዚ ጌዒ ቢያ ባኮ ፓይዲ ፓይዲ ከኤዜሢሢ ዓርቄኔ።
5 «ታኣኒ ዒዮጳ ካታማ" ሺኢጳሢዳ ዓኣዖ ያኦሲ ታኣም ፔጋሲ ዳዌ ባኣዚ" ዛጌኔ፤ ታ ዛጌሢ' ፑኤፒ ዓፒላ ማላ ባኣዚ" ያይዶ ዛሎ" ዓርቁንቴ ጫሪንጫፓ ከዲ" ታ ባንሢ ሙካንቴከ፤ 6 ዬኖ ባከሎ ኮሺ" ታ ዛጋዛ ዲማ ዲማ ቆልሞ፣ ካይዚ ቦዖ ዳካ"ንታ ዴኤፒንታ፣ ካፒያ ጊዳ" ዓኣንቴ ታ ዛጌኔ፤ 7 ዒማ"ና <ጳጳርሴ! ዔቂ ሹኪ ሹኪ ሙዔ> ጋዓ ዑኡሲ ታ ዋይዛዖ፣ 8 ዬይ <ማዓባከ ጎዳሢዮ! ሙዒንቴዋ ዒኢቴ ባኣዚ" ታ ሙዒ ቤቁባኣሴ> ጌዔኔ። 9 ሓሣ ለማሢና ዬና ዑኡዜላ <የኦሲ ጌኤሺ ማሃሢ ኔ ዒኢቴያከ ጋዓኒ ኮይሱዋሴ> ጌዒ ጫሪንጫፓ ታኣም ከኤዜኔ። 10 ዬና ሓይሢ ማይንቴያዲ ማዔሰካፓ ዬና ዓፒሎ ማላ ባከላ ጉቤ ሌካ ጫሪንጫ ዔሙቴኔ። 11 ዒማ"ና ቁሳሪያይዳፓ ታ ባንሢ ዳኮና ሓይሣ ዓሲ ኦ ዓኣ ማኣር ሙኪ ሃሌ"ኔ። 12 ዓያና ጌኤሺ ታኣኒ ፔቴ"ታዖ ዓልቲሢ ባኣያና ዔያቶና ዋላ" ዓኣዳንዳጉዲ ታኣም ከኤዜኔ፤ ሓንሢ ላሆ" ኪሪሰቶሴ ጉሙርቃ ዓሶንሢ ታኣና ዋላ" ዓኣኔ፤ ዔያቶንታ ዋላ" ኦ ቆርኔሌዎሴ ማኣሪ ዓኣዲ ጌሌኔ። 13 ዒዚያ ያኦሲ ኪኢታንቻ

ዲዛም ጴዳም ዲ ዛገህረ:- <ዲዮጴ ዓጮ" ዓሲ ዳኪ ጴዳሮሴ ጌይንታ ሲሞኦኔ ዔኤሊ"ሴ፤ 14 ዲዚ ኔኤና ኔ ማእሮ ዓሲና ቢያ ዲንህ ዳቃንዳ ቃኦላ ኔኤም ኬኤዛንዳኔ ጌዔህ ዲ ኦም ኬኤዜ። 15 ዬያሮ ታኦኒ ዔያቶም ኬኤዚያ ዓርቄ ዎድ"ና ዓያኖ ጌኤዠ ቤርታ ኦ-ፃ ኬዳ"ህጉዲ ዔያቶ ዐ-ፃኦ ኬዳ"ኔ። 16 ዬማና <የሐኒሴ ዎኦህና ማሰከኔ፤ ዲንህ ጋዓንቴ ዓያና ጌኤሲና ማሰታንዳኔ ጌዲ ጎዳ ኬኤዜ ቃኦላ" ታኦም ጳቄ። 17 ኦኤኒ ጎዳ ዬሱሰ ኪሪሰቶሴ ጉሙርቄ ዎድ"ና ያኦሲ ኦም ዲንጌ ዲንጌፃ ዔያቶማኦ ዲንጌንቴያታቴ ሂዳዮ ያኦሲ ታ ላኦጋኒ ዎልቄ ታኦኮ ዓኦ?» ጌዔ።

18 ዔያታ ዬያ ዎይዛዮ ጎዮንዶ ጎይህ ባይዚ ዚተዮ ጌዔ፤ ዬካፓ ዔያታ:- «ዓካሪ፣ ያኦሲ ዓይሁዳ ማዒባኦ ዓሳ ዳቃንዳጉዲ ጎሞ ዔያቶም ዓቶም ጌዔ።» ጌዲ ያኦሲ ጋላቴ።

ዓንጾኪያይዳ ዓኦ ሺኢጲያ ማኦር

19 ዲሰጻፓኖሴ ሹጮና ዲይንቲ ሃይቄ ዎድ"ና ዔቄ ዲፃ ዳውሲያ ዛሎ"ና ላኦሊንቲ ዳንዳ ኪሪሰቶሴ ጉሙርቄ ዓሳ ዳንዲ ፒንቄ፣ ቆጲሮሴና ዓንጾኪያ ዓጮ" ሂላ"ንዳኦና ዓኦዳዮ ያኦሲኮ ቃኦሎ" ዓይሁዳ ዓሲዳፓ ዓታዛ ማሌ" ዓሲም ኬኤዚባኦ። 20 ማዔቶዎ ቆጲሮሴና ቄሪና ዓጮ"ናይዳፓ ሙኬ ፔቴ" ፔቴ" ኪሪሰቶሴ ጉሙርቄ ዓሳ ዓንጾኪያ ዓኦዳዮ ዓይሁዳ ማዒባኦ ዓሰማኦ * ዓይሱዎዮ ጎዳ ዬሱሴ ዛሎ" ኮዠ ሓይሶ ኬኤዜ። 21 ጎዳ ዔያቶ ማኦዳ"ህሮ ሚርጌ ዓሲ ኪሪሰቶሴ ጉሙርቄ ጎዳ ባንህ ማዔ።

22 ዬሩሳላሜይዳ ዓኦ ሺኢጲያ ማኦር ዓሳ ዬያ ዎይዜህሮ ባርናባሴ ዓንጾኪያ ዳኬ። 23 ዲዚያ ዓኦዲ ያኦሲ ኮሹሞና ዲንጋ ዲንጌያ ዳሮ"ም ዎማይዲ ዲንጌቶዎ ዛጋዛ ሚርጌ ዲዛ ዎዛሴ፤ ቢያህ ጉቤ ዲናፓ ደዲ ጎዳም ጉሙርቄንታያ ማዒ ናንጋንዳጉዲ ዲ ዘሬ። 24 ዲዚያ ዓያና ጌኤሺ ኩሙህ ዎልቄና ዲዛይዳ ማዳያ ሃሃ ሚርጌና ያኦሲ ጉሙርቃ ኮሺ ዓሲኬ። ሚርጌ ዓሲያ ጎዳ ባንህ ማዔ።

25 ዬካፓ ባርናባሴ ሳውሌ ኮዓኒ ፃርሴሴ ጎዮ ዓጮ" ዓኦዲ፣ 26 ዲዛ ዳንቃዮ ዓንጾኪያ ዔኪ ዲዛ ሙኬ። ፔቴ" ለዔ ኩሙህ ዔያታ ዲኢካ ዓኦ ኪሪሰቶሴ ጉሙርቃ ዓሲና ዎላ" ፔቴ" ማዒ ሚርጌ ዓሲ ዔርዜ፤ ኪሪሰቶሴ ጉሙርቄ ዓሳ ፔቴ" ጌዲ ዓንጾኪያይዳ «ዓማኖ" ዓሶ» ጌይንቴ።

11:16 ዳኪ. ማድ" 1፣5። 11:19 ዳኪ. ማድ" 8፣1-4። * 11:20 ዓይሁዳ ማዒባኦ ዓሰ:- ጋዓዛ ፔቴ" ፔቴ" ማኦኦፓ «ጌሪኬ ዓጮ" ሙኤጮ ጌሰታ ዳሮ"» ጋዓ።

27 ዲማ"ና ፔቴ" ፔቴ" ያኦሲ ማሊያ ኬኤዘዘንሚ ሌሩሳላሚይዳፓ ባንያኪያ ዳንዴኔ፤ 28 ዲያቶይዳፓ ፔቴ"ሚ ዲጋቦሴ ጎያሚ ዔቁ ዓጮ" ቢያይዳ ዳኤፒ ናይዚ ኬሰካንዳሚ ዲያና ጌኤሽ ማሊሴም ኬኤዘዘ፤ ዩይ ናያ ሮሜ ዓጮ" ካኣቲ ቁላውዴዎሴ ዎድ"ና ማዓኔ። 29 ዩያሮ ኪሪሰቶሴ ጉሙርቃ ዓሳ ቢያ ፔቴ" ፔቴ"ሚ ፔ ዳንዳዔሚጉዴያ ሚኢሽ ኬሲ" ዪሁዳ ዓጮ"ይዳ ዓኣ ኪሪሰቶሴ ጉሙርቃ ዓሶም ማኣዶ ዳካኒ ማሌኔ። 30 ዩካፓ ሚኢሽ ዲያታ ኬሲ" ባርናባሴና ሳውሌና ዑፃ ዳኬኔ።

12

ዓማኖ" ዓሶኮ ዳኤፖ ዳውሲንቲያ

1 ዲማ"ና ካኣቲ ሄሮዲሴ ፔቴ" ፔቴ" ኪሪሰቶሴ ጉሙርቃ ዓማኖ" ዓሶ ዳውሲሚ ዓርቄኔ፤ 2 ዮሐኒሴኮ ቶይዲ ያይቆኦጌ ጩንቻ ዓፓሮና ዒዚ ቲቁሲ ዎዲሽኔ። 3 ዩይ ባካ ዓይሁዴ ዓሶ ዎዘሴሚ ዛጋያ ጳዲሮሴያ ሐሣ ዓርቄሴኔ። ዩይ ማዓሚ ዓይሁዴ ዓሶኮ ዑሣ ዓኣዲያ ጌዒ ላኣዶ ሙዒ ቦንቾ ኬሎ"ናኬ። 4 ጳዲሮሴ ዒዚ ዓርቄሴሰካፓ ቱኡሲ ማኣራዳ ቱኬ"ኔ፤ ዓይሁዴ ዓሶኮ ዑሣ ዓኣዲያ ቦንቾ ኬሎ"ኮ ጊንፃፓ ዴሮ" ቤርቶ ሺኢሻንዳያ ሄላ"ንዳኣና ያይዶ ያይዶ ማዒ ፔቴ"ና ዒዛ ያይዶ ዓሲ ካፓንዳጉዲ ካፓ ዓሶ ዓይሣኔ። 5 ዩያሮ ጳዲሮሴ ቱኡዘ ማኣሮይዳ ቱኡቲ ካፓ ዓሶና ካፒንቴኔ፤ ሺኢጲያ ማኣሮ ዓሳ ጋዓንቴ ዒዛ ጋይቴ ዶዲ ያኦሲ ሺኢቃኔ።

ያኦሲኮ ኪኢታንቻ ቱኡዘ ማኣራፓ ጳዲሮሴ ኬሴ"ሚ

6 ሄሮዲሴ ዴሮ" ቤርቶ ጳዲሮሴ ሺኢሻኒ ማሌ ዋንቴሎ ጳዲሮሴ ላምያ ካኒ ቢራታና ቱኡቲ ላምያ ካፓ ዓሲኮ ባኣካ" ላሂ ዓኣኔ፤ ዓቲ" ማሌ" ካፓዘንሚ ቱኡዘ ማኣሮኮ ካሮ" ካፓኔ። 7 ዩማና ያኦሲኮ ኪኢታንቻ ሙኪ ጳዲዛ፤ ቱኡዘ ማኣሮይዳ ጳዲሮሴ ዓኣ ጋራ ፖዒ ፖዔኔ፤ ዩካፓ ያኦሲኮ ኪኢታንቻሚ ጳዲሮሴኮ ቲቁሎ ባዒ ጳቻያ፡- «ዑኩና ዔቁ!» ጋዓዛ፤ ካኖ ቢራታ ዒዛኮ ኩጫፓ ኬዴ"ኔ። 8 ጊንሣ ያኦሲኮ ኪኢታንቻሚ፡- «ቃልሽ ኔኤኮ ቱኡቲ፤ ዱርዘዎ ኔኤኮ ዓኣሚንቴ» ጌዔኔ። ጳዲሮሴያ ዓይሣንቴሚጉዲ ማዳኔ፤ ሐሣ ጊንሣ ያኦሲኮ ኪኢታንቻሚ፡- «ዓፒሎ ኔኤኮ ማይንቴ ታ ጊንያ ሙኬ» ጌዔኔ። 9 ዩያሮ ጳዲሮሴ ኬሰካያ ያኦሲኮ ኪኢታንቻሚ ጊንያ ዓኣዳኣና ዒዛም ዓውቲ ማሌያፓዓቲም ዩይ ማዲንታ ባካ ቢያ ጎኔ ባኣዚ"

ማለባኣሴ። 10 ቤርታሳሢና ላምዓሳ ቤዘናይዳ ካፓ ዓሶና የኦኪ ካታም ዴንዳ ዓንጎና ዎዲንቴ ካሮ" ሄላ"ዛ ዓሲ ካኣሙዎንቴ ካራ" ጉሪ ዔያቶም ቡሊ"ንቴም ዔያታ ኬሰኪ ፔቴ" ሉኡጋ ጎይሢ ጊዴና ቲቂ ዓኣዳኣና ዒዚ ዔሩዎንቴ የኦሲኮ ኪኢታንቻሢ ጳዲሮሴይዳፓ ዲማዲ ዓኣዳኔ።

11 ዩካፓ ጳዲሮሴኮ ዒና" ማዓዛ፡- «የኦሲ ፔኤኮ ኪኢታንቻሢ ዳኪ ታና ሄሮዲሴና ዓይሁዳ ዓሳ ካፓ ባኮናይዳፓ ቢያ ዳቂሼያ ማዓሢ፤ ዓካሪ ታ ጎኔ ዔሬኔ» ጌዔኔ።

12 ዩካፓ ዒዚ ሚርጌ ዓሳ ፔቱሞና ቡኪንቴ ሺኢቃ ማይራሞ ጎዎዞ ማኣሪ ዓኣዳኔ፤ ዩና ማይራማ ማርቆሴ ጌይንታ የሐኒሴኮ ዒንዶኬ። 13 ጳዲሮሴ ዒኢካ ሄላ"ዎ ማርሾ ካሮ"ይዳ ዔቁ፡- «ማኣሪ ዓሲዮ!» ጋዓዛ፡ ሮዳ ጌይንታ ዉዲሮ ናይሰኬና የናታቴያ ዔራኒ ማርሾ ካሮ" ሙኬኔ። 14 ናዔላ ጳዲሮሴ ዑኡሲ ማዓሢ ዔራዎ ሚርጌ ዎዛፓ ዔቁያና ማርሾ ካሮ" ቡሉ"ዎዎ ሐሺ" ጳሽኪ ጋሮ ጌሊ፡- «ጳዲሮሴ ካሮ" ዔቁ ዓኣኔ!» ጌዒ ኬኤዜኔ። 15 ዔያታ ጋዓንቴ፡- «ኔ ዣ"ዣኣሽካኔ!» ጋዓዛ፡ ዒዛ፡- «ጎኔ ዒዛኬ» ጌዒ ዶዲሺ ኬኤዛዛ፡ ዔያታ ጊንሣ፡- «ሂዴቶ፡ ዒዛኮ ዔኤዦ ናንዳኔ» ጌዔኔ።

16 ጳዲሮሴ ዒማ"ና ዔኤሊ"ዎ ሐሾ" ዒፃዛ፡ ዔያታ ካሮ" ቡላ"ዎ ዒዛ ዛጊ ሚርጌ ዲቃቲ ሄርሼኔ። 17 ዒዚ ጋዓንቴ ዔያታ ዚቲዮ ጋዓንዳጉዲ ኩቻ ዳዎዎ፡ የኦሲ ዒዛ ቱኡዞ ማኣራፓ ዎይቲ ኬሴ"ቶዎ ዔያቶም ኬኤዜኔ። ዩካፓ፡- «ሓያ ባኮ ያይቆኑቤና ሃንጎ ኪሪሰቶሴ ጉሙርቃዞንሢማኣ ኬኤዙዎቱ» ጌዒ ዔያቶይዳፓ ዲማዲ ማሌ" ቤሲ ዴንዳኔ።

18 ዚሮ ጉቴ"ሎ፡- «ጳዲሮሴ ዎካ ባይቁይ?» ጌዒ ካፓ ዓሳ ሴካ ሐንጋ ጳሽኬኔ። 19 ሄሮዲሴ ዒዛ ኮዒሲ ባሽንታዎ ዩኖ ኬሎ"ና ካፓ ዓሶ የኦጬሢኮ ጊንፃ ዔያቶ ዎዳንዳጉዲ ዓይሣኔ፤ ዩካፓ ሄሮዲሴ ዪሁዳይዳፓ ቂሳሪያ ዴንዲ ዴዔኔ።

ካኣቲ ሄሮዲሴኮ ሓይቦ"

20 ሄሮዲሴ ሂሮሴና ሲዶና ዓጮ" ዓሶናይዳ ኮሺ" ዳጋዴኔ፤ ዩያሮ ዔያታ ፔቱሞና ሙካዎ ካኣቲኮ ላጌ ማዔ፡ ቢላሰዎሴ ጌይንታሢ ዔያቶም ካኣቲ ቃይሻንዳጉዲ ሺኢቁ ዔኤዒሴሢኮ ጊንፃ ካኣቲና ቡካኒ ዔያታ የኦጬኔ፤ ዩያ ዔያታ ማዴሢ ዔያቶኮ ዓጮ" ዓሳ ሙዎንዶ ባኣዚ" ዴንቃሢ ዩያ ካኣቲ ዓጮ"ፓ ማዓሢሮኬ።

21 ካኣቲ ጌኤዞ ዎይዛኒ ጌሣ ኬሎ"ና ካኣቱሞ ዓፒሎ ፔኤኮ ማኣዒ፤ ካኣቱሞ ያይቶይዳ ዴዒ ዴሮ"ም ኬኤዜኔ። 22 ዴራ"ኣ፡- «ሓይ የኦሲ ዑኡሲ ማዓንዳፓዓቲም ዓሲ ዑኡሲቱዎሴ» ጌዒ ጌዒ

ዒላቴኔ። 23 ዒማ"ና ሄሮዲሴ ያኦሲም ቦንቾ ዒንገባአሢሮ ቤዘማና ያኦሲ ከኢታንቻ ፑርታ ደርዖ ዒዛይዳ ዒጋዘ ዒዚ ዛልቁ ሓይቄኔ።

24 ያኦሲኮ ቃኣላ" ጋዓንቴ ቢያ ዎዴ ሚርጌና ዳልጊ ዳልጊ ዴንዴኔ።

25 ባርናባሴና ሳውሌና ፔኤኮ ማድ" ኩንሢ ዬሩሳላሚይዳፓ ዓንጾኪያ ማዓዖ፣ ማርቆሴ ጌይንታ ዮሐኒሴያ ዔያቶና ዎላ" ዔኪ ሙኬኔ።

13

ዓያና ጌኤሺ ባርናባሴና ሳውሌና ደኦሪ ማድ"ሞ ዳኪሢ

1 ዓንጾኪያይዳ ዓኣ ኪሪሰቶሴ ጉሙርቃ ዓሶ ባኣካ" ያኦሲ ማላሢ ኬኤዛያና ኪሪሰቶሴ ጉሙርቃ ዓሶ ዔርዘ ዓሲያ ዓኣኔ፤ ዬያታ «ባርናባሴ፣ ካርፃሢ ጌይንታ ሲሞኦኔ፣ ቁሬና ዓጮ" ዓሢ ሉኪዮሴ፣ ዓጮ"ኮ ያይዳሳ ቤዘ ዎይሢ ሄሮዲሴንታ * ሞሊ ኮሺ" ናሽካ ሚናሄና ሳውሌናኬ።» 2 ዬንሢ ሙኡዚ" ሓሺ" ሺኢጲሢ ሺኢቃንቴ ሓሢ ያኦሲ ካኣሽካንቴ ዓያና ጌኤሺ፡- «ታኣኒ ደኦሪ ማድ"ሞ ባርናባሴና ሳውሌና ታኣም ዲማሲ ኬሱ"ዎቴ» ጌዔኔ።

3 ዔያታ ላሚ ሓሢ ሙዖ ሓሺ" ሺኢቆ ሺኢጲያ ሺኢቁ፣ ኩጮ ዔያቶ ዑፃ ጌሢሰካፓ ዔያቶ ዳኬኔ።

ባርናባሴና ሳውሌና ቆጲሮሴ ዓጮ"ይዳ

4 ባርናባሴና ሳውሌና ዓያና ጌኤሺ ዔያቶ ዳኬም ሴሌውቂያ ጌይንታ ዓጮ" ዓኣዲ፣ ዬካፓ ዎኣጾ ካኣሚሎና ዎኣጾ ሳዛ" ዓኣ ቆጲሮሴ ዓኣዴኔ። 5 ሲልማና ዔያታ ሄላ"ዖ ዓይሁደ ዓሶኮ ቡኪንቶ ቤዘ ያኦሲ ቃኣላ ኬኤዜኔ፤ ዮሐኒሴ ጌይንታ ማርቆሴያ ዔያቶና ዎላ" ማዒ ዔያቶ ማኣዴ"ኔ።

6 ቆጲሮሴኮ ጳፑ ጋዓ ቤዘ ዴንዲ ዔያታ ሄላ"ዖ፣ ባሪዬሱሴ ጌይንታ ፔቴ" ዓይሁዴ ዓሲ ዠይሰኬያ ዴንቄኔ፤ ዒዚያ ሉኡዙሞና ያኦሲ ማላሢ ኬኤዛኔ ጋዓ ዓሲኬ። 7 ዒዚ ሴርጊዮሰ ጳውሎሴ ጌይንታ ኮሺ" ጫዎ ማዒ ዓጪ ዎይሢሰኬያኮ ላጌኬ፤ ዬይ ዎይሢ ዓሢ ባርናባሴና ሳውሌና ዔኤሊ"ሲ ያኦሲ ቃኣላ ዎይዛኒ ኮዔኔ። 8 ጋዓንቴ ጌሪኬ ሙኡጮና «ዔሊማሴ» ጌይንታ ዠዎኣሢ፣ ባሪዬሱሴ ዬይ ዓጮ" ዎይሢሢ ኪሪሰቶሴ ጉሙርቁዎጉዲ ላኣጊ ባርናባሴና ሳውሌና ኬኤዛ ባኮ ዒፂ ማኬኔ። 9 ሳውሌ ጌይንታ ጳውሎሴ ጋዓንቴ ዓያና ጌኤሺ ኩሙሢ ዎልቄና ዒዛይዳ ሙኬም

* 13:1 ዓጮ"ኮ ያይዳሳ ቤዘ ዎይሢ ሄሮዲሴንታ፡- ዬያ ካኣቴኮ ሱ"ንፃ «ዓንቴጳሴ» ጌይንታያ ጌሊላ ዓጮ" ዎይሢያኬ።

ዬያ ዓሣ ኮሺ" ዛጋዎ:- 10 «ሓይ ኔ ፃላሄናዓሣ፤ ጎኑም ቢያኮ ሞርኬ ማዕሣ፤ ጌሺሣና ፑርቱሞና ኔ ጊዳ" ኩሚሣ ሓይ! ፒዜ ያኦሲ ጎይዎ ሞቢሶ ኔ ሓሻ"ዓዳ? 11 ሓሣ ሓይሾ ኔና ያኦሲ ኩቺ ጳርቃንዳኔ፤ ዓኣፒ ባይቄያ ኔ ማዓንዳኔ፤ ያኦሲ ጌዔ ሞዳ" ሄላ"ንዳኣና ዓቦ"ኮ ፖዎ ኔ ዛጋዓኬ» ጋዓዛ፤ ቤዘማና ዓኣፓ ዒዛኮ ሻኣራቲ ዲሚ ባይቄሞ፤ ኩጮ ዒዛኮ ዓርቂ ዔኪ ዒዛ ዓኣዳንዳ ዓሲ ኮይላ" ዒዛኮ ዒ ኮይሣ ዓርቄ። 12 ዓጮ" ሞይሣሣ ማዕ ባኮ ቢያ ዛጋዎ ኪሪሰቶሴ ጉሙርቄ፤ ጎዳ ዛሎ" ሞይዜ ባኮሮሞ ቢያ ዲቃቲ ሄርሼኔ።

ባርናባሴና ጳውሎሴና ጲሲዲያ ዓጮ"ይዳ

13 ዩካፓ ጳውሎሴና ዒዛኮ ላጎንሣና ሞኣዎ ካኣሚሎና ጳፑይዳፓ ጲንፒሊያ ዓጮ" ዓኣ ጴርጌ ዓኣዴ፤ ዮሐኒሴ ጌይንታ ማርቆሴ ጋዓንቴ ዔያቶይዳፓ ዲማዲ ገንሣ ዬሩሳላሚ ማዒ ዓኣዴ። 14 ዔያታ ጋዓንቴ ጴርጌይዳፓ ዔቂ ጲሲዲያ ዓጮ"ይዳ ዓኣ ዓንዎኪያ ዓኣዴ፤ ዓይሁደኮ ሓውሾ ኬሎ"ና ዔያቶኮ ቡኪንቶ ቤዘ ጌሊ ዴዔ። 15 ዒማ"ና ሞጎ ማፃኣፖና ያኦሲ ማሊዎ ኬኤዛ ዓሶናኮ ማፃኣፓፓ ናባቢንቴሣኮ ገንፃ ዓይሁደ ዓሶኮ ቡኪንቶ ቤዘ ሱኡጋ:- «ዒሾንሣዮቲ! ዴሮ" ደዲሻ ቃኣላ ዒንሣኮ ዓኣቶ ዴሮ"ም ኬኤዘዋቲ» ጌዒ ዓሲ ዔያቶም ዳኬ። 16 ዬያሮ ጳውሎሴ ዔቃዎ ዴሮ" ባንሣ ኩቺና ዳዊ ዳዊ ሄዚ ጌዔ፤- «ዒሰራዔኤሌ ዓሶንታ ሓሣ ዒንሣ ያኦሲ ዒጊጮ፤ ዓይሁዴ ማዒባኣ ዴራ"! ሞይዘዋቲ፤ 17 ሓዎ ዒሰራዔኤሌ ዴሮ"ኮ ያኦዛሣ ኦኡኮ ቤርታዳ ዓደንሣ ደኦሪ፤ ጊብፄ ዓጮ"ይዳ ዔያታ ዓኣ ሞድ"ና ዳልጊ ዴሬ ዔያቶ ማሂ ዒዛኮ ዴኤፖ ሞልቆና ዬሮ ዓጮ"ፓ ዔያቶ ኬሴ"። 18 ያይዲታሚ" ለዔ ማዓንዳያ ዓሲ ናንጉሞ ዳውሎ"ይዳ ጊቢ" ዳንዳዒሣና † ዔያቶ ዒ ማኣዴ"። 19 ዩካፓ ካኣና ናጮ"ይዳ ላንካይ ካኣቶ" ባይዚ፤ ዬያቶኮ ዓጮ" ዔያቶ ዳካልሴ፤ 20 ዩካፓ ሓሣ ያይደ ጄኤታና ደንጊታሚ" ለዔ ማዓንዳያ ያኦሲ ማሊዎ ኬኤዛ ሳሙዔኤሌ ሞድ" ሄላ"ንዳኣና ሱኡጌ ዔያቶ ሞይሣንዳጉዲ ማሂ።

21 «ዩካፓ ሄሊ"ሲ ካኣቲ ዔያቶም ካኣታሳንዳጉዲ ያኦሲ ዔያታ ሺኢቃዛ፤ ያኦሲ ዔያቶም ቢኢኒያሚ ፃፃፓ ማዕ ቄሴ ናኣዚ" ሳኣዎኦሌ ያይዲታሚ" ለዔ ካኣታሴ። 22 ያኦሲ ሳኣዎኦሌ ካኣቲማፓ ኬይሴሰካፓ ዳውቲ ዔያቶም ካኣታሴ፤ ያኦሲ ዳውቲ

13:17 ኬሲ. ማፃ 1:7፤ 12:51። † 13:18 ጊቢ" ዳንዳዒሣና- ጋዓዛ ፔቲ" ፔቲ" ማፃኣፓ «ሚጠንቲ ደዲ ካፒሣና» ጋዓ። 13:18 ፓይ. ማፃ 14:34፤ ላሚ. ሞፃ 1:31። 13:20 ሱኡጎ. ማ 2:16፤ 1ሳሙ. 3:20። 13:21 1ሳሙ. 8:5፤ 10:21።

ዛሎ" ማርካዳዖ <ዲናፓ ታ ዲዛ ናሽካያ፣ ታኣኮ ማሊያ ኩንሣ፣
ዲሴዬ ናኣዚ" ዳውቴ ታ ዳንቄኔ፣ ጌዔኔ። 23 ይያ ዓሢ ዜርዖይዳፓ
ያኦሲ ዲንጌ ሃጊ ማዓንዳ ዎዘጉዳያ ዲሰራዔኤሌ ዓሶ ዳቂሻ፣
ዬሱሴ ዔኪ ሙኩኔ። 24 ዬሱሴ ማደ" ዓርቃንዳሢኮ ቤርታ
ዲሰራዔኤሌ ዓሳ ጎሞ ፔኤኮ ቡኡዲ ዎኣሢና ማሰታንዳጉዲ ዮሐኒሴ
ኬኤዜኔ። 25 ዮሐኒሴ ፔ ማደ" ኩርሳኒ ዑኪ ዓኣዖ፡- <ታና ዲንሢ
ያናኬ ጋዓይ? ታኣኒ ሜሲሔቴዎሴ፤ ጋዓንቴ ዲዛኮ ዱርዘ ቱኮ" ሱዘ
ቡላ"ኒ ታኣም ኮይሱዎያ፣ ታኣኮ ጊንፆ ሜሌ" ሙካንዳኔ፣ ጌዔኔ።

26 «ዲንሢ ዓብራሃሚ ዜርዖፓ ሸይንቴ ዲሸንሢንታ ያኦሲ
ዓጊጫዘንሢ ቢያ! ሐይ ዳቂንቶ ቃኣላ" ዳኪንቴሢ ኑምኬ።
27 ጋዓንቴ ዬሩሳላሚይዳ ናንጋ ዓሶና ዔያቶኮ ሱኡንና ዬሱሴ ዓሲ
ዳቂሻያ ማዔሢ ዔሪባኣሴ፤ ሃሣ ዓይሁደ ዓሶኮ ሃውሾ ኬሎ"ና ቢያ
ናባቢንታ፣ ያኦሲ ማሊያ ኬኤዘ ዓሶኮ ማፃኣፖ ቃኣላ"ኣ ዔያቶም
ጌሊባኣሴ፤ ያደ ማዔቴያ ያኦሲ ማሊያ ኬኤዘ ዓሳ ጌዔ ጎይያ ዓዛ
ዑፃ ፑርታ ዎጌ ዔያታ ዎጌኔ። 28 ሐይቢም ዓዛ ሄሊ"ሳ ዳቢንቴ
ዔያታ ዓዛይዳ ዳንቄባኣያ ዔያቶም ዓዛ ዎዳንዳጉዲ ጲላዖሴ
ዔያታ ሺኣቄኔ። 29 ዓዛ ዛሎ" ፃኣፒንቴ ባኮ ቢያ ዔያታ ኩንሢሢኮ
ጊንፆ ፑርቲሴ ዓሶ ሱያ ሚፃፓ ኬይሲ ዓዛ ዔያታ ዱኡኬኔ፤
30 ጋዓንቴ ያኦሲ ዓዛ ሐይባ"ፓ ዔቂሴኔ። 31 ጌሊላይዳፓ ዬሩሳላሚ
ዓዛና ዎላ" ሙኩዘንሢሣማኣ ሚርጌ ኬሊ" ዓዚ ጴዳኔ፤ ይያታ ሐሢ
ዳር"ኮ ቤርቶይዳ ዓዛኮ ማርኮንሢኬ። 32 ኦኡኒ ሐሢ ዲንሢም
ዔኪ ሙኩሢ ያኦሲ ኦ ዓደንሢም ሃጊ ማዓንዳ ዎዘ ማሃ ዲንጌ
ኮዦ ሐይሶኬ። 33 ዎይቲ ጌዔቶ ያኦሲ ዬሱሴ ሐይባ"ፓ ዔቂሴያና
ዬያ ዎዘ" ኦና ዔያቶኮ ናኣቶ"ም ኩንሢኔ። ዬይያ፡- ዓይኑም ማፃኣፖ
ዓይሢ ላምዖይዳ፣

<ኔ ታኣኮ ናዓሢኬ፤ ታ ኔኤኮ ሃኖ" ዓደ ማዔኔ!>
ጌይንቴ ፃኣፒንቴሢ ጉዳያኬ። 34 ዓዚ ዎዑዎጉዲ ያኦሲ ዓዛ
ሐይባ"ፓ ዔቂሴሢ ዔርዘኒ፡- <ዳውቴም ዲንጊንቴ ሃጊ ማዓንዳ
ዎዘሢ፣ ያኦሲም ዳሚዳያ ሃሣ ጉሙርቂንታያ ማዔሢ ታ ዲንሢም
ዲንጋንዳኔ፣ ጌዔ ኬኤዜኔ።

35 «ሐሣ ሜሌ" ቤሰካ ዓይኑም ማፃኣፖይዳ፡-
<ኔኤም ጉሙርቂንቴ ማዳሢ ዱኡፓ ኔ ዎሲሲንዱዎሴ>

13:22 1ሳሙ. 13፣14፤ 16፣12፤ ዓይኑ. 89፣20። 13:24 ማር. 1፣4፤ ሉቃ.
3፣3። 13:25 ማቴ. 3፣11፤ ማር. 1፣7፤ ሉቃ. 3፣16፤ ዮሐ. 1፣20። 13:28
ማቴ. 27፣22-23፤ ማር. 15፣13-14፤ ሉቃ. 23፣21-23፤ ዮሐ. 19፣15። 13:29 ማቴ.
27፣57-61፤ ማር. 15፣42-47፤ ሉቃ. 23፣50-56፤ ዮሐ. 19፣38-42። 13:31 ዳኪ.
ማደ" 1፣3። 13:33 ዓይኑ. 2፣7። 13:34 ዓሲ. 55፣3።

ጋዓኔ።

36 «ጋዓንቴ ዳውቴ ፔኤኮ ናንጎ ወደ"ይዳ ማድ" ያኦሲ ማሊያጉዲ ኩንሚሰካፓ ሓይቁ፣ ፔኤኮ ዓድንሢና ዋላ" ዲኡቴ ዋዔ። 37 ያኦሲ ሓይባ"ፓ ዔቁሴህ ጋዓንቴ ወዲባኣሴ። 38 ዓካሪ ዲሾንሢዮቴ! ዲንሢም ኬኤዚንቴህ፣ ጎሞ ቢያ ዲንሢኮ ዓቶም ጋዓኒ ዳንዳዓሢ ዩሱሴኬ፤ ሙሴኮ ዓሶ ወይሦ ዋጋ ጎሜ ዓይሉሞፓ ቢያ ዲንሢ ኬሳ"ኒ ዳንዳዐ-ዋሴ ጋዓያኬ። 39 ዩሱሴ ጉሙርቃ ዓሲ ቢያ ጎሜ ዓይሉሞፓ ኬሰካኔ። 40 ዩያሮ ያኦሲ ማሊያ ኬኤዛ ዓሶ ዛሎ"ና ሂዚ ጌይንቴህ ዲንሢዳ ሄሉ"ሞጉዲ ዲንሢና ዔሩዋቴ፤

41 ሲንሢ ሓይ ቦሃ ዓሳ!
ዛጉዋቴ፣ ዲቃቴ ሄርሹዋቴ፣ ባይቁዋቴ!
ዓይጎር ጌዔቶ ያኦኒያ ዲንሢም ኬኤዜቶ ዲንሢ ጉሙርቃኑዋ፣
ማድ ዲንሢ ወደ"ና ታ ማዳንዳ።»

42 ዩካፓ ጳውሎሴና ባርናባሴና ዓይሁዴ ዓሶኮ ቡኪንቶ ቤዛፓ ኬሰካኣና ዩኖ ዔያታ ኬኤዜዜሎ ሙካ ዔያቶኮ ሓውሾ ኬሎ"ና ለሚ ዔያቶም ኬኤዛንዳጉዲ ዓሳ ጳውሎሴንሢ ሸኢቁ።

43 ዓይሁዴ ዓሶኮ ቡኪንታ ላኣሊንታዛ ሚርጌ ዓይሁዴ ዓሲና ሜሌ" ዓሲታዎ ዓይሁዴ ካኣዣ ጌሌ ዓሳ ጳውሎሴና ባርናባሴና ጊንያ ዓኣጴ፤ ጳውሎሴንሢ ዓሶ ያኦሲ ባኮ ዔርዚ ሓሣ ያኦሲኮ ኮሹሞ ዲንጊያና ደዲ ዓሳ ናንጋንዳጉዲ ላቴ" ኬኤዜ።

44 ለምዓሳ ዓይሁዴ ዓሶኮ ሓውሾ ኬሎ"ና ካታማ" ናንጋ ዓሶይዳፓ ዳካ" ዓሲ ዓታዛ፣ ሓንጎ ዓሳ ቢያ ያኦሲ ቃኣሎ" ዋይዛኒ ሙኪ ቡኬ። 45 ዓይሁዴ ዓሳ ዴሮ"ኮ ሚርጌሞ ዛጋዎ ዲናፓ ቁኢሪ፣ ጳውሎሴኮ ሓይሶዋ ማኪ ዲዛ ጫሽኬ። 46 ጳውሎሴና ባርናባሴና ጋዓንቴ፡- «ቤርታዲ ያኦሲ ቃኣላ" ዲንሢም ኬኤዚንታኒ ኮይሳ፤ ዲንሢ ዔይዔ ጌዒ፣ ናንጊና ናንጊ ኑም ኮይሱዋሴ ጌዔቶ ዓካሪ ኑኡኒ ሓሺ" ዓይሁዴ ማዲባኣ ዓሶ ባንሢ ዓኣዳንዳ። 47 ዓይጎር ጌዔቶ፡- «ዓጫ" ጉቤ ኔ ዛሎ"ና ዳቃንዳጉዲ ሜሌ" ዴሮ"ም

ፖዒ ታ ኔና ማሄኔ» ጌዒ ጎዳ ዓይሢሢሮኬ» ጌዒ ጫርቁ ዔያቶም ኬኤዜ።

48 ዓይሁዴ ማዲባኣ ዓሳ ዩያ ዋይዛዎ ዋዛጴ፤ ያኦሲ ቃኣሎ"ዋ ዔያታ ቦንቹ፤ ናንጊና ናንጎም ደኦሪንቴዞንሚኮ ቢያ ዲማ"ና ኪሪሰቶሴ ጉሙርቁ።

49 ጎዳኮዋ ቃኣላ" ዩኖ ዓጮ" ቢያ ሄሌ"ኔ። 50 ዓይሁዴኮ ሱኡጋ ጋዓንቴ ዓይሁዴ ካኣዣ ካኣሽካ ያርጎጮ ላኣሎና ካታሞኮ

ፑኡፖ ፑኡፖ ዓሶ ፔ ባንሢ ማሂ ጳውሎሴና ባርናባሴና ዒዲንቴ ዳውሲንታንዳጉዲ ማዲ ዓጫ"ፓ ዒያቶ ከሴ"ኔ። 51 ዒማ"ና ጳውሎሴና ባርናባሴና «ዒንሢና ባዴዔ» ጋዓ ማርካ ዒያቶም ማዓንዳጉዲ ቶኮ ሲላሎ ፒዲ" ዒቆኒዮ ዓጮ" ዓኣዴኔ። 52 ኪሪሰቶሴ ጉሙርቃ ዓሳ ኮሺ" ዋዛዲ ሓሣ ዓያና ጌኤሺያ ከሙሢ ዋልቄና ዒያቶይዳ ማዲያ ማዒኔ።

14

ጳውሎሴና ባርናባሴና ዒቆኒዮይዳ

1 ዓንጾኪያይዳ ዒያታ ማዴ ጎይጾ ሃሣ ዒቆኒዮ ዓጮ"ይዳ ጳውሎሴና ባርናባሴና ዓይሁዶ ዓሶኮ ቡኪንቶ ቤዘ ጌሊ፣ ዒኢካ ዴኤፒ ዋልቄና ዒያታ ጾኦሲ ባኮ ከኤዜሢሂሮ ማርጌ ዓይሁዴ ዓሲና ጌሪኬ ዓሲና ኪሪሰቶሴ ጉሙርቄኔ። 2 ኪሪሰቶሴ ጉሙርቄያ ዒዳ ዓይሁዶ ዓሳ ዓይሁዴ ማዒባኣ ዓሶ ዴማ"ና ዘሪ ኪሪሰቶሴ ጉሙርቄ ዓሶ ዒዳንዳጉዲ ማሄኔ። 3 ጳውሎሴና ባርናባሴና ጋዓንቴ ጎዶ ዛሎ" ጫርቄ ከኤዚ ከኤዚ ዒኢካ ማርጌ ዋዴ ዴዔኔ፤ ጎዳኣ ዒያቶም ዲቃሣ ባኣዚ"ና ጾኦሲ ዋልቄና ማዲንታ ዓኪ ባኣዚ" ማዲንዳ ቢታንቶ ዒንገረ ዒዛኮ ኮሹሞና ዒንገንቴ ቃኣላ" ጎኔ ማዒሢ ፔጋሴኔ። 4 ካታሞይዳ ናንጋ ዓሳ ጋዓንቴ ላምጾ ቤሲ ፓቂንቴ ዛላ" ዓይሁዶ ዓሶና፣ ዛላ" ሓሣ ዳኪንቴዘንሂን ዋላ" ማዒኔ።

5 ዓይሁዴ ማዒባኣ ዓሶና ዓይሁዴ ዓሶና ሓሣ ዒያቶኮ ሱኡጎና ዋላ" ማዒ ጳውሎሴና ባርናባሴና ዒያታ ማታሳኒ፣ ገንሣ ሹቻ ዲዒያ ዋዳኒ ኮዔኔ። 6 ጳውሎሴና ባርናባሴና ዴያ ዒራጾ ሊቃጾኒያይዳ ሊሰዲራና ዴርቤና ጌይንታ ካታሞ ሓሣ ኮይሎይዳ ዓኣ ዓጮ" ባንሢ ፑኒንቴ ዴንዴኔ። 7 ዒኢካ ኮዦ ሓይሶዋ ከኤዜኔ።

ጳውሎሴና ባርናባሴና ሊሰዲራና ዴርቤናይዳ

8 ሊሰዲራይዳ ቶኪ ሲሌ፣ ፔቴ" ዋሶ ዓሲሰኬያ ዓኣኔ፤ ዴይ ዓሢ ሸይንቴማፓ ዓርቃጾ ዋሶ ማዒሢሮ ቶኪና ሃንቴ ቤቂባኣሴ፤ 9 ዴይ ዓሢ ጳውሎሴ ከኤዛኣና ዴዒ ዋይዛንቴ፣ ጳውሎሴ ዓሢ ኮሺ" ዛጋጾ ዓሢኮ ፔና ዳቂሻንዳ ጉሙርቄሢ ዓኣያ ማዒሢ ዴንቄ፣ 10 ፔ ዑኡዞ ዴግሊዲ፡- «ሌካ ኔኤሮ ዒቄ!» ጌዔሰካፓ ዓሢ ላዓ ጌዒ ዒቄ ሃንቴሢ ዓርቄኔ። 11 ዓሳ ዴያ ጳውሎሴ ማዴ ባኮ ዛጋጾ ፔኤኮ ዑኡዞ ዴግሊዲ ሊቃጾኒያ ዓጮ" ሙኡጮና፡- «ካኣሽኮ ጾኡዛ ዓሲ ማሎና ኑ ባንሢ ከዴ"ኔ!» ጋዓጾ፣ 12 ዒያታ ባርናባሴኮ ሱ"ንጾ «ዲያ» ጌዔኔ፤ ጳውሎሴ ዒያቶም ባሽ ከኤዛሢታሢሮ ዒዛ ዒያታ «ሄርማኔ»

ጌዔ። 13 ይማና ካታሞኮ ዙላ" ዓኣ ዲያ ጌይንታ፡ ዓይሁዶ ዓሶኮ ጌኤዠ ማኣሮ ቁኤሳሢ ዚያ ጌማይና ቡኒና ካታሞኮ ጌሎ ካሮ" ባንሢ ዔኪ ሙኪ ዴሮ"ና ዎላ" ማዒ ጳውሎሴና ባርናባሴናም ዒንጎ ባኣዚ ማሂ ሺኢሻኒ ኮዔ።

14 ጳውሎሴና ባርናባሴና ጋዓንቴ ዬያ ዋይዛያ ሶዬ ዓፒሎ ፔኤኮ ዳርዚ፡ ዒላቲ ዒላቲ ዴሮ" ባንሢ ጳሽኪ ሙኪ ሂዚ ጌዔ።- 15 «ዒንሢ ሃይ ዓሳ፡ ዓይጎሮ ሓያይዳይ? ኮኢኒያ ዒንሢጉዲ ዓሲኮ፤ ኮኤኒ ሓይካ ሙኮሢሢ ዒንሢ ሓያ ጉሪ ማዔ ካኣዠ ሓሽ"፤ ሳዎንታ ዴኤፖ ዋኣዎ ባዞ"ንታ ዬያቶኮ ጌዳ" ዓኣ ባኮ ቢያ ማገፍ ናንገና ናንጎ ያኣዛሢ ባንሢ ማዓንዳጉዲ ኮዦ ሓይሶ ኮ ዒንሢም ከኤዛኒኮ፤ 16 ሓያኮ ቤርታ ሚናኣ ዎዶ"ና ዴራ" ፔ ሺኔ ጌዔ ጎይሢ ዓኣዳንዳጉዲ ያኦሲ ዔያቶ ሓሽ"ኔ፤ 17 ያዲ ማዔቶዎ ያኦሲ ኮሽ ማድ ሃሹ"ዎዎ ማዲያና ዒዚ ዓኣያ ማዒያ ማርካሴ። ዬያ ዒ ማርካሴሢ፡- ጫሪንጫፓ ዒርዚ ዒንሢም ዋርቁሲያና ሃኣካ ዒንሢም ካዎንዳጉዲ ቃራ ዎዶ ዒንጊያና፤ ሃሢ ዒንሢ ሙኡዚ" ዴንቁ ሚርጌና ዎዛዳንዳጉዲያ ማሂያና።» 18 ዳኪንቴዘንሢ ያዲ ጌዒ ከኤዜያ ማዔቶዎ ዴራ" ዔያቶም ዒንጎ ዒንጊያ ሺኢሹዎጉዲ ዔያታ ሓሽ"ሴሢ ሚርጌ ማቶና።

19 ዓይሁዶ ዓሳ ጋዓንቴ ዓንዎኪያና ዒቆኒዮ ዓጮ"ናይዳፓ ዒኢካ ሙኪ ዴሮ" ፑርታ ማሊሲሢና ዔያቶ ባንሢ ማሂሰካፓ፡ ጳውሎሴ ዔያታ ሹቻ ዲዒ «ዎዴ።» ጌዒ ጎቺ ካታማ"ፓ ከሴ"። 20 ጋዓንቴ ኪሪሰቶሴ ጉሙርቃ ዓሳ ሙኪ ዒዛኮ ዓጫ ዔቃዛ ጳውሎሴ ዔቁ ካታሞ ገንሣ ማዒ ጌሌ፤ ዬካፓ ዚሮ ጉቴ"ሎ ባርናባሴና ዎላ" ዳርቤ ዒዚ ዓኣዴ።

ጳውሎሴና ባርናባሴና ሶኦሪያይዳ ዓኣ ዓንዎኪያ ማዒያ

21 ጳውሎሴና ባርናባሴና ዳርቤይዳ ኮዦ ሓይሶ ከኤዚ ሚርጌ ዓሲ ኪሪሰቶሴ ጉሙርቃንዳጉዲ ማሂ። ዬካፓ ሊሰደራና ዒቆኒዮ ጌዴና ጌዒ ዓንዎኪያ ዓጮ" ዴንዴ። 22 ዬያቶ ዓጮ" ቢያሢዳ ኪሪሰቶሴ ጉሙርቃ ዓሳ ጉሙርቁያና ዶዳንዳጉዲ ዶዴሺ ዶዴሺ ሓሣ ዞሪ ዞሪ፡- «ያኦሲ ካኣቱሞይዳ ጌላኒ ኦና ሚርጌ ማቶ ዔካንዳያ ኮይሳ።» ጌዒ ጌዒ ዔርዜ። 23 ሓሣ ሺኢጲያ ማኣሮኮ ጪሚያ ዔያታ ዶኦሪ፡ ሙኡዚ" ሓሽ" ሺኢቆ ሺኢጲያዎ ሺኢቆሰካፓ ዔያታ ጉሙርቁ ጎዳሢም ሃዳርሲ ዔያቶ ዒንጌ።

24 ዬካፓ ጲሲዲያ ዓጮ" ጌዴና ጌዒ ጲንፒሊያ ዓጮ" ዴንዴ፤ 25 ጴርጌይዳ ቃኣሎ" ከኤዜሰካፓ ዓፃሊያ ዓጮ" ከዴ"። 26 ዬካፓ

ዔይታ ዋኦጾ ካኣሚሎ" ቶጊ ሶኦሪያይዳ ዓኣ ዓንጾኪያ ጊንሣ ማዔኔ፤ ሶኦሪያ ጌይንታ ቤዘላ ዔይታ ማዴ ማድ"ኮ ቤርታዲ ዓይሢያ ሓዳራ ዔይቶም ዒንጊንጌቴ ካታሚሎኬ።

27 ዒኢካ ዔይታ ሄላ"ጾ ኪሪሰቶሴ ጉሙርቃ ዓሶ ፔቴ"ይዳ ቡኩሲ፣ ጾኦሲ ዔይቶና ዋላ" ማዒ ማዴ ባኮ ቢያሢና ዓይሁዴ ማዒባኣ ዓሳ ኪሪሰቶሴ ጉሙርቃንዳጉዲ ዋዲ" ዔይቶም ካራ ቡሊ"ንጌቴያ ዓሶም ኬኤዜኔ። 28 ኪሪሰቶሴ ጉሙርቃ ዓሶና ዋላ" ሚርጌ ዋዴ ዔይታ ዴዔኔ።

15

ዩሩሳላሚያይዳ ቡኮና ቡኪንጌ

1 ፔቴ" ፔቴ" ዓሳ ዓንጾኪያ ዓጮ" ዴንዲ፡- «ሙሴ ዋጎ ጎይጾ ዓቲንቶ ቤርቶ ዒንሢ ቴቂንጌባኣቶ ዳቃኒ ዳንዳዑዋሴ» ሂዚ ጌዒ ኪሪሰቶሴ ጉሙርቃ ዓሶ ዔርዚሢ ሳርቄ። 2 ጳውሎሴና ባርናባሴና ጋዓንጌ ዩኖ ዛሎ" ዓሶና ዋላ" ኮሺ" ማርሚኔ፤ ዩካፓ ጳውሎሴና ባርናባሴና ዓንጾኪያይዳ ዓኣ፣ ፔቴ" ፔቴ" ኪሪሰቶሴ ጉሙርቃ ዓሶና ዋላ" ማዒ ዩሩሳላሚ ዓኣዲ ዩኖ ማሊያ ዳኪንቴዘንሢካና ጨሞናም ሺኢሻንዳጉዲ ጌይንጌ።

3 ዔይታ ሺኢጲያ ማኣሮ ዓሳ ዔይቶ ዳኬም ዴንዲ ፒንቄና ሳማሪያ ዓጮ" ጊዴና ዓኣዲያ ዓይሁዴ ማዒባኣ ዓሶኮ ጾኦሲ ባንሢ ማዒያ ዛሎ" ኬኤዛዛ፣ ዩይ ሓይሳ ኪሪሰቶሴ ጉሙርቃ ዓሶ ቢያ ዋዛሴ። 4 ዩካፓ ዩሩሳላሚ ዔይታ ሄላ"ዛ ሺኢጲያ ማኣሮ ዓሶና ዳኪንቴዘንሢካና ሓሣ ጨማኣ ዔይቶ ሸኣቲንሢ ዔኬኔ፤ ሓሣ ጾኦሲ ዔይቶና ዋላ" ማዒ ማዴ ባኮ ቢያ ዔይቶም ኬኤዜኔ። 5 ጋዓንጌ ፔርሴ ፃጳፓ ማዔ ፔቴ" ፔቴ" ኪሪሰቶሴ ጉሙርቃ ዓሳ ዔይታ፡- «ዓይሁዴ ማዒባኣ ዓሳ ዓቲንቶ ቤርቶ ቴቂንታንዳጉዲና ሙሴ ዋጎ ካፓንዳጉዲ ዓይሣንዳያ ኮይሳኔ» ጌዔ።

6 ዩያሮ ዳኪንቴዘንሢካና ጨሞና ዩኖ ዛሎ" ዋላ" ዘርታኒ ቡኬኔ፤ 7 ዔይታ ሚርጌና ማርሚሢ ጊንፃ ጳይሮሴ ዔይታ፡- «ታ ዒሸንሦ! ታ ሚሸንሦ! ዓይሁዴ ማዒባኣ ዓሳ ታ ዛሎ"ና ኮዢ ሓይሶ ዋይዚ ኪሪሰቶሴ ጉሙርቃንዳጉዲ ሓያኮ ቤርታ ጾኦሲ ታና ዒንሢ ባኣካ"ፓ ደኦሪሢ ዒንሢ ዔይታ። 8 ዓሲኮ ዒና ዔይታ ጾኦሲ፣ ኦም ዓያኖ ጌኤዢ ዒንጌሢጉዲ ዔይቶማኣ ዒንጊያና ዔይቶ ፔ ዓሲ ማሄሢ ዔርዜኔ። 9 ዔይታ ዒዛ ጉሙርቃሢ ጎሞ ዔይቶኮ ዒ ጌኤሺኔ፤ ዩያሮ ኦኡና ዔይቶና ባኣካ" ፔቴ"ታያ ዲሙሞ ባኣሴ። 10 ዓካሪ ኦ ዓደንሢታያ

15:1 ለዊ. ዓኬ 12:3፤ ዳኪ. ማድ" 10:1-43። 15:8 ዳኪ. ማድ" 2:4፤ 10:44።

ሐሣ ኩኒያ ኩዳኒ ዳንዳዒባኣ ቃሞባሮ ኪሪሰቶሴ ጉሙርቃ ዓሶ ባቃኖይዳ ጌሣ ሐንሲ ወይታቴያ ኑ ዛጋንዳኔ» ዒንሣሣ ሐሣ ዓይጎሮ ጋዓይ? 11 ኩኒያ ዳቄሣ ጎኔና ዔያቶጉዲ ጎዳ ዬሱሴኮ ኮሹሞ ዒንጊያና ማዕሣ ኑ ጉሙርቃኔ» ጌዔኔ።

12 ዬማና ዳራ" ባርናባሴና ጳውሎሴ ዛሎ"ና ያኦሲ ዓይሁዴ ማዒባኣ ዓሶ ባኣካ" ማዴ ዒዛ ወልቆና ማዲንቴ ባኮንታ ዲቃሣ ባኮ ቢያ ዔያታ ኬኤዛኣና ዚቲ ጌይ ዔያቶሲ ወይዛኔ። 13 ዔያታ ኬኤዚ ኩርሴሰካፓ ያይቆኦቤ፡- «ታ ዒሾንሣ! ታ ሚሾንሣ! ሂንዳ ወይዘወቲ፤ 14 ያኦሲ ዓይሁዴ ማዒባኣ ዓሶ ባኣካ"ፓ ፔኤሞ ማዓንዳ ዴሬ ዶኦሪያና ዔያቶሞ ወማይዲ ማሌቶዎ ሲሞኦኔ ቤርታዲ ኬኤዜኔ። 15 ሐ" ማሊያና ያኦሲ ማሊያ ኬኤዛ ዓሶኮ ቃኣሎ"ና ወሊ ማሊያኬ፤ ዬይያ፡-

16 «ዬካፓ ታ ማዓንዳኔ፤

ዳውቴኮ ሻሂንቴ ማኣሮ ታ ማኸንዳኔ፤

ሻሂንቴ ላኣሊንቴ ባኮዎ ጊንሣ ታ ዶዲሺ ዔቁሳንዳኔ።

17 ዬያ ታ ማዳንዳሣ ሃንጎ ዓቲ" ዓኣ ዓሶንታ

ታ ዓሶ ማዔ፥ ማሌ" ዳራ ቢያ ታና ኮዓንዳጉዲኬ፤

18 ቤርታፓ ዓርቂ ዬያ ቢያ ፔጋሴ፥ ጎዳሣ ሂዚ ጋዓኔ» ጌይንቴ ፃኣፒንቴያኬ።

19 «ዬያሮ ታኣኮ ማሊያ ያኦሲ ባንሣ ማዓ ዓይሁዴ ማዒባኣ ዓሶ ኩኒ ኜታሲባኣቴ ኮሺኬ ጋዓያኬ። 20 ዬያይዳፓ «ሜሌ" ካኣሺሞ ሹኪንቴ፥ ዒኢቴ ባኣዚ" ሙዒፖቴ፤ ማቾ ሐሣ ዓኒ ማዒባኣ ዓሶና ላሂፖቴ፤ ሱጉሣ ሾኦቴ ባኣያ፥ ጨኡሊ"ንቴ ሐይቄ ቆልሞ ሙዒፖቴ፤ ሱጉሣያ ዑሽኪፖቴ» ጌዒ ኑ ዔያቶሞ ፃኣፓንዳኔ። 21 ዓይጎሮ ጌዔቶ ማናፓ ዓርቃዎ ሙሴ ወጋ" ዓይሁዳኮ ሐውሾ ኬሎ"ና ዔያቶኮ ቡኪንቶ ቤዛ ናባቢንታኔ፤ ሐሣ ቃኣላ" ካታሞይዳ ቢያ ኬኤዚንታኔ» ሂዚ ጌዔኔ።

ዓይሁዴቱዋዎ ኪሪሰቶሴ ጉሙርቄ ዓሶሞ ፃኣፒንቴ ኪኢታ

22 ዬካፓ ዳኪንቴዘንሚንታ ጨሞንታ ሸኢጲያ ማኣሮ ዓሶ ቢያሣንታ ዋላ" ማዒ ቡኪንቴ ዓሶ ባኣካ"ፓ ዳካ" ዓሲ ዶኦራያ ጳውሎሴና ባርናባሴና ዋላ" ዓንያኪያ ዓጮ" ዳካኒ ጌሰቲ ዔቁሴኔ፤ ዬያሮ ኪሪሰቶሴ ጉሙርቃ ዓሶ ባኣካ" ዓሶ ዔኪ ዓኣዲሣና ኮሺ ሱንሣ ዓኣ፥ ቤርሲያኔ ጌይንታ ዪሁዳና ሲላሴና ዔያታ ዶኦሬኔ። 23 ዬካፓ ፃኣፒንቴ ኪኢቶ" ዔያቶ ዑፃ ዳኬኔ፤ ኪኢታ፡-

15:18 ዓሞ. 9፥11-12። 15:20 ኬሲ. ማፃ 34፥15-17፤ ለዊ. ዓኬ 17፥10-16፤ 18፥6-23።

«ኩኩኒ ዳኪንቴዞንሢኮና ጨም ማዕ ዲንሢኮ ዲሾንሢኮ፡ ዓንጾኪያና ሶኦሪያናይዳ ሓሣ ኪልቁያይዳ ናንጋ ዓይሁዳ ማዕባኣ ኑ ዲሾንሢኮ፡ ዲንሢኮ ኮሺዳ ኑ ጋዓኔ፤ 24 ኑ ባኣኮ"ይዳፓ ፔቴ" ፔቴ" ዓሲ ኑ ዔያቶ ዓይሢሣኣንቴ ዲንሢኮ ኮራ ሙኪ ዲንሢኮም ኬኤዜ ቃኣሎ"ና ማታሲ፤ ሓሣ ዲንሢኮም ጎይሢ ባይዜሢ ኑ ዋይዜኔ፤ 25 ዬያሮ ፔቴ"ይዳ ቡኪንቴ ኪኢታ ዓሲ ኑ ዶኦሪሰካፓ ናሽኪንታ ኑ ዲሾንሢኮ ባርናባሴና ጳውሎሴና ዋላ" ዔያቶ ኑ ዲንሢኮ ባንሢኮ ዳካኒ ጌሰቴኔ። 26 ባርናባሴና ጳውሎሴና ኑ ጎዳሢ ዬሱሰ ኪሪሰቶሴ ዛሎ"ሮ ፔ ሾምፓሢ ማርጌ ማቶም ዓኣሢ ዲንጌያኬ። 27 ኑ ጌሰቴ ሓይሶ ደንጋና ቃሲ" ዲንሢኮም ኬኤዛንዳጉዲ ዪሁዳና ሲላሴና ኑ ዳኬኔ። 28 ሓንሢኮ ፓይዲንቴ፡ ኮይሳ ባኮንሢኮፓ ዓታዛ ማሌ" ዴኤሢ ቃምባራ ኑ ዲንሢኮ ዑፃ ጌሡዋጉዲ ዓያኖ ጌኤዦና ኩኩናናም ኮሺ ማዕ ጴዳኔ፤ ዬንሢኮ፡- 29 ማሌ" ካኣሽም ሹኪንቴ፡ ዲኢቴ ባኣዚ" ሙዒፖፖ፤ ሱጉሢኮ ሾኩቱዋንቴ ጨኡሊ"ንቴ ሓይቁ ቆልሞ ሙዒፖፖ፤ ሱጉሢኮ ዑሽኪፖ፤ ማቶ ሃሣ ዓኒ ማዕባኣ ዓሲና ላሃፖ፤ ዬንሢኮ ባኮፓ ዲንሢኮ ካፒንቴቶ ኮሺ ባኣዚ" ዲንሢኮ ማዳኔ፤ ዓካሪ ኮሺ ናንጉዋቴ» ሢዚ ጋዓያኬ።

30 ዬካፓ ኪኢቶ" ዓሶንሢኮ ዔያቶ ሳራሣፃ ዓንጾኪያ ዓጮ" ዴንዲ፡ ኪሪሰቶሴ ጉሙርቃ ዓሶ ቢያ ቡኩሲጋፓ ፃኣፒንቴ ኪኢቶ" ዔያቶም ዲንጌኔ። 31 ኪሪሰቶሴ ጉሙርቃ ዓሳ ፃኣፒንቴ ኪኢቶ" ናባባፃ ዳኪንቴ፡ ዶዲሻ ኪኢቶ"ና ኮሺ" ዋዛዴኔ። 32 ዪሁዳና ሲላሴና ጾኦሲ ማሊሢ ኬኤዛያታሢሮ ዲሾንሢኮ ማዕ ዓሶ ማርጌ ቃኣላና ዞሪ ዶዲሾኔ። 33 ዪሁዳና ሲላሴና ዲኢካ ዳካ" ዋዴ ዴዒሰካፓ ኪሪሰቶሴ ጉሙርቃዞንሢኮ ዔያታ ሳራሢ ዔያቶ ዳኬ ዓሶ ባንሢኮ ማዕ ዴንዴኔ። *

35 ጳውሎሴና ባርናባሴና ኪሪሰቶሴ ጉሙርቃ ማሌ" ማርጌ ዓሲና ዋላ" ማዕ ጎዳኮ ቃኣሎ" ዔርዚ ዔርዚ ሓሣ ኬኤዚ ኬኤዚ ማርጌባኣያ፡ ዳካ" ዓጊኒ ዓንጾኪያይዳ ዴዔኔ።

ጳውሎሴና ባርናባሴናኮ ዲማዲያ

36 ማርጌባኣያ፡ ዳካ" ዓጊኒኮ ጊንፃፓ ጳውሎሴ ባርናባሴ ኮራ፡ «ሓኒ ሙኬ፤ ሓያኮ ቤርታ ጎዳኮ ቃኣሎ" ኑ ኬኤዜ ካታም ቢያይዳ ዓኣ ዲሾንሢኮንታ ማሾንሢኮንታ ሓንቴ ሓንቴ ዔያታ ዋይቴቴያ ኑ ዛጎም» ጌዔኔ። 37 ዲማ"ና ባርናባሴ ዮሓኒሴ ጌይንታ ማርቆሴ ዔያቶና ዋላ" ዓኣዳንዳጉዲ ኮዔኔ። 38 ጳውሎሴ ጋዓንቴ ዬይ

* 15:33 ፔቴ" ፔቴ" ማናኣ ማፃኣፓ ፓይ. 34ይዳ «ሲላሴ ጋዓንቴ ዲኢካ ዓታኒ ኮዔኔ» ጋዓያ ቃሳ"ኔ፤ ጋዓንቴ ዛሎ" ማፃኣፖይዳ ፓይ. 34 ባኣሴ።

ዓሢ ዔያቶና ዎላ" ዓኣዳንዳጉዲ ኮዒባኣሴ፤ ዓይጎር ጌዔቶ ዒዚ ቤርታ ጳንፕፒሊያይዳ ዔያቶፓ ዲማዲ ዓቲ"ሢሮና ሐሣ ማድ"ይዳ ዔያቶና ዎላ" ዓኣዲባኣሢሮኬ። 39 ዩኖይዳፓ ዔቆያና ዔያቶ ባኣካ" ፑኡፕ ማርማ ዔቃዘ፣ ዔያታ ዎሊፓ ዲማዲም ባርናባሴ ማርቆሴ ዔካፓ ዎኣፓ ካኣሚሎና ቆጶሮሴ ዓኣዳኔ። 40 ጳውሎሴ ጋዓንቴ ሲላሴ ዶኦሬኔ፤ ኪሪሰቶሴ ጉሙርቃ ዓሳ ጎዳሢ ጳውሎሴንሢ ፔ ኮሹሞና ካፓንዳጉዲ ሺኢጲሢና ሐዳርሲ ዒንጌሰካፓ ዔያታ ዓኣዳኔ። 41 ዒማ"ና ዔያታ ሺኢጲፆ ማኣሮ ዓሳ ዶዲሺ ዶዲሺ ሶኦሪያና ኪልቂያ ጌይንታ ዓጮ" ሃንቴኔ።

16

ዲሞቴዎሴኮ ጳውሎሴና ሲላሴና ዎላ" ማዒፆ

1 ጳውሎሴ ዳርቤና ሊሰዲራና ጌይንታ ዓጮ" ዳንዴኔ፤ ሊሰዲራይዳ ዲሞቴዎሴ ጌይንታ ኪሪሰቶሴ ጉሙርቃ ዓሲ ናንጋኔ፤ ዒንዳ ዒዛኮ ዓይሁዴ ፆጳፓታፆ ኪሪሰቶሴ ጉሙርቆያኬ፤ ዓዴ ጋዓንቴ ዒዛኮ ዓይሁዴ ማዒባኣ ጌሪኬ ዓጪ ዓሲኬ። 2 ሊሰዲራና ዒቆኒዮኔናይዳ ዓኣ ኪሪሰቶሴ ጉሙርቃ ዓሳ ዲሞቴዎሴ ማርጌ ኮሺ ዓሲ ማዔሢ ማርካዳኔ። 3 ጳውሎሴ ዲሞቴዎሴ ዔኪ ዓኣዳኒ ኮዔሢሮ ዓቲንቶ ቤርቶ ቲቂንታንዳጉዲ ማሄኔ፤ ዩያ ዒ ማዲሢ' ዩኖ ቤዘይዳ ዓኣ ዓይሁዴ ዓሶ ዛሎ"ሮኬ፤ ዓይጎር ጌዔቶ ዔያታ ዲሞቴዎሴኮ ዓዴ ጌሪኬ ዓሲ ማዔሢ ዔራያታሢሮኬ። 4 ጳውሎሴና ሲላሴና ማርጌ ካታሞ ቲቂ ዓኣዳኣና ዩሩሳላሜይዳ ዓኣ ዳኪንቴዘንሢሢና ጪሞና ማሊ ቱኬ" ባኮ ኪሪሰቶሴ ጉሙርቃ ዓሶም ኬኤዘኔ፤ ዔያታ ማዲይዳ ፔኤሻንዳጉዲና ሐሣ ላቴኔ። 5 ዩያሮ ዲማ ዲማ ሺኢጲፆ ማኣሮ ዓሳ ኪሪሰቶሴ ጉሙርቆያና ዶዴኔ፤ ፓይዳኣ ዔያቶኮ ኬሎ"ይዳ ኬሎ"ይዳ ቃሲ"ንቲ ዳንዴኔ።

ጳውሎሴኮ ማቂዶኒያ ዓጮ" ዓኣዳንዳጉዲ ዓይሢንቲፆ

6 ጳውሎሴና ሲላሴና ዒሲያይዳ ቃኣሎ" ኬኤዙዎጉዲ ዓያና ጌኤሺ ዔያቶ ላኣጌሢሮ ፒርጌያና ጋላቲያ ዓጮ" ጌዳና ቲቂ ዔያታ ዳንዴኔ፤ 7 ዩካፓ ዔያታ ሚሲያ ዓጮ"ኮ ዛጳ ሄላ"ፆ ቢታኒያ ባንሢ ዓኣዳኒ ማሌኔ፤ ጋዓንቴ ዩሱሴኮ ዓያና" ዒኢካ ዔያታ ዓኣዳንዳጉዲ ዓይሢባኣሴ። 8 ዩያሮ ዔያታ ሚሲያ ዓጮ"ና ጌዒ ዪሮዓዳ ዳንዴኔ። 9 ዒዛ ቤዘይዳ ዲሞና ፔቴ" ማቂዶኒያ ዓሲ ዔቂ ጴዳፆ ጳውሎሴ ኮራ:- «ማቂዶኒያ ባንሢ ፒንቂ ኮና ማኣዴ"!» ጌዒ

ጌራ ዒዛ ሺኢቃያ ያኦሲ ፔጋሲ ጳውሎሴም ዳቄኔ። 10 ጳውሎሴ ዬያ ዛገሰካገገ ዑኩና ማቄደኒያ ዓጮ" ዓኣዳኒ ኑ ኮዔኔ፤ ዓይጎር ጌዔቶ ማቄደኒያ ዓጮ" ዓሰም ኮዥ ሓይሶ ከኤዘም ያኦሲ ኑና ዓይሤያ ማዔሢ ኑ ዔሬሢሮከ።

ሊዲያ ጎዎዘኮ ኪሪሰቶሴ ጉሙርቂያ

11 ዒሮዓዳይዳገ ዋኣያ ካኣሚሎ ቶጊ ዔዔቃያ ሳሞቲራቄ ጌይንታ ዓጮ" ኑ ዓኣዳኔ፤ ዚሮ ጉቴ"ሎ ጊንሣ ናጹሌ ኑ ዳንዳኔ። 12 ዩካገ ሓሣ ኑ ዔቄ ፒልጲሲዮሴ ሔሌ"ኔ፤ ፒልጲሲዮሴ ጌይንታዛ ማቄደኒያ ዓጮ"ይዳ ዓኣ ካታሞይዳገ ፔቴ"ዘ ማዔያ ሓሣ ሮሜ ዓጮ" ዓሳ ማዥ ካታማኬ፤ ዬኖ ካታሚሎይዳ ኑኡኒ ዳካ" ከሊ" ዳዔኔ። 13 ዓይሁዶ ዓሶኮ ሓውሾ ከሎ"ና ካታማገ ከሰኪ ዋርዚ ዓቺ ኑ ከዳ"ኔ፤ ዬና ቤዛ ኑ ኮራ ሺኢጲሢሢ ማሌኔ፤ ዒዛ ቤዘይዳ ኑ ዳዒ ዒኢካ ቡኪንቲ ዓኣ ላኣሎም ያኦሲ ቃኣሎ" ከኤዘኔ። 14 ኑ ከኤዘ ባኮ ዋዘ ላኣሎይዳገ ፔቴ"ዛ ቲያዒሮኔ ጌይንታ ካታሞይዳ ሾይንቲያ፣ ዞቄ ዓፒላ ኮርማያ፣ ሊዲያ ጎዎ ላኣሊሰከኖከ፤ ዒዛ ያኦሲ ካኣሸካ ላኣሊከ፤ ጎዳሢ ዒዘኮ ዒኖ ቡሌ"ያታሢሮ ጳውሎሴ ከኤዘ ቃኣሎ" ዒዛ ዒናገ ዋይዛኔ፤ 15 ዒዘና ዒዘኮ ማኣራ ዓኣ ዓሰና ቢያ ዋኣያና ማሰቲሰካገገ፡- «ጎዳሢ ታ ጉሙርቂያ ማዔያ ዒንሢ ጎኔኬ ጋዓያ ማዔቶ ታ ማኣራ ሙኪ ዳዑዋቴ» ጌራ ሚርጌና ሺኢቄኔ።

ጳውሎሴና ሲላሴናኮ ቴኦቲያ

16 ፔቴ" ከሊ" ያኦሲ ሺኢቆ ቤሲ ኑ ዳንዳንቲ ሎንሦ ባኣዚ ዥዋቶና ከኤዛ፣ ፑርታ ዓያና ዓርቄ ፔቴ" ማዶ ማዳ ዉዲሮ ናይሰከና ጎይሢዳ ኑኡና ካኣሚኔ፤ ዬና ዉዲሮ ናዔላ ፔ ዥዋቶና ዒዘ ዋይሣ ዓሰም ሚርጌ ሚኢሺ ዳንቁሳያከ። 17 ዒዛ ጳውሎሴና ኑኡናኮ ጊንያ ሓንቲ ሓንቲ፡- «ሓንሢ ዓሰንሢ፣ ዒንሢም ዳቁንቶ ጎይያ ከኤዛዘንሢ፣ ዳኤፖ ያኦዛሢ ማዳዘንሢ!» ጌራ ጌራ ዒላቴኔ። 18 ዬኖ ዒዛ ሚርጌ ከሊ" ማዳኔ፤ ጋፒንፃ ጳውሎሴ ዳጋዳዎ ጊንሢም ሺሪ ፑርቶ ዓያናሢ፡- «ጎዳ ዬሱሰ ኪሪሰቶሴ ሱንያና ዒዘይዳገ ኔ ከሰካንዳጉዲ ታ ኔና ዓይሣኔ!» ጋዓዛ፣ ፑርቶ ዓያናሢ ቤዘና ከሰከኔ።

19 ዒዘ ዋይሣ ዓሳ ዳንቁ ዔኪ ማኣዲንታ ባኮኮ ጎይያ ባይቄያ ማዔሢ ዛጋጋ ዔያታ ጳውሎሴና ሲላሴና ዓርቄ፣ ጎቺ ጎቺ ዓሳ ቡኪንታ ቤዘ ከሲ" ካታሞ ዋይሣ ዓሰ ቤርቶ ሺኢሺኔ። 20 ዩካገ ሮሜ ዓጮ" ዋይሣ ዓሰ ቤርቶ ዔኪ ሙካዎ፡- «ሓንሢ ዓሰንሢ ዓይሁዶ ዓሰከ፤ ሓሣ ካታሞይዳኣ ዔያታ ሚርጌ ዣሎ ዔቁሲሳኔ፤ 21 ኑኡኒ ሮሜ

ዓሳ ዔካኒና ማዳኒ ዓይሢንቲባኣ ባኣዚ" ዔያታ ኬኤዛኔ» ጌዔኔ።
22 ዬያር ዴራ" ዋሊ ዑፃ ማዒ ዋልቁና ዔያቶይዳ ዔቁኔ።

ዬካፓ ዋይሣ ዓሳ ጳውሎሴና ሲላሴናኮ ዓፒሎ ዑፃፓ ጉሲሳፃ ኮኣሎ"ና ዓሳ ዔያቶ ጳርቃንዳጉዲ ዓይሢኔ። 23 ሚርጌና ዔያታ ጳርቁንቴሰካፓ ቱኡሲ ማኣሪ ጌልዚ ቱኪ"፣ ቱኡዘ ማኣሪ ካፓ ዓሢ ዔያቶ ዛጊ ካፓንዳጉዲ ዓይሢኔ። 24 ካፓ ዓሢ ዓይሢንቴሰካፓ ቱኡዘ ማኣሪኮ ጋሮይዳ ዓኣ ሜሌ" ቆልዓይዳ ጌልዚ ቶኮ" ዔያቶኮ ዲፃና ኮሺ" ዓይሢ ቱኬ"ኔ።

25 ሳፃኮ ዴንዲ ጊዲሚሺ ማዓንዳ ዋይይዳ ጳውሎሴና ሲላሴና ሺኢጲሢ ሺኢቁ ሺኢቁ ሓሣ ዓይኑሞዋ ዓይናዲ ዓይናዲ ያኦሲ ጋላታንቴ፤ ሓንጎ ቱኡቴ ዓሳ ዬያ ዔያቶኮ ዋይዛኔ። 26 ዒማ"ና ዔርቲባኣንቴ ቱኡዘ ማኣሪኮ ፃጶ ሄሊ" ዓጊሣ ጳኤፒ ሳዓ ዓጊፃሢ ዓጊፃዛ፣ ቱኡዘ ማኣሪ ካራ" ቢያ ፔቴ"ና ቡሊ"ንቴኔ፤ ሓሣ ቢያ ቱኡቴ ዓሶ ቱኮ"ና ካኖ ቢራታኣ ቡሊ"ንቴኔ። 27 ቱኡዘ ማኣሪ ካፓ ዓሢ ጊንዓሰካፓ ጳጪ ቱኡዘ ማኣሪ ካራ" ቡሊ"ንቴ ዓኣሢ ዴንቃፃ ቱኡዘ ዓሳ ቶሊ" ዴንዴያ ዒዛሞ ማላዛ ማፓሮ ፔኤኮ ቱጊ ፔና ዋዳኒ ማሌኔ። 28 ጋዓንቴ ጳውሎሴ፡- «ኦኡኒ ቢያሢ ሃይካኬ! ዬያር ኔ ቶኦኮ"ይዳ ፔቴ" ባኣዚ"ታፃ ማዲፖ!"» ጌዒ ዒላቴኔ።

29 ዬማና ካፓ ዓሢ ፖዒ ዔኪ ጳሽኪ ጋሮ ጌላፃ፡ ጎጋይቁ ጎጋይቁ ጳውሎሴና ሲላሴናኮ ቶኮ" ዴማ" ባሊቲና ሎኦሜኔ። 30 ዬካፓ ዔያቶ ዙሎ" ኬሳ"ፃ፡- «ታ ጎዳንሢዮ! ታ ዳቃኒ ዓይጎ ዋኦታንዳያ ኮይሳይ?» ጌዔኔ።

31 ዔያታ ዒዛሞ፡- «ጎዳ ዬሱሴ ጉሙርቁ፤ ኔናጎታ ኔ ማኣሪ ዓሶንታ ዳቃንዳኔ» ጌዔኔ። 32 ዬካፓ ጎዳሢኮ ቃኣሎ" ዒዛና ዒዛኮ ማኣራ ዓኣ ዓሶናሞ ቢያ ዔያታ ኬኤዜኔ። 33 ዬማና ቱኡዘ ማኣሪ ካፓ ዓሢ ዬኖ ዋንቶ ዲማ ፔ ማኣሪ ዔኪ ዓኣዲ ኪፃ ዔያቶኮ ማሰኬኔ፤ ዬማፓ ኔጉዋፃ ዒዛና ማኣሪ ዓሶና ቢያ ዋኣፃና ማሰቴኔ። 34 ቱኡዘ ማኣሪ ካፓ ዓሢ ጳውሎሴና ሲላሴና ፔ ማኣሪ ዔኪ ዓኣዲ ሙኡዚ" ዔያቶሞ ዒንጌኔ፤ ማኣሪ ዓሶ ቢያሢና ዋላ" ኪሪሰቶሴ ጉሙርቁሢሮዋ ዒ ዋዛዴኔ።

35 ሳዓ ካራዛ ዓጮ" ዋይሣ ዓሳ፡- «ዬንሢ ዓሶንሢ ቡሊ"ንቶንጎ» ጌዒ ፖኦሊሴሰኪንሢ ዳኬኔ።

36 ቱኡዘ ማኣሪ ካፓሢያ፡- «ዒንሢ ቡሊ"ንታንዳጉዲ ዓጮ" ዋይሣ ዓሳ ዓሲ ዳኬሢሮ ዓካሪ ኬሰኪ ኮሺ ዓኣዲዋቴ» ጌዒ ጳውሎሴም ኬኤዜኔ።

37 ጳውሎሴ ጋዓንቴ፡- «ኦኡኒ ሮሜ ዓሲታንቴ ኦ ጊዳ" ዋጉዋፃ ዓሳ ቡካ ቤዘይዳ ኦና ጳርቁ፣ ቱኡዘ ማኣራ ኦና ዔያታ ቱኬ"ኔ። ሓሢ

ገንሣ ቱኡዘ ማኣራፓ ዳሚ"ና ኑ ኬሰካንዳጉዲ ዎዲ" ዔያታ ጌዔይ? ዩይ ማዕቀሱ! ዔያታ ፔ ቶኦኪና ሙኪ ኑና ኬሶ"ንጎ!" ጌዔይ።

38 ፖኦሊሶንሢ ዩያ ዎይሣ ዓሶም ከኤዘዘ ዎይሣ ዓሳ ጳውሎሴና ሲላሴና ሮሜ ዓጪ ዓሲ ማዔሣ ዔራፖ ዒጊጩኔ።

39 ዩያሮ ዔያታ ሙኪ፡- «ኑ ዳሴኔ፤ ማኣራዎቱ» ጌዒ፡ ቱኡዘ ማኣራፓ ዔያቶ ከሳ"ዎ ካታማ"ፓኣ ዔያታ ዳንዳንዳጉዲ ሺኢቄኔ።

40 ጳውሎሴና ሲላሴና ቱኡዘ ማኣራፓ ከሰኪ ሊዲያ ጎፖዘ ማኣሪ ጌሊ ዒኢካ ኪሪሰቶሴ ጉሙርቃ ዓሶ ዳንቄ፡ ዘሪ ዶዲሼሰካፓ ካታሞ ሓሺ" ከሰኪ ዳንዳይ።

17

ጳውሎሴንሢ ቱሰሎንቄይዳ

1 ጳውሎሴና ሲላሴና ዓንፒጳሊሴና ዓጳሎንያ ጎፖ ዓጮ" ጊዳና ቱሰሎንቄ ዓኣዳይ፤ ዒኢካ ዓይሁዶ ዓሶኮ ቡኪንቲ ቤሲ ዓኣኔ።

2 ጳውሎሴ ቤርታፓ ዒዚ ዔራ ጎይፖና ዓይሁዶ ዓሶኮ ቡኪንቶ ቤዛ፡ ሓይሢ ማይንቲ ዓይሁዶ ዓሶኮ ሓውሾ ከሎ"ና ከሎ"ና ጳዲ ጌኤዦ ማፃኣፓፓ ዔኪ ዔኪ ዓሶና ዎላ" ጌሰቲኔ። 3 ዒማ"ና ዒዚ ሜሲሑ ሜቶ ዔካንዳያ፤ ሃሣ ሓይቢፓኣ ዔቃንዳያ ኮይሳፖ ማዔም ማዔሣ ፔጋሲ ከኤዚ ከኤዚ፡- «ሃይ ዒንሣም ታ ከኤዘ ዩሱሴ ዒ ሜሲሑከ» ጌዒ ጌዒ ከኤዛኔ። 4 ዩያሮ ፔፔ" ፔፔ" ዓሳ ቃኣሎ"

ዒና ዔኪ ጳውሎሴና ሲላሴና ዎላ" ማዔኔ፤ ዩያጉዲ ፆኦሲ ካኣሽካ ሚርጌ ጌሪከ ዓሲንታ ካታሞይዳ ዔርቲ ዲሲ ላኣሊንታ ቃኣሎ" ዒና ዔኪ ዔያቶና ዎላ" ማዔኔ።

5 ዓይሁዶ ዓሳ ጋዓንቲ ቁኢሩሞና ማዶባኣ ፑርታ ዓሲ ጎይፖፓ ጎይፖፓ ቡኩሲ ጌኔ ማዳንዳጉዲ ማሄኔ። ካታሞይዳኣ ዣላ ዔቃንዳጉዲ ማሃ ሓሣ ጳውሎሴና ሲላሴና ዒያሱኔ ማኣራፓ ከሲ" ዔኪ ዳሮ" ቤርቶ ሺኢሻኒ ማኣሮ ካሮ" ሂዒ ከኤሪ ጋሮ ጌሌኔ።

6 ጋዓንቲ ጳውሎሴንሢ ከዒ ዔያታ ባይዜሣሮ ዒያሱኔና ፔፔ" ፔፔ" ኪሪሰቶሴ ጉሙርቃ ዓሲ ካታሞ ዎይሣ ዓሶ ቤርቶ ሺኢሻኒ ጎቺ ጎቺ ዔኪ ዓኣዳፖ፡- «ሓንሣ ዓሶንሣ ዓጮ" ቢያ ፑርቲሲ ሓሣ ሃይካ ሙከኔ! 7 ዒያሱኔያ ዔያቶ ሾኦቺንሣ ዔከኔ፤ ዔያታ ሩሱሴ ጌይንታ ሜሌ" ካኣቲ ዓኣኔ" ጌይ ሮሜ ዓጮ" ካኣቲኮ ዓይሣፖ ዒፂ ማካኔ» ጌይሣና ዒላቲኔ። 8 ዳሮ"ንታ ካታሞ ዎይሣ ዓሶንታ ዩያ ዎይዘፖ ዲቃቲ ዒኔ ዱጳኔ። 9 ዩካፓ ዎይሣ ዓሳ ዒያሱኔና ዒዛና ዎላ" ዔኪ ሙኮና ዓሶንሣ ሚኢሼ ዓይሣሳፖ ሓሽ"ኔ።

ጳውሎሴንሢ ቤኤሪያ ዓጮ"ይዳ

10 ኪሪሰቶሴ ጉሙርቃ ዓሳ ሳዓ ዲዲማኣና ቤኤሪያ ዓጮ" ጳውሎሴና ሲላሴና ዑኩና ዓኣዳንዳጉዲ ዳካዛ፣ ዒኢካ ዔያታ ሄላ"የ ዓይሁዶ ዓሳኮ ቡኪንቶ ቤዞ ጌሌኔ። 11 ቤኤሪያይዳ ዓኣ ዓይሁዶ ዓሳ ቴሰሎንቄይዳ ዓኣ ዓሳይዳፓ ፒዜ ማሊሢና ዓኣያ ማዕዒሢ ቃኣሎ" ዋይዚ ዴኤፒ ዋዛና ዔኪ ቃኣሎ"ኮዋ ጎኑሞ ዔራኒ ቢያ ከሌ" ጌኤዮ ማፃኣፖ ዛጋኔ። 12 ዬያሮ ዔያቶይዳፓ ማርጌሢ ያኦሲ ጉሙርቄኔ፤ ጌሪኬ ዓሳይዳፓኣ ማርጌ ያርጎቹ ላኣሊ፤ ሃሃ ማሌ" ማርጌ ዓቲንቄያ ያኦሲ ጉሙርቄኔ። 13 ጋዓንቴ ቴሰሎንቄይዳ ዓኣ ዓይሁዶ ዓሳ ጳውሎሴ ቤኤሪያይዳ ያኦሲ ቃኣሎ" ከኤዜሢ ዋይዛየ ዒኢካ ሙኪ ዴሮ" ፑርታ ማሊሢና ዔቂሲ ዣሎ ማገፍኔ። 14 ዒማ"ና ኪሪሰቶሴ ጉሙርቃ ዓሳ ዑኩና ጳውሎሴ ባዞ" ዓጮ ዓኣዳንዳጉዲ ዳኬኔ፤ ሲላሴና ዒሞቴዎሴና ጋዓንቴ ዒኢካ ዓቲ"ኔ። 15 ጳውሎሴ ጎይያና ዓኣሄ ዓሳ ዒዛ ዓቲና ሄሊ"ሴኔ፤ ዬና ዓሳ፡- «ሲላሴና ዒሞቴዎሴና ታ ኮራ ዑኮ ሙኮንጎ» ጋዓ ኪኢታ ጳውሎሴ ኮራፓ ዔኪ ቤኤሪያ ማዕኔ።

ጳውሎሴ ዓቲናይዳ

16 ጳውሎሴ ዓቲናይዳ ዴዒ ሲላሴና ዒሞቴዎሴና ካፓንቴ ካታሚሎይዳ ማሌ" ካኣሺ ባኣዚ" ኩሚያ ማዕሢ ዛጋየ ፔ ማሊያና ማሊ ማታዴኔ። 17 ዬያሮ ዓይሁዶ ዓሳኮ ቡኪንቶ ቤዞይዳ፣ ዓይሁዶ ዓሳና ያኦሲ ካኣሸካ ጌሪኬ ዓሳና ሓሣ ቦኦኮ" ቤዞይዳ ጴዳ ዓሳና ዋላ" ፔ ማሊያ ከኤዚ ከኤዚ ጌሰቴኔ። 18 ዔፒቆሮሴ ሓሣ ዒሰቶኬ ዓሳ ጌይንታ ዔሮ" ዓሳይዳፓ ዒዛ ኮራ ዓሲ ሙኪ ሙኪ ማርማኔ። ዔያታ ዒዛና ማርማየ ፔቴ" ፔቴ" ዓሳ፡- «ሓይ ጌኤሲኮ የጸ ዔሩዋየ ጌሰታ ዓሢ ዋዚ ጋዓኒ ኮዓይ?» ጋዓዛ፣ ሓንጎዋታ ጊንሣ፡- «ዓኪ ማዕ ካኣሸኮ ያኦዛ ዛላ ከኤዛያ ማላኔ» ጋዓኔ። ዬና ዔያቶ ጌይሲሢ ጳውሎሴ ዬሱሴና ዒዛኮ ሃይባ"ፓ ዔቂየ ዛሎ"ዋ ከኤዜሢሮኬ። 19 ዬያሮ ጳውሎሴ ዔያታ ዓሪዮሰፓጎሴ ጌይንታ ቡኪንቶ ቤዞ ዔኤሊ" ዔኪ ሙካዮ፡- «ኔኤኒ ዔርዛ ዓኮ ባካ ዓይንታቴያ ኑ ዔራኒ ዳንዳዓ? 20 ፔቴ" ፔቴ" ዓኪ ማዕ ባኣዚ" ኔ ኑሞ ከኤዜኔ፤ ዬያሮ ዬንሣ ባኮንሣ ዓይንታቴያ ኑ ዔራኒ ኮዓኔ» ጌዔኔ። 21 ዬያ ዔያታ ጌዔሢ ዓቲናይዳና ጎንጎ ዓሳንታ ዒኢካና ጎንጎ ማሌ" ዓጮ" ዓሳኣ ቢያ ዓኪ ባኣዚ" ከኤዜሢ ዋይዚሢና ዋዶ" ፔኤኮ ዓኣሣን ኮዓሢሮኬ።

22 ዬማና ጳውሎሴ ዓሪዮሰፓጎሴይዳ ቡኪንቴ ዓሳ ቤርታ ዔቃዮ፡- «ዓቲና ዓጪ ዓሲዮቴ! ማርጌና ዒንሣ ካኣሺ ካኣሸካያ ማዕሢ ታ ዛጋኔ፤ 23 ዋይቴይ ጌዔቶ ዒንሣኮ ካታሞ ታ ሓንቴ ሓንቴ ዒንሣኮ ካኣኮ ቤዞ ታ ዛጋኣና <ዔርቴባኣ ያኦሲሞ> ጌይንቴ የኣፒንቴ፣ ሹቸና ኮሹ"ና ዔኤቢ ዒንጎ ቤሲ ታ ዴንቄኔ፤ ዓካሪ፣ ታ ዒንሣሞ

ከኤዛህ ዬያ ዔርቲባኣንቴ ዒንሂ ካኣሽካ ያኦዛህ ዛሎ"ኬ።
24 ዒዚ ዓጮ"ንታ ዓጮ"ይዳ ዓኣ ባኮ ቢያ ማዢህኬ፤ ሳያና
ጨሪንጮናኮዋ ጎዳኬ፤ ዒዚ ዓሲ ኩቸና ማዢንቴ ካኣሺ ማኣሪዳ
ናንጉዋሴ። 25 ሸምፔንታ ዑኡሲንታ ሜሌ" ባኮዋ ቢያ ዓሲም
ዒንጋሂ ዒዛ ማዔሂሮ ፔቴ"ታዎ ዒዛም ፓጮ። ባኣዚ" ባኣሴ፤ ዓሲ
ማኣደዋ ዒዛም ኮይሱዋሴ። 26 ዒዚ ዓሲ ዜርሂ ቢያ ፔቴ"
ዓሲዳፓ ማዢኔ፤ ዬያኮ ቤርታ ዓሲ ናንጋንዳ ዎድ"ና ናንጋንዳ ቤዘዋ
ማሊ ገኢገሸኤ። 27 ዬያ ዒ ማዳሂ" ዓሲ ዒዛ ኮዓንዳጉዲና ዛገ
ኮዒ ዴንቃንዳጉዲኬ፤ ያዲ ማዔቶዋ ያኦሲ ኦና ቢያሂዳፓ ሐኬኬ
ጌይሂቱዋሴ። 28 ዓይጎር ጌዔቶ፡-

«ሸምፔና ኦ ዴዓሂ፣ ኦኡኒ ዓገደ ሃንታሂ

ናንገያ ኦ ናንጋሂ ዒዛናኬ»

ዬይያ ዒንሂኮ ዓይናዳ ዓሳ፡-

«ኦኡኒ ቢያሂ ዒዛ ናይኬ» ጋዓሂ ጉዴያኬ።

29 «ዓካሪ፣ ኦ ዒዛ ናይ ማዔቶ «ያኦሲ' ዓሲ ዔራቶና ዓሲ ማሊሂና
ዎርቄይዳፓ ሐሂ ቢራ ዓንገና ሹቸናይዳፓ ኮሺ"ንቴ ባኣዚ" ማሊኔ»
ጌዒ ማላንዳያ ኦና ኮይሱዋሴ። 30 ዓሳ ቤርታ ዒዛ ዔሪባኣ ዎድ"ና
ማዳ ባኮ ያኦሲ ዛገ ዓኣሄኔ፤ ሐሂ ጋዓንቴ ዓጮ"ይዳ ዓኣ ዓሳ
ቢያ ጎሜይዳፓ ማዓንዳጉዲ ዓይሄኔ። 31 ዒዚ ዶኦሪ ዓሂ ዛሎ"ና
ዓጮ" ቢያይዳ ጎኦምና ዎጋንዳ ኬሊ" ጌሄኔ፤ ዬያ ዒ ጎናሲ ዔርዜሂ
ዬያ ዒዚ ዶኦሪሂ ሐይባ"ፓ ዔቁሲያናኬ» ጌዔኔ።

32 ዒማ"ና «ሐይቢፓ ዔቁሂ» ጋዓዘ ዔያታ ዋይዘዎ ፔቴ" ፔቴ"
ዓሳ ዒዛ ቦሄኔ፤ ዛሎ" ዓሳ ጋዓንቴ፡- «ሐኖ" ባኮ ዛሎ" ሜሌ"
ዓቢ ኔ ከኤዛንቴ ኦ ዋይዛንዳኔ» ጌዔኔ። 33 ዬካፓ ጳውሎሴ
ቡኪንቶ ባኣካ"ፓ ከሰኪ ዓኣዴኔ። 34 ፔቴ" ፔቴ" ዓሳ ጋዓንቴ ዒዛና
ዎላ" ማዒ ኪሪሰቶሴ ጉሙርቄኔ፤ ዬኖ ኪሪሰቶሴ ጉሙርቄ ዓሳ
ባኣኮ"ይዳ ዓሪዮሰፓጎሴ ቡኪንቶ ቤዛ ዎጎ ዎጋያ ማዔ፣ ዲዮኒሲዮሴ
ጌይንታ ዓሲና ዴማሪሶ ጌይንታ ፔቴ" ላኣሊሰኬናና ሐሂ ሜሌ"
ዓሲያ ዓኣኔ።

18

ጳውሎሴ ቆሮንቶሴ ዓጮ"ይዳ

1 ዬካፓ ጳውሎሴ ዓቴናይዳፓ ዔቁ ቆሮንቶሴ ዓኣዴ፣ 2 ዒኢካ
ጳንዖሴ ጌይንታ ዓጪዳ ሾይንቴ ዓቁላ ጌይንታ ፔቴ" ዓሲ
ዴንቄኔ። ዬማና ዓቁላ ፔኤኮ ማቾ ጲርሰቁላ ጌይንታዘና ዎላ"
ዒፃሊያ ዓጮ"ይዳፓ ሐገ ሙሙካኔ፤ ዓይጎር ጌዔቶ ሮሜ ዓጮ"

17:25 1ካኣቶ". ማ 8፣27፤ ዒሲ. 42፣5።

ካኣቲ ቁላውድሴ ዓይሁድ ዓሳ ቢያ ሮሜ ዓጫ"ፓ ኬሰካንዳጉዲ ዓይህሢሢሮኬ፤ ዬያሮ ጳውሎሴ ዔያቶ ኮራ ዓኣዲ ዔያቶና ዎላ" ዔርቴኔ። 3 ዒዛኮ ማዳ" ዓዳ" ዔያቶ ጎይያ ዓፕላና ማዦ ማኦር ሲኪሢታሢሮ ዔያቶና ዎላ" ዳዒ ዬኖ ማድ" ማዳኔ። 4 ሓሣ ዓይሁዳ ዓሳኮ ሓውሾ ኬሎ"ና ኬሎ"ና ዔያቶኮ ቡኪንቶ ቤዞ ዓኣዲ ዓኣዲ ሓይሴ ኬኤዚ ዓይሁዳ ዓሳንታ ገሪኬ ዓሳንታ ዒ ኬኤዛ ባኮ ጉሙርቃንዳጉዲ ደዲሺ ኬኤዛኔ።

5 ሲላሴና ዒሞቴዎሴና ማቁድኒያይዳፓ ዬዓዛ ጳውሎሴ ቢያ ዎዳ፡- «ዬሱሴ ማሲሔኬ» ጌዒ ዓይሁድ ዓሳሞ ማርካዲ ማርካዲ ሓሣ ዔያቶ ዔርዛኔ። 6 ጋዓንቴ ዓይሁድ ዓሳ ዒዛ ማኪ ጫሽካዛ ፔኤኮ ቶኮ ፒዒ"፡- «ማይ ዓካሪ ዒንሢ ፑርታና ዎጊንቴቴ ዒንሢ ዳቢንቴናኬ! ታና ጾኦሲ ባኣዚ" ባኣሴ፤ ሓካፓ ዓካሪ ታ ዓይሁዳ ማዒባኣ ዓሳ ባንሢ ዓኣዳንዳኔ» ጌዔኔ። 7 ዬያይዲ ዔያቶይዳፓ ደማዲ ቲቶሰ ዒኖሰዎሴ ጌይንታ ዓሲሰኬያ ማኦሪ ዳንዳኔ፤ ዬይ ዓሢ ጾኦሲ ካኣሽካያ ሓሣ ማኦሪ ዒዛኮ ዓይሁድ ዓሳኮ ቡኪንቶ ቤዞኮ ኮራኬ። 8 ዬማና ዓይሁድ ዓሳኮ ቡኪንቶ ቤዞ ሱኡጌ፡ ቁሪሰጳሴ ጌይንታሰኬይ ፔ ማኦር ዓሳ ቢያሢና ዎላ" ጎዳ ጉሙርቁኔ፤ ሓሣ ማርጌ ቆሮንቶሴ ዓጮ" ዓሲያኣ ጳውሎሴ ኬኤዛሢ ዎይዚ ጎዳ ጉሙርቁ ዎኣዎናኣ ማሰቴኔ።

9 ጎዳሢያ ጳውሎሴሞ ደሞና፡- «ዒጊጫፖ፡ ኬኬኤዜ፤ ዘቲ ጌዒፖ፤ 10 ዓይጎሮ ጌዔቶ ታኣኒ ኔኤና ዎላ"ኬ፤ ሓ" ካታሜሎይዳ ታኣኮ ማርጌ ዓሲ ዓኣኔ፤ ኔ ጌዳ" ፑርታ ባኣዚ" ማዳንዳ ዓሲ ፔቴ"ታዎ ባኣሴ» ጋዓያ ፔጋሲ ዳዌኔ። 11 ዬያሮ ጳውሎሴ ጾኦሲ ቃኣሎ" ዳሮ"ሞ ኬኤዚ ኬኤዚ ፔቴ" ለዔና ሲላና ዒኣካ ዳዔኔ።

12 ጋሊኖሴ ዓካይያ ጎዎ ዓጮ"ይዳ ዎይሣያ ማዔ ዎድ"ና ዓይሁድ ዓሳ ፔቴሞና ጳውሎሴይዳ ፑርታ ማሊሢና ዔቁ፡ ዎጎ ዎጋ ዓሳ ኮራ ዒዛ ዔኪ ዓኣዳዎ፡- 13 «ሓይ ዓሢ ዎጋ" ዓይሡዎ ጎይሢና ዓሳ ጾኦሲ ካኣሽካንዳጉዲ ዓሳ ዳቢሻኔ» ጌዔኔ።

14 ዒማ"ና ጳውሎሴ ማሢ ኬኤዛኒ ገኢጊንቴ ዓኣንቴ፡ ጋሊኖሴ ዓይሁድ ዓሳሞ፡- «ዒንሢ ዓይሁድ ዓሳ! ዒንሢዳ ዎንዳ ፑኡፒ ጌኔ ባኣዚ" ማዳንቴቴ ዒንሢኮ ጌኤዞ ታ ዎይዛንዳያታንቴ፡ 15 ሓሢ ጌይንቴ ባኣዚ"ና ዔኤቢኮ ሱ"ንሢና ሓሣ ዒንሢኮ ዎጌ ዛላ ዒንሢ ሞኣታቴ ዬይ ዒንሢ ማቶኬ፤ ታኣኒ ሓያ ባኮይዳ ዎጋኒ ኮውዎሴ» ጌዔኔ። 16 ያዲ ጌዔሰካፓ ዎጎ ዎጎ ቤዛፓ «ኬሰካዎቴ» ጌይ ዔያቶ ኬሴ"ኔ። 17 ዬማና ቢያሢ ዓይሁድ ዓሳ ቡኪንቶ ቤዞኮ ሱኡጋሢ፡

ሶስቴንሰኔ ዓርቂ ዋጎ ዋጋ ዓሶ ቤርታ ጳርቄኔ፤ ዬይ ባካ ቢያ ማዲንታኦና ጋሊዮሴ ዔኤቢ ዓቴ"ኔ ጎውቆሴ።

ጳውሎሴኮ ዓንጾኪያ ማዲያ

18 ጳውሎሴ ኪሪሰቶሴ ጉሙርቃ ዓሶና ዋላ" ሚርጌ ኬሊ" ቆሮንቶሴይዳ ዴዔሰካፓ ዔያቶ «ኮሺ ደውቆቴ» ጌዒ ዋኦያ ካኦሚሎና ሶኦሪያ ዓኦጳጳ፤ ዒማ"ና ጳሪሰቂላና ዓቂላና ዒዛና ዋላ" ዓኦጳጳ፤ ዒዛኮ ናኦቢ" ዓኦሢሮ ዴንዳንዳሢኮ ቤርታ ኪንኪሪያ ጌይንታ ቤሲዳ ቶኦኮ" ፔኤኮ ጉኡሌ"ኔ።* 19 ዬካፓ ዴንዲ ዔያታ ዔፕሶኔ ዓጮ" ሄላ"ያ ጳሪሰቂላና ዓቂላና ዒኢካ ካሺ" ፔኤሮ ዓይሁዶ ዓሶኮ ቡኪንቶ ቤዞ ጌሊ ዓይሁዴ ዓሶም ካይሶ ኬኤዛ። 20 ሚርጌ ዎዴ ዔያቶና ዋላ" ዴዓንዳጉዲ ዓሳ ዒዛ ሺኢቁንቴ ዒዚ ዔኤዒባኦ። 21 ጋዓንቴ፡- «ያኦሲ ጌዔቴ ማሌ" ዓቢ ዒንሢ ኮራ ታ ማዒ ሙካንዳ፤» ጋዓ፡ ዔፕሶኔ ዓጮ"ይዳፓ ዋኦያ ካኦሚሎና ዓኦጳጳ።

22 ዒዚ ቂሳሪያ ሄላ"ያ፡ ዬካፓ ዬሩሳላሜ ዓኦጳጳ ሺኢጲያ ማኦሮ ዓሶ «ኮሺዳ» ጌዔሰካፓ ማዒ ዓንጾኪያ ዓኦጳጳ። 23 ዒኢካ ዳካ" ዴዔሰካፓ ጋላቲያና ፒርጊያ ዓጮ"ናይዳ ፔቴ" ቤዛፓ ማሌ" ቤሲ ሃንቲ ሃንቲ ኪሪሰቶሴ ጉሙርቃ ዓሶ ደዲሼኔ።

ዓጲሎሴ ዔፕሶኔና ቆሮንቶሴ ዓጮ"ናይዳ

24 ዒሰኪንዲሪያ ዓጪ ዓሲ ፔቴ" ዓጲሎሴ ጎዎ ዓይሁዴ ዓሲሰኬይ ዔፕሶኔ ዓጮ" ሙኬኔ፤ ዒዚ ጌኤኮ ማፃኦፖ ኮሺ" ዔራያ ካሢ ጌሰቶ ጎይሢ ዔሪ ጌሰታ ዓሲኬ። 25 ዬይ ዓሢ ጎዳ ዛሎ" ኮሺ" ዔራያና ዓያና ዒናፓ ማዲኒ ማላያ ማዒ ዬሱሴ ዛሎ" ፒዜ ኬኤዚ ኬኤዚ ዔርዛኔ። ያዲ ማዔቶዎ ዒዚ ባሺ ዔራሢ ዮካኒሴኮ ዋኦያ ማሰኪያ ዛሎ" ሌሊኬ። 26 ዬማና ዒዚ ጫርቂ ዓይሁዴ ዓሶኮ ቡኪንቶ ቤዛ ኬኤዚሢ ዓርቄ፤ ጋዓንቴ ጳሪሰቂላና ዓቂላና ዒዛሲ ዋይዛዎ ዒዛ ዔያታ ፔ ማኦሪ ዔኪ ዓኦጳጳ፡ ያኦሲ ጎይያ ዛሎ" ቤርታኦካፓ ባሺ ቡሊ" ዒዛም ኬኤዛ። 27 ዓጲሎሴ ዓካይያ ዓኦጳጳ፤ ጋዓ ኪሪሰቶሴ ጉሙርቃ ዓሳ ዒዛ ማሊያ «ቃራኬ» ጌዔኔ፤ ዓካይያይዳ ዓኦ ኪሪሰቶሴ ጉሙርቃ ዓሳ ቃራሲ ሾኦቸንሢ ዒዛ ዔካንዳጉዲ ኪኢታ ዔያቶም ዳኬኔ። ዒኢካ ዒዚ ሄላ"ያ ያኦሲኮ ኮሹሞ ዛሎ"ና ኪሪሰቶሴ ጉሙርቃያ ማዔ ዓሶም ዴኤፒ ማኦዳ ማዔ። 28 ዎይቲ ጌዔቶ ዬሱሴ ማሲሔ ማዔሢ ጌኤኮ

* 18:18 ቶኦኮ" ፔኤኮ ጉኡሌ"ኔ፡- ጋዓዛ ዓይሁዴ ዓሶ ዳምሶና ናኦቢንቴ ናኦቢ" ካፒ ከንሢያ ማዒያ ዔርዛኒ ማዲንታያኬ። 18:18 ፓይ. ማፃ 6፡18።

ማፃኣፖይዳፓ ዔኪ ማርካሲ ማርካሲ፥ ዴሮ" ቢያሢ ቤርታ ሚርጌና ማርሚ ዓይሁዶ ዓሶ ላሢያናኬ።

19

ጳውሎስ ዔፕሶኔይዳ

1 ዓጲሎስ ቆሮንቶሴይዳ ዓኣ ዎድ"ና ጳውሎስ ኬድ" ዛሎ" ዓጮ"ና ጌዒ ዔፕሶኔ ዓኣዲ ሄሊ"፥ ዒኢካ ዳካ" ኪሪሰቶሴ ጉሙርቃ ዓሲ ዴንቃያ፡- 2 «ኪሪሰቶሴ ዒንሢ ጉሙርቃ ጎናሲ ዔካኣና ዓያና ጌኤሺ ዒንሢ ዔኪያ?» ጌዒ ያኦጮኔ። ዔያታ ማሐያ፡- «ኑኡኒ ዔኪባኣሴ፤ ሐሣ ዓያና ጌኤሺ ዓኣሢያ ኑ ዎይዚ ቤቁባኣሴ» ጌዔኔ።

3 ጳውሎስ፡- «ሂዳዎ ዎዚጉዴ ዎኣሢ ማሰቲሢዳይ ዒንሢ ማሰቲሢ?» ዔያቶ ኮራ ጋዓዛ፥ ዔያታ፡- «ዮሓኒስ ኬኤዜ ዎኣያ ማሰቲያናኬ» ጌዔኔ።

4 ጳውሎስ ገንሣ፡- «ዮሓኒስኮ ማሰኪያ ጎሞ ቡኡዲያ ዔርዛያ ማዔኔ፤ ዩማና ዴሮ"ም ዒዚ ኬኤዛዎ ሓኣኮ ገንፃፓ ሙካሢ ጉሙርቆዎቲ» ጌዒ ጌዒኬ፤ ያዲ ጌይንቴሢያ ዩሱሴኬ» ጌዔኔ።

5 ዩያ ዔያታ ዎይዛዎ ጎዳ ዩሱሴ ሱ"ንያና ዎኣያ ማሰቲኔ።

6 ጳውሎስያ ዔያቶ ዑፃ ኩጮ ጌሣዛ ዓያና ጌኤሺ ዔያቶ ዑፃ ኬዴ"ም፥ ዴማ ዴማ ዳንጋና ዔያታ ጌሰቲኔ፤ ያኦሲ ማላሢያ ዔያታ ኬኤዚሢ ዓርቄ። 7 ዩንሢ ዓሶንሢካ ፓይዳ" ታጳ ላምዎ ማዓያኬ።

8 ዒማ"ና ጳውሎስ ዓይሁዶ ዓሶኮ ቡኪንቶ ቤዞ ዓኣዲ ሐይሣ ዓገኒጉዴያ ያኦሲ ካኣቲሞ ዛሎ" ማርሚሢና ሐሣ ዴሮ"ም ቡሊ" ኬኤዚ ኬኤዚ ጮርቁ ዔርዜኔ። 9 ፔቲ" ፔቲ" ዓሳ ጋዓንቴ ዒናፓ ዒዲሢና ጎዳሢኮ ጎይያ ዴሮ" ቤርታ ጮሽኪ ጮሽኪ «ኑ ዒዛ ጉሙርቃዓ» ጋዓዛ ዔያቶ ዒ ሐሺ" ዴንዳያ፥ ኪሪሰቶሴ ጉሙርቃዞንሢ ሌሊ ዔኪ ዓኣዲ ዲራኖሴ ጌይንታ፥ ዓሶ ዔርዞ ዳላጎ ማኣርይዳ ቢያ ኬሊ" ዔርዜኔ። 10 ጳውሎስ ላምዎ ሌዔ ጉዴያ ዒዞ ጎይያ ዒኢካ ማዴኔ፤ ዒማ"ና ዒሲያ ዓጮ"ይዳናንጋ ዓይሁዶ ዓሶንታ ዓይሁዴ ማዒባኣ ዓሶንታ ቢያ ጎዳኮ ቃኣሎ" ዎይዚ ዴንዳዔኔ።

ጳውሎስ ዛሎ"ና ማዲንቴ ባኮ

11 ኮሺ" ዲቃሣ፥ ፔ ዎልቄና ማዲንታ ዓኪ ባኣዚ" ጳውሎስ ዛሎ"ና ያኦሲ ማዴኔ። 12 ዩያይዳፓ ዔቄያና ጳውሎስኮ ዑያ ሄሊ" ዓፒሎንታ ማኣዓሢንታ ዓሳ ዔኪ ዔኪ ሐርገንቴ ዓሶ ዑያ ካንሣዛ ደርዓሢዳፓ ዓሳ ዳቃኔ፤ ሐሣ ፑርቶ ዓያናኣ ዓሶይዳፓ ኬሰካኔ።

19:4 ማቲ. 3፥11፤ ማር. 1፥4፤ 1፥7-8፤ ሉቃ. 3፥4፤ 16፤ ዮሐ. 1፥26-27።

13 ፑርቶ ዓያኖ ዓሶይዳፓ ኬሲ" ኬሲ" ሃንታ ፔቴ" ፔቴ" ዓይሁዶ ዓሳ:- «ጳውሎስ ኬኤዛ፣ ዩሱስ ሱንጾና ዒንሂ ኬሰካንዳጉዲ ኑ ዒንሂ ዓይሂኔ» ጌዒ ጌዒ ፑርቶ ዓያኖ ዓሶፓ ኬሳ"ኒ ማሌኔ።
14 ዩኖ ማዳሂ' ዓይሁዶ ቁኤሶኮ ሱኡጋሂ፣ ዓሰቁዋ ጎምሂኮ ላንካይ ናይሰከንሂኬ።

15 ጋዓንቴ ፑርቶ ዓያኖሂ:- «ዩሱስ ታ ዔራኔ! ጳውሎስ ዛሎ"ዋ ታ ዔራኔ! ሓይ ዒንሂ ያናንሂዳዎ?» ዔያቶ ኮራ ጌዔኔ።

16 ዒማ"ና ፑርቶ ዓያኖ" ዓርቁ ዓሂ ኮኦሚ ጨኡሊ" ዓርቁ ዓርቁ ዔያቶ ባሽኔ፤ ዩካፓ ዔያታ ሱጉቲ፣ ኪፃዲ ሓህ ዓፒላ"ኣ ዔያቶኮ ዳርዔም ጋራፓ ጳሽኪ ኬሰኪ ዴንዴኔ። 17 ዩይ ባካ ዔፕሶኔይዳ ናንጋ፣ ዓይሁዶ ማዒባኣ ዓሶና ዓይሁዶ ዓሶናም ዋይዚንቴሂሮ ቢያሂ ዒጊጨኔ፤ ጎዳ ዩሱስኮዋ ሱንጻ ሚርጌና ቦንቺንቴያ ማዔኔ። 18 ኪሪሰቶሴ ጉሙርቃ ዓሶይዳፓ ሚርጌሂ ፑርቶ ማድ" ፔኤኮ ፔጌና ቡኡፃ ቡኡፃ ሙካኔ። 19 ሚርጌ ማርሻ ማርሻ ዓሳ ፔኤኮ ማርሻሂ ማፃኣፖ ቡኩሲ ዴሮ" ቤርታ ታሚና ሚቹኔ፤ ዩያ ማፃኣፖኮ ሚኣሻ ዶንጊታሚ" ሺያ ሹቹ ቢራ ማዓያኮ። 20 ዩያይዲ ጎዳሂኮ ቃኣላ" ሚርጌና ዳልጊ ዳልጊ ሓህ ባሺ ባሺ ዴንዴኔ።

ዔፕሶኔይዳ ዔቁ ዣላሂ

21 ዩይ ቢያ ማዔሂኮ ጊንፃ ጳውሎስ ሜቁዶኒያና ዓካይያ ዓጮ" ጊዴና ጌዒ ዩሩሳላሜ ዓኣዳኒ ፔ ማሊሂና ማላዎ:- «ዒኣካ ታ ሄሌ"ሰካፓ ሮሜ ዓጮ" ዓኣዳንዳያ ኮይሳኔ» ጌዔኔ። 22 ዩያሮ ዒዛና ዋላ" ማዳ ዓሶይዳፓ ላምጎሂ፣ ፃሞቴዎሴና ዔራሰጎሴና ሜቁዶኒያ ዓጮ" ዳኪ ዒዚ ፔኤሮ ዒሲያይዳ ዳካ" ኬሊ" ዴዔኔ።

23 ዩማና ጎዳሂ ጎይያ ዛሎ"ና ዔፕሶኔይዳ ዴኤፒ ዣላ ዔቁኔ።
24 ፔቴ" ዴሚሮሴ ጌይንታ ሚኢሽ ዴዓሰኬይ ዓርፃሚሴ ጌይንታ ሺኢጲያ ማኣሮ ማላ ባኣዚ" ቢራ ዓንጊና ዴይ ማዢ ማዢ ቢሮ" ዴዓ ዓሶና ሚርጌ ባኣዚ" ዴንቁሳኔ። 25 ዩይ ዓሂ ዩያቶ፣ ቢሮ" ዴዓ ዓሶና ዔያቶጉዴያ ማድ" ማዳ ሜሊ" ዓሶ ቡኩሳዎ:- «ዒሲዮቴ! ኑኡኒ ቆሎ ዴንቃሂ ሓኖ" ማድ"ና ማዔሂ ዒንሂ ዔራኔ፤ 26 ሓይ ጳውሎስ ጎምሂ <ዒሲ ኩቺና ማዢንቴ ማላሂ ካኣሽኮ ባኣዚ"ቱዋሴ» ጌዒ ጌዒ ዔፕሶኔ ዓጮ"ይዳ ሌሊቱዋንቴ ዳካ" ዓጪ ሌሊ ዓታዛ ዒሲያ ዓጮ" ቢያይዳ ዋኣዴ ዓሲ ዒዚ ጎኔኬ ጌይሲ፤ ሓህ ኪሪሰቶሴ ጉሙርቃንዳጉዲ ማሂቶዋ ዒንሂ ዒንሂ ቶኦኪና ዛጌሂና ዋይዜሂና ጉዲኬ። 27 ዩያ ዛሎ"ና ሓይ ኑኡኮ ማድ" ቦሂንታንዳኔ ጌይሂኬ፤ ሓህ ዩያ ሌሊቱዋንቴ ዒሲያና ዓጮ" ቢያሂናይዳ ዓኣ ዓሳ ቢያ ካኣሽካ፣ ዴኤፖ ዓርፃሚሴ ሺኢጲያ

ማኣራላ ጉሪ ማዒ ዓታኒኬ፤ ዒዞኮ ዴኤፑማኣ ማይ ጋፓኒኬ»
ጌዔኔ።

28 ዓሳ ዬያ ዋይዛዎ ዳጋዲ፡- «ዔፕሶኔይዳ ዓኣ ዓርፃሚሴ ሸኢጲዎ ማኣራ ዴኤፕኬ!» ጌዒ ጌዒ ዒላቴኔ። 29 ካታሚላ ዬያ ዣላሢዳፓ ዔቁያና ካራ ባይዜኔ፤ ዴራ" ማቁደኒያ ዓጮ" ሾይንቲ ማዔ ላምዎ ጳውሎሴኮ ላጎንሢ፤ ጋይዮሴና ዓሪሰፂርኮሴና ዓርቁ ጎቺ ጎቺ ዴራ" ቡኪንታ ቤዞ ዔኪ ጳሽኬኔ። 30 ጳውሎሴ ዬማና ዴሮ" ባንሢ ዓኣዲኒ ኮዔንቴ ኪሪሰቶሴ ጉሙርቃ ዓሳ ዒዛ ላኣጌኔ። 31 ዒሲያ ዓጮ"ይዳ ዓኣ ዎይሢ ዓሪይዳፓ ፔቴ" ፔቴ" ዒዛ ናሽካዞንሢ ጳውሎሴ ኮራ ዓሲ ዳኪ፡- «ኔኤኒ ዓሳ ቡኪንታ ቤዞ ዓኣዲ፤ ዔኣካ ኔ ጳዲዎጉዲ» ጌዒ ዒዛ ሸኣቁኔ። 32 ዓሚ"ና ዴሮ" ባኣኮ"ይዳ ዴኤፕ ዣላ ዓኣሢሮ ባሼሢ ዓይጎሮ ቡኪንቶቴያ ፔቴ"ታዎ ዔራዎሴ፤ ዬያይዳፓ ዔቁያና ፔቴ" ዓሲ ፔቴ" ባኣዚ" ጌዒ ዒላታዛ፤ ማሌ"ሢ ማሌ ባኣዚ" ጌዒ ጌዒ ዒላታኔ። 33 ፔቴ" ፔቴ" ዓይሁዶ ዓሳ ዒሰኪንዲሬ ጌይንታ ዓሢ ዔቁ ጌሰታንዳጉዲ ሂዎሢጉዲ ዎኣቲ ዴሮ" ቤርቶ ሸኢሾኔ፤ ዛሎ" ዓሳ ሓሢ ዒዚ ኮሺ" ማርማንዳጉዲ ዒዛ ዘሬኔ፤ ዬያሮ ዒሰኪንዲሬ ዴራ" ዘቲ ጋዓንዳጉዲ ኩቺና ቤኤዛዎ ጌኤዞ ማሃንዳ ጌኤሲ ጌሰታኒ ጌኢጊንቴኔ። 34 ጋዓንቴ ዒሰኪንዲሬ ዓይሁዶ ዓሲ ማዔሢ ዴራ" ዔራዎ፡- «ዔፕሶኔይዳ ዓኣ ዓርፃሚሴ ዴኤፕኬ!» ጌዒ ቢያሢ ፔቴ" ዑኡሲና ሚርጌ ኔጊ ዒላቴኔ።

35 ጋፓንዎይዳ ካታሞኮ ፃኣፓሢ ዴሮ" ዘቲ ጌይሳዎ፡- «ዔፕሶኔ ዓጪ ዓሲዮቴ! ዔፕሶኔ ካታሞይዳ ናንጋ ዓሳ ዴኤፖ ዓርፃሚሴ ጌይንታ ሸኢጲዎ ማኣራሎና ጫሪንጫፓ ኬዴ" ዒዞኮ ማላሢና ካፓያ ማዔሢ ቢያሢ ዔራያኬ። 36 ዬያ ዔራዎሴ ጋዓንዳይ ዎኣኒያ ባኣሢሮ ዘቲዮ ዒንሢ ጋዓንዳጉዲና ሩኡሪ ፑርታ ባኣዚ" ማዲሢዳፓ ዒንሢ ካፒንታንዳያ ኮይሳኔ። 37 ጌኤዦ ሸኢጲዎ ማኣሮ ቡሪባኣ ዓሲና ኦኡኮ ካኣሽኮ ዎኣዞ ጫሽኪባኣ ዓሲ ሓይካ ዒንሢ ጉሪ ዔኪ ሙኬኔ። 38 ዲሚፂርሴንታ ዒዛና ዎላ" ዓኣ ቢሮ" ዲዓ ዓሳ ኬኤዛ ባኣዚ" ዓኣቶ ጌኤዛ ዛጊ ዎጊንታኒ ማሌ" ኬሊ" ዓኣኔ፤ ሓሢ ዬና ዛሎ"ና ቢታንታ ዓኣ ዓሳኣ ዓኣኔ፤ ዒኣካ ዔያታ ዎኣቶንጎ። 39 ማሌ" ዒንሢ ኮባ ባኣዚ" ዓኣታቶ ዳምቤና ጌሰቲ ዎጋንዳጉዲ ጌይንቴ ዓሲና ዛጊንታንዳኔ። 40 ሓያ ማዲንቴ ባኮ ዛሎ"ና «ዔያታ ዣላሢ ዔቁሲሴኔ» ጌይ ኦና ዎኣጪሱዎጉዲ ኦና ዒጊቻኔ፤ «ሓይ ዣላሢና ፑርቶ ባካ ዓይጎ ዛላና ዔቁይ?» ጌይ ኦና ዎኣጮናቶ፤ ማሢ ኦ ኬኤዛንዳ ባኣዚ" ባኣሴ» ጌዔኔ። 41 ያዲ ጌዔሰካፓ ቡኪንቶ ላኣሌኔ።

20

ጳውሎስጥ ማቅደሲያና ገሪኬ ዓጮ"ና ዓኣዲያ

1 ክላሢ ዚቲ ጌዔሰካፓ ጳውሎስ ኪሪሰቶስ ጉሙርቃ ዓሶ ፔቴ"ይዳ ዔኤሊ"ሲ ዘር ቃኣላና ደዲሺ:- «ኮሺ ዳዑዋቴ» ጌዒ ማቅደሲያ ዓኣዲኔ። 2 ዒዚ ገዴና ዓኣዲ ቤዘይዳ ዓኣ ኪሪሰቶስ ጉሙርቃ ዓሶ ሚርጌና ዘሪ ደዲሺ ደዲሺ ገሪኬ ዓጮ" ዓኣዲኔ። 3 ዒኣካ ዒዚ ሓይሃ ዓገኒ ዳዒ፣ ዩካፓ ዋኣያ ካኣሚሎና ሶኦሪያ ዓጮ" ዓኣዲኒ ማሌኔ፤ ገዓንቴ ዓይሁዶ ዓሳ ዒዘይዳ ፑርታ ማለሢ ማለሢ ዒ ዔሬ ዋዶ"ና ማቅደሲያ ዓጮ" ገዴና ዓኣዲኒ ጌዔኔ። 4 ጳዲሮስ ናኣዚ" ሱሲ ጎዖሢ ቤኤሪያይዳ፣ ዓሪሰዲሮኮስና ሲኮንዶስና ቴሰሎንቄይዳ፣ ገይዮስ ዳርቤይዳ፣ ቴኪቆስና ዲሮፐሞስና ዒሲያ ዓጮ"፣ ሓሣ ዲሞቴዎስያ ዒዘና ዋላ" ዓኣዲኔ። 5 ዔያታ ቤርታዲ፣ ቢሪ ዓኣዲ ዲሮዓዳይዳ ኦና ካፔኔ። 6 ኦኣኒ ገዓንቴ ላኣዶ ሙዒ ቦንቸ ኬሎ"ኮ ገንፃ ፒልጲሲዮስይዳ፣ ዋኣያ ካኣሚሎና ዶንጎ ኬሊ" ሓንቴ፣ ዔያታ ዓኣ ቤዘ ዲሮዓዳ ሄሊ" ዒኣካ ላንካይ ኬሊ" ኦ ዳዔኔ።

ጳውሎስ ጋፒንሢ ዲሮዓዳ ዓጮ" ዛጌሢ

7 ቁዳሜ ዋንቴ ዉዴ ባንሢ ካራኒ ዑካኣና * ካሣ ሙዒኒ ሓሣ ጎዳ ካዋሢያ ሙዒኒ ፔቴ"ይዳ ኦ ቡኪንቴኔ፤ ጳውሎስ ዘር ጉቴ"ሎ ዓኣዲኒ ጌዔያ ማዔሢሮ ቡኪንቴ ዓሶሞ ሓይሰ ኬኤዛያ፣ ሃይሶ ሳዖኮ ዳንዲ ገዲሚሺ ሄላ"ንዳኣና ዖዶሲ ጌሰቴኔ። 8 ኦኣኒ ቡኪንቴ፣ ኩቡጉዲ ዋሊ ዑፃ ዑፃ ማዢንቴ ማኣሮይዳ ሚርጌ ፖዒ ዓኣኔ። 9 ዔውዲኮስ ጌይንታ ፔቴ" ዳጌሰኬያ ኬኤዖኮ ፑልቶ ካራ" ዳዒ ዓኣንቴ ጳውሎስ ጌኤዘ ዖዶሲሢሮ ዳጌ ናዓሢ ገንዓ ዓርቃዛ ገንዒቤቃ ገንዓሢ ባሺሞ ዋሊኮ ዑፃ ዑፃ ማዢና ማኣሮኮ ሓይሣሳሢዳ፣ ኬዲ" ሎኦሜኔ፤ ዩካፓ ዓሳ ዔቁሳኣና ናማ ሃይቁያከ። 10 ገዓንቴ ጳውሎስ ሎፓ ኬዲ" ሃርኪ ጌይ፣ ናማ ኮንቁ ዓርቃዖ:- «ናማ ሺሞፔና ዓኣኔ፤ ዲቃቴፖቴ» ጌዔኔ። 11 ዩካፓ ጳውሎስ ገንሣ ዑፃ ኩቡ ማኣሮ ኬሰኪ፣ ጎዳ ካዋሢና ካሣና ኪሪሰቶስ ጉሙርቃ ዓሶና ዋላ" ሙዔኔ። ሳዓ ካራንዳያ ሄላ"ንዳኣና ዓሶና ዋላ" ጌሰታዖ ዳንዲ። 12 ዓሳ ሓይቁዖ ዳቁ፣ ዳጌ ናዓሢ ማኣሪ ዔኪ ዓኣዲኔ፤ ሓሣ ኮሺ"ያ ዶዴኔ።

ጳውሎስጥ ዲሮዓዳይዳ፣ ሚሊዲ ዓኣዲያ

* 20:7 ቁዳሜ ዋንቴ ዉዴ ባንሢ ካራኒ ዑካኣና- ጌይንቴዛ ቃልሾ ኬሎ"ኮ ቤርታሳ ኬሎ" ጌይዖከ።

13 ኑኡኒ ጳውሎሴ ዔኪ ዓኣዳኒ ማሌሢሮ ቤርታዲ ዋኦያ ካኣሚሎና ዓሶሳ ኑ ዴንዴኔ፤ ዬያ ኑ ማዳሢ፤ ጳውሎሴ ዓሶሳ ዴንዲ ሄላ"ንዳኣና ቶኪና ዓኣዳኒ ኮዔሢሮና ሐሣኑ ዬያይዳንዳጉዲ ኑና ዒ ዒይሢሢሮኬ። 14 ዬካፓ ዒዛና ኑ ዓሶሳይዳ ካኣማዖ፣ ዋኦያ ካኣሚሎ ዒዛ ቶጊሲ ዔኪ ሚሊዲ ዓጮ" ዋላ" ኑ ዓኣዴኔ። 15 ዬካፓ ዘሮ ጉቴሎ ዔቂ ኪዮሴ ጌይንታ ዓጮ"ኮ ቤርቶ ዛላ" ዓኣ ቤዞ ኑ ሄሌኔ፤ ላማሳ ኬሎ" ሳሞኔ ፒንቃዖ ጉቴና ሚሊዲ ኑ ሄሌ"ኔ። 16 ጳውሎሴ ዒሲያይዳ ዎዶ" ጉሪ ኩርሱዋጉዲ ጌዒ ዔፕሶኔ ዓጮ"ኮ ኮርሳ ዓኣዳኒ ኮዔኔ፤ ዓይጎሮ ጌዔቶ ዓይሁዶ ዓሶኮ ጳንጻቆስጻ ጌይንታ ቦንቾ ኬሎ" ዎይቴቴያ ዬሩሳላሜ ሄላ"ኒ ዒ ማሌሢሮኬ።

ጳውሎሴ ዔፕሶኔ ሺኢዲያ ማኣሮ ጨሞሞ ኬኤዜ ዔልቃሞ

17 ጳውሎሴ ሚሊዲዳፓ ዔፕሶኔ ኪኢታ ዳኪ፣ ሺኢዲያ ማኣሮኮ ጨሞ ዔኤሊ"ሴኔ፤ 18 ዬካፓ ዔያታ ዒዛ ኮራ ሙካዛ ዒዚ ዔያቶሞ ኬኤዛዮ፡- «ዒሲያ ዓጮ" ታ ጌሌ ኬላ"ፓ ዓርቂ ቢያ ኬሊ" ዒንሢሮ ዎላ" ታኣኒ ዎይቴ ናንጌያታቴያ ዒንሢ ዔራኔ፤ 19 ዓይሁዶ ዓሳ ታ ጊዳ" ፑርቶ ማዳ ዛሎ"ና ሜታ ታና ሄሌ"ታቴያ ጉቤ ዒናፓ ማዔ ሹሌዑሞና ሐሣ ሚርጌ ዓቢሢሮ ታ ጎዳሢሞ ታ ማዳኔ። 20 ዓሳ ቡካ ቤዘይዳ ማዖሞ ዒንሢኮ ማኣራ ማኣራ ታ ዒንሢ ዔርዛ ዎዶ"ና ዒንሢሞ ኮይሳ ባኣዚ" ቢያ ታ ኬኤዜኔ፤ ፔቴ"ታዖ ዓይሴ ባኣዚ" ባኣሴ። 21 ዓይሁዶ ዓሶ ማዔቶሞ ዓይሁዳ ማዒባኣ ዓሳ ጎሞ ቡኡዲ ያኦሲ ባንሢ ሙካንዳጉዲና ሐሣ ጎዳ ዬሱሰ ኪሪሰቶሴ ጉሙርቃንዳጉዲ ዔያቶሞ ታ ላቴኔ። 22 ሐሢያ ታ ዒኢካ ሄላ"ዛ ታ ጊዳ" ዓይጌ ማዳንታንዳቴያ ታ ዔራሞዖ፣ ዓያና ጌኤሺሞ ዓይሢንቴ ዬሩሳላሜ ታ ዓኣዳኔ። 23 ጋዓንቴ ታ ዔራሢ፤ ታኣኒ ዴንዳ ካታሞይዳ ቢያ ቴኡሲና ሜቶና ታና ሄላ"ንዳሢ ዓያና ጌኤሺ ታኣሞ ላቴ ኬኤዜማ ሌሊኬ። 24 ታኣኒ ጋዓንቴ ታኣኮ ማዶ" ከንሢንቴ ሐሣ ጎዳ ዬሱሴ ታኣሞ ዒንጌ ማዶ" ታ ማዳንቴ ሐይቄቴያ ሜታ ባኣሴ፤ ታኣኮ ማዶ" ያኦሲ ፔ ኮሹሞና ታኣሞ ዒንጌ ኮገ ሐይሶ ኬኤዚሢኮ።

25 «ሃሮ" ሄላ"ንዳኣና ዒንሢ ቢያሢ ባኣካ" ታ ሃንቲ ሃንቲ ያኦሲኮ ካኣቱሞ ዛሎ" ኬኤዜኔ፤ ሐይካፓ ሴካ ጋዓንቴ ዒንሢዳፓ ፔቴ" ዓሲታዖ ታኣኮ ዓኣፖ ካሮ" ማሊ ዛጊንዲዋኣሢ ታ ዔራኔ። 26 ዓካሪ ዒንሢዳፓ ፔቴ" ዓሲታዖ ባይቄቶ ታና ያኦጪሳ ባኣዚ" ባኣያ ማዔሢ ሐዮ" ታ ዒንሢሞ ኬኤዛኔ። 27 ዓይጎሮ ጌዔቶ ያኦሲኮ ማሊዮ ቢያ ዒንሢሞ ታ ኬኤዜያፓ ዓቴሞ ፔቴ"ታዖ ታ ዓይሴ ባኣዚ"

ባአሴ። 28 ዓያኖ ጌኤዣ ቆልሞኮ ሄንቃ ዓሲ ማሂ ዒንሂ ደኑሬቴ፤ ዓካሪ ዒንሂ ቶኦኮ"ና ዒንሂ ሄንቃ ቆልሞ ዛሎ"ናሮ ዒንሂ ኮሺ" ዔሬቀቴ፤ ጎዳ ፔ ሱጉያና ሻንቁ ፔኤም ማሄ፣ ሺኢጲያ ማእሮ ዓሶ ሄንቁጠቴ። 29 ታኣኒ ዓኣዴሰካፓ ቆልሞም ሚጪንቴቀያ፣ ያኣዮጉዴ ዓሲ ዒንሂ ባኣኮ" ጌላንዳሂ ታ ዔሬቴ። 30 ዬያጉዲ ሐሣ ዒንሂ ባኣካ"ፓ ፔቴ" ፔቴ" ዓሲ ዔቁ ኪሪሰቶሴ ጉሙርቃ ሚርጌ ዓሶ ፔ ባንሂ ማሃኒ ዋሶ ማዔ ዔርዘሂ ዔርዘንዳቴ። 31 ዬያኖ ዒንሂ ፔቴ" ፔቴ"ሂ ታኣኒ ሐይሣ ሌዔ ዋንቴና ሮኦሪና ዓቢሂና ዬኤኪ ዬኤኪ ዘሬያ ማዔሂ ጳቂሂ ጳቂሂ ደደዋቴ።

32 «ሐሂ ታኣኒ ያእሲ ዒንሂ ካፓንዳጉዲ ዒዛም ዓኣሂ ዒንጋቴ፤ ዒንሂ ያእሲኮ ዴኤፖ ኮሹሞ ዛሎ" ኬኤዛ፣ ኪኢቶ" ጳቂሡጠቴ፤ ዬይ ኪኢታ" ዒንሂ ማኣዳ"ንዳቴ፤ ሐሣ ያእሲ ዓሶ ማዔያና ዒንሂሂሮ ማዔ ባኮ ዒንሂም ዒንጋንዳቴ። 33 ታኣኒ ያኦኮ ቢራኣ ማያም ዋርቄ፤ ሐሣ ማኣዶዋ ዛጊ ሱኡካዲ ባኣሴ። 34 ታ ኮቹና ማዲ ማዲ ታናንታ ታ ላጎንታ ታኣኒ ማኣዴ"ሂ ዒንሂ ዒንሂ ቶኦኪና ዔሬቴ። 35 «ዔዔካያይዳፓ ባሺ ዒንጋያ ዓንጂንቴያኬ» ጋዓ፣ ጎዳ ዬሱሴኮ ቃኣሎ" ጳቂሂ ጳቂሂ ኑ ኮቻ ኑ ማዲ ማዲ ላቢንቴ ዓሶ ማኣዳ"ንዳያ ኮይሳሂ ሚርጌ ጎይሂና ታ ዒንሂ ዳጭ» ጌዔ።

36 ዬካፓ ጳውሎሴ ቢያሂና ዋላ" ጉምዓቲ ያእሲ ሺኢቄቴ፤ 37 ዒማ"ና ቢያሂ ዬኤካዶ፣ ጳውሎሴ ኮንቁ ኮንቁ ሄርቄቴ። 38 ፔቶ ዔያቶ ኮሺ" ያዬሴዛ፡- «ሐካፓ ሴካ ታኣኮ ዒንሂ ዓኣፖ ካሮ" ዛጊንዳዋሴ» ዒዚ ጌዔዘኬ። ዬካፓ ዴንዲ ዋኣያ ካኣሚሎ ሄላ"ንዳኣና ዒዛ ዔያታ ጎይሂ ዓኣሄቴ።

21

ጳውሎሴኮ ዬሩሳላሚ ዓኣዲያ

1 ዔያቶይዳፓ ኑ ደማዴሂኮ ጊንፃ ዋኣያ ካኣሚሎ ቶጊ ዔዔቃዎ ቆሴ ጌይንታ፣ ዋኣሂ ሳዛይዳ ዓኣ ዓጪ ኑ ዓኣዴቴ፤ ዬካፓ ዚሮ ጉቴ"ሎ ዋኣያ ሳዛ" ዓኣ ሩዴ ጌይንታ ዓጪ ኑ ሄሊ"፣ ዒኣካፓ ጳዲራ ካታሞ ኑ ዴንዴ። 2 ዒዘ ቤዘይዳፓ ፒንቁ ዓጮ" ዓኣዲ ዋኣሂ ካኣሚሎ ዴንቃዎ ዒዘ ቶጊ ጊንሣ ኑ ዓኣዲያ ዓርቄቴ። 3 ዋኣያ ሳዛ"ይዳ ዓኣ ቆጲሮሴ ዓጮ" ሻውሎ" ዛሎ"ይዳ ሐሺ"፣ ሶኦሪያ ዓጮ" ኑ ዓኣዲቤቃ ባዘ" ዓጮ ዓኣ ጻሮሴ ኑ ዴንዴቴ፤ ዓይጎሮ ጌዔቶ ዋኣያ ካኣሚላ ጫኣኒንቴ ባኮ ዒኣካ ኬይሳንዳያ ኮይሳሂሮኬ። 4 ዒዘ ቤዘይዳ ኪሪሰቶሴ ጉሙርቃ ዓሶ ኮዒ ኑ ዴንቃ፣ ዔያቶና ዋላ" ላንካይ ኬሊ" ዴዔቴ። ዔያታኣ ዓያና ጌኤሺ ዔያቶም ኬኤዘዘ ጳውሎሴም፡- «ዬሩሳላሚ ዴንዲፖ» ጌይ ኬኤዘቴ። 5 ዒኣካ ኑ

ዴዓ ዎዳ" ጋፔሞ ዔያቶይዳፓ ኑ ዲማዲ ሓንቲዎ ዓርቃዛ፣ ቢያሢ ፔኤኮ ላኦና ናኦቶ"ና ዎላ" ማዒ ካታሞኮ ዙሎ" ሄላ"ንዳኦና ኑና ጎይሢና ዓኦሢ ባዞ" ዓጮ ኑና ሄሊ"ሴሞ፣ ዒኢካ ጉሞዓቲ ያኦሲ ኑ ሸኢቁሰካፓ ዎሊ ኑ ጎራሢ ዲማዴ። 6 ዩካፓ ኑኡኒ ዎኦ ያካሚሎ ቶጊ ዴንዳዛ ዔያታ ፔ ማኦሮ ባንሢ ማዒ።

7 ዲሮሴይዳፓ ዒቁ ባዞ" ጊዴና ሓንቲዎ ኑ ኩርሴሰካፓ ጳዴሌማይሴ ጌይንታ ዓጮ" ሄሊ"፣ ዒኢካ ኪሪሰቶሴ ጉሙርቃ ዓሰና ዎላ" ካኦሚ ዎሊ «ኮሺዳ?» ጌዔሰካፓ ዔያቶና ዎላ" ፔቴ" ኬሊ" ኑ ፔኤቄ። 8 ዚሮ ጉቴ"ሎ ዒኢካፓ ኬሰኪ ቁሳሪያ ዓጮ" ዓኦዲ፣ ዒኢካ ያኦሲ ማኦራ ማዳንዳጉዲ ዶኦጎንቴ ላንካዎ ዲ=ያቆኖንሢዳፓ* ፔቴ"ሢ ማዒ፣ ኮዦ ሓይሶ ኬኤዛ፣ ፒልጰሴ ማኦሪ ጌላዎ ዒዛና ዎላ" ኑ ዴዔ። 9 ዒዛኮ ያኦሲ ማሊሢ ኬኤዛ፣ ያይዶ ዉዲሮ ናይ ዓኦ። 10 ሚርጌ ኬሊ" ዒኢካ ኑ ዴዔሰካፓ ዓጋሶሴ ጌይንታ ያኦሲ ማሊሢ ኬኤዛሰኬይ ዪሁዳ ዓጮ"ፓ ሙኬ። 11 ዩይ ዓሢ ኑ ባንሢ ሙካዎ ጳውሎሴኮ ቃልሾ ዔኪ ፔኤኮ ኩጮና ቶኮና ቱኪ"፡- «ዓያና ጌኤሽ ሃና' ቃልሹሎኮ ዓይ ዩሩሳላሚይዳ ዓኦ፣ ዓይሁዶ ዓሳ ሓይማይዲ ቱኪ" ዓይሁዴ ማዒ ባኦ ሳሶሞ ዒንጎንዳ፤ ጋዓ፤» ጌዔ።

12 ዩያ ኑኡኒ ዎይዘዎ ኑናንታ ዒኢካ ዓኦ ዓይሁዶ ዓሶንታ ጳውሎሴ ዩሩሳላሚ ዴንዲዎጉዲ ሸኢቄ። 13 ጳውሎሴ ጋዓንቴ፡- «ሓያይዲ ዩኤኪ ዩኤኪ ዓይጎሮ ዒንሢ ታኦኮ ዒና ዲኡዛይ? ታኦኒ ጎዳ ዩሱሴ ሱንዮ ዛሎ"ሮ ዩሩሳላሚይዳ ቱኡቲሢሮ ሌሊቱዎንቴ ሓይቃኒያ ጊኢጊንቴያኬ» ጌዒ ማሄ።

14 ኑ ዙራ ዘሮ" ዒ ዔኮ ዒፃዛ፡- «ማይ ያኦሲ ማሊሢ ማዎንጎ» ጌዒ ኑ ሓሽ"።

15 ዒኢካ ኑኡኒ ዳካ" ኬሊ" ዴዔሰካፓ ኑኡኮ ዓኦ ሚሆ" ኑ ጊኢጊሽ ዩሩሳላሚ ዓኦዴ። 16 ቁሳሪያይዳ ዓኦ፣ ፔቴ" ፔቴ" ኪሪሰቶሴ ጉሙርቃ ዓሳ ኑኡና ሙኪ፣ ሚናሶኒ ጌይንታሢ ማኦራ ኑ ዴዓንዳጉዲ ዒዛ ማኦሮ ኑና ዳዌ። ዩይ ዓሢ ቤርታዲ ኪሪሰቶሴ ጉሙርቄያ፣ ቆጲሮሴ ዓጮ"ይዳ ሾይንቴ ዓሲኬ።

ጳውሎሴ ዩሩሳላሚይዳ ያይቆኦሴ ዛጌሢ

17 ዩሩሳላሚ ኑ ሄላ"ዛ ኪሪሰቶሴ ጉሙርቃ ዓሳ ዎዛና ኑና ሾኦቹንሢ ዔኬ። 18 ዚሮ ጉቴ"ሎ ጳውሎሴ ኑኡና ዎላ" ያይቆኦሴ

* 21:8 ዲያቆ፡- ጌይንታ ዓሳ ሸኢጲያ ማኦሮይዳ ዎይሢ ዓሶ ዴማ" ማዒ ዴማ ዴማ ማዴ ማዴ ዓሲኬ፤ ዩና ዓሳ ሚናኦ ዎዶ"ና ባሽ ሸኢጲያ ማኦሮይዳ ዜኤሮ ዒንዶና ሜታዴ ዓሶናሞ ኮይሳ ባኦኪ" ዒንጊ ዒንጊ ቶኦኮ" ዛጋያኬ። 21:8 ዳኪ. ማድ" 6፣5፤ 8፣5።

ኮራ ዓኣዳኔ፤ ዒኢካ ሺኢጲያ ማኣሮኮ ጨማ ዓኣኔ። 19 ጳውሎስ ቢያሢ «ኮሺዳ?» ጌዔስካፓ ዒዛ ዛሎ"ና ዓይሁዳ ማዒባኣ ዓሶ ባኣካ" ያኦሲ ማዳ ባኮ ቢያ ፓይዲ ፓይዲ ከኤዜኔ። 20 ዬያ ዋይዜ ዋድ"ና ቢያሢ ያኦሲ ጋላታዎ ጳውሎስም፡- «ዒሻሢየ! ሚርጌ ሺያና ፓይዲንታ፡ ኪሪሰቶስ ጉሙርቃ ዓሲ ዓይሁዳ ዓሶ ባኣካ" ዓኣያ ማዔሢና ሓሣ ቢያሢ ሙሴ ዋጎ ዓርቂ ካፓያ ማዔሢ ኔኤኒ ዔራኔ፤ 21 ኔኤኒ ዓይሁዳ ማዒባኣ ዓሶ ባኣኮ"ይዳ ናንጋ፡ ዓይሁዳ ዓሶ ቢያ «ናኣቶ"ኮ ዒንሢኮ ዓቲንቶ ቤርቶ ቲቁፖ፣፤ ሓሣ ዋጎዋ ከንሢፖ፣፤ ጌዒሢና ሙሴ ዔርዜ ዋጎ ዓሳ ሓሻ"ንዳጉዲ ማሓኔ ጌይንቴሢ ኑ ዋይዜኔ። 22 ማይ ዋዳቴ ኮሽካንዳይ? ሙኪያ ኔኤኮ ዔያታ ጎኔና ዋይዛንዳኔ፤ 23 ዬያሮ ኑኤኒ ጋዓ ባኮ ማዳ፤ ኑ ባኣኮ"ይዳ ናኣቢ" ዓኣ ያይዳ ዓሲ ዓኣኔ። 24 ዔያቶ ዔኪጋፓ ዔያቶና ዋላ" ማዒ ኔና ጌኤሽ፤ ቶኦኮ" ጋፓኖ ዔያታ ጉኡሊ"ንታንዳጉዲ ጌኤዢ ማኣሮዋ ዒንጊንታ ሚኢሾ ዔያቶም ጨጌ፤ ዬያ ኔ ማዳቶ ኔ ዑዎ ጌሰቲንታ ጌኤዛ ጉሪ ማዔሢና ኔኤኒያ ኔ ቶኦኪና ሙሴ ዋጎ ከንሢያ ማዔሢ ቢያሢ ዔራንዳኔ። 25 ኪሪሰቶስ ጉሙርቃ፡ ዓይሁዳ ማዒባኣ ዓሶ ዛሎ" ጋዓንቴ «ሜሌ" ካኣሺም ሹኪንቴ፡ ዒኢቴ ባኣዚ" ሙዒፖ፣፤ ሱጉሢያ ዑሽኪፖ፣፤ ሱጉሢ ሾኦቲ ባኣንቴ ጨኡሊ"ንቲ ሓይቁ ቆልዎ ሙዒፖ፣፤ ማቾ ሓሣ ዓኒ ማዒባኣና ላሢሢና ዬያጉዴ ባኣዚ" ማዲፖ፣፤ ጋዓያ፡ ኑኤኒ ዋላ" ጌሰቲ ዔቁሴ ኪኢታ ዔያቶም ኑ ዳከኔ» ጌዔኔ።

26 ዬካፓ ጳውሎስ ዓሶንሢ ዔኪ ዚሮ ጉቴ"ሎ ዔያቶና ዋላ" ዑዎ ጌኤሾ ዋጎ ከንሢኔ፤ ጌኤሽኪንቶ ከላ" ዋኣዒ ማዓቴያ ሓሣ ፔቴ" ፔቴ" ዓሶ ዛሎ" ያኦሲም ዒንጎ ባካ ዒንጊንታሢ ዓይዲታቴያ ዔርዛኒ ጌኤዢ ማኣሪ ዒ ጌሌኔ።

ጳውሎስ ጌኤዢ ማኣሪ ዓርቂንቴሢ

27 ለንካዎ ከላ" ጋፓኒ ዑካዛ ዒሲያ ዔጮ"ይዳፓ ሙኬ ዓይሁዳ ዓሳ ጳውሎስ ጌኤዢ ማኣሪ ዓኣንቴ ዛጋዎ፡ ዴራ" ቢያ ዒዛይዳ ፑርታ ማላሢና ዔቃንዳጉዲ ማሢ ዒዛ ዓርቂኔ፤ 28 ዬካፓ ዔያታ፡ «ዒሰራዔኤሌ ዓሲዮቴ! ኑና ዓልቁዋቴ፤ ኑኡኮ ዴሮ"ንታ ሙሴ ዔርዜ ዋጎንታ ሓሣ ሓያ ጌኤዢ ማኣሮዋ ጫሽኪ ጫሽኪ ዓጮ" ቢያይዳ ዓኣ ዴሮ" ቢያ ዔርዛሢ ሓያ ዓሢከ፤ ዬይ ዒዛም ጊዶ" ዒፃም ዓይሁዳ ማዒባኣ ዓሶ ጌኤዢ ማኣሪ ጌልዚ ሓያ ያኦሲም ዲማዳ ቤዘዋ ዒኢሳሢሢ ዒዛከ» ጌዒ ጌዒ ዒላቴኔ። 29 ዬኖ ዔያቶ ጌይሴሢ ዬያኮ ቤርታ ዔፕሶኔ ዓጮ"ይዳ ሾይንቴ ዓርፒሞሴ ጎዮሢ

21:21 ዳኪ. ማድ" 11:28። 21:23 ፓይ. ማፃ 6:13-21። 21:25 ዳኪ. ማድ" 15:29።

ጳውሎስና ዋላ" ካታሞይዳ ዓኣንቴ ዔያታ ዛገህረ ዒዚ ዬያ ዔኪ ጌኤዮ ማኣሪ ጌሌያ ማሌህረኬ።

30 ዬያሮ ካታማ" ቢያ ዎኦቶንዶ ጎይህህ ባይዘኔ፤ ዬማና ዳራ" ቢያ ፔቱሞና ጳሽኪ ጳሽኪ ሙካዖ ጳውሎስ ዓርቂ ጎቹ ጌኤዮ ማኣሪፓ ኬሲ"፣ ጌኤዮ ማኣሮኮዋ ካሮ" ዑኩና ዎዴኔ። 31 ዓሳ ጳውሎስ ዎዳኒ ማለዘ፡- «ዬራሳላሜ ካታማ" ዎኦቶንዶ ጎይህህ ባይዘኔ» ጋዓ ከኢታ ሮሜ ዓጮ"ኮ ፖኦሊሶ ዓይህህህሞ ዋይዘንቴኔ። 32 ዬያሮ ዒዚ ዒዛኮ ካፓ ዓሶና ዪኤቶ ፖኦሊሶ ዓይህህ ዓሶዋ ፔኤና ዋላ" ዔኪ ዑኩና ጳሽኪ ጳሽኪ ዓሶ ባንህ ዳንዳኔ፤ ዓሳ ዬያ ሮሜ ዓጮ" ፖኦሊሶ ዓይህህንታ ኮራ ካፓ ዓሶዋ ዳንቃዖ ጳውሎስ ጳርቂዖ ሓሽ"ኔ። 33 ሮሜ ዓጮ" ፖኦሊሶ ዓይህህህ ጳውሎስ ዓርቂ ላምዖ ካኒ ቢራታና ቱኪ"ንታንዳጉዲ ዓይህኔ። ዬካፓ ዒዚ ያናታቴያ ሓህ ዓይጎ ማዴቴያ ዔራኒ ያኦጮኔ። 34 ዒማ"ና ዳራ" ዲማ ዲማ ባኣዚ" ጋዓያ ሓህ ዒላታያ ማዔህረ ፖኦሊሶ ዓይህህህ ፒዜ ጌኤዛ ዎናታቴያ ዔራኒ ዳንዳዒባኣሴ፤ ዬያሮ ዔያታ ፖኦሊሶ ዓሳ ቤዛ ጳውሎስ ዔውታንዳጉዲ ዓይህኔ። 35 ጳውሎስ ኬኤሎ" ዑያ ኬሰካዛ ዳራ" ቢያ ሚርጌና ዳጋ ዔቂሲ ፑርታ ባኣዚ" ማዳኒ ኮዔህረ ፖኦሊሶ ኬዲ ዔኪ ዒዛ ዓኣዴኔ። 36 ዳራ" ዒማ"ና፡- «ዒዛ ዎዎዲዎቴ» ጌዒ ጌዒ ዒላቲ"ና ዒዛኮ ገንዖ ዓኣዴኔ።

ጳውሎስ ጌኤዛ ማሃኒ ጌሰቴ ጌኤሲ

37 ፖኦሊሶ ጌኤዮ ዓኣ ቤዛ ዒዛ ዔኪ ጌልዛኒ ዑካኣና ጳውሎስ ሮሜ ዓጮ" ፖኦሊሶ ዓይህህህ ኮራ፡- «ፔቴ" ባኣዚ" ታ ኔኤም ኬኤዛንዳጉዲ ኔ ዓይህህንዳ?» ጌዒ ያኦጮዛ፣ ዒዚያ ማሃዖ፡- «ኔኤኒ ጌሪኬ ዓጪ ሙኡቹ ዔራ? 38 ሓህ ዑኩ ካኣቲም ዋይዘ ዒዲ ዳሮ"ዎ ፑርቲሲ ሓህ ዓሲ ዎዴ ያይዶ ሺያ ዓሲያ ዔኪ ዓሲ ናንጉዎ ዳውሎ" ፑኒንቴ፣ ጊብዪ ዓጮ" ዓህ ኔናቱዎዓዳ?» ጌዔኔ።

39 ጳውሎስ፡- «ታኣኒ ኪልቂያይዳ ኮሺ" ዔርቲያ ማዔ፣ ያርሴሴ ካታሜሎይዳ ሾይንቴ ዓይሁዳ ዓሲኬ፤ ሓዳራ ታኣኒ ዳሮ"ም ኬኤዛም ጌዔቴራ» ጌዔኔ።

40 ዬካፓ ዒዚ ኬኤዛንዳጉዲ ዓይህዛ ጳውሎስ ኬኤሎ"ይዳ ዔቂ ዳራ" ዚቲዮ ጋዓንዳጉዲ ኩቹና ዳዌም ዳራ" ዚቲዮ ጌዔሰካፓ ዒብሪ ዓሶ ሙኡቹና ሂዚ ጌዒ ኬኤዚህ ዓርቂኔ።

22

1 «ታ ዒሸንሆ፣ ታ ዓደንሆ፤ ሓይሽ ሓህ ታ ዒንህሞ ኬኤዛ ባኮ ዋይዘዎቴ» ጋዓዛ፣ 2 ዒዚ ዒብሪ ዓሶ ሙኡጮና ጌሰታህ

ዓሳ ዋይዛያ ዎንዳሰካፓ ባሼ ዚቲዮ ጌዔኔ፤ ዩካፓ ጳውሎሴ ፔኤኮ ጌኤዞ ጌሰታዮ ሂዚ ጌዔኔ፡-

3 «ታኣኒ ኪልቂያይዳ ዓኣ ጭርሴሴ ካታዋይዳ ሾይንቴያ ዓይሁዴ ዓሲኬ፤ ታኣኒ ዲጩሆሂያ ሐኖ" ዩሩሳላሜ ካታዋይዳኬ። ዓደንሢ ዋጎ ኮሺ" ታኣኒ ዔሪ ዓዳ" ሃሢ ዒንሢ ማዳ ጎይያ ዒናፓ ናሽኪ ያኦሲም ታ ማዳያኬ፤ ታና ዔርዜሢያ ጌማሊያሌ ጎዎሢኬ። 4 ሐኖ፡ ጎዳ ጎይያ ሐንታ ዓሶ ቢያ ታ ዳውሳያኬ፤ ዛሎ" ታ ዎዲያ ዎዳኔ፤ ዓቲንቆንታ ላኣሎንታ ዓርቂ ዓርቂ ቱኤዞ ማኣራ ታ ቱኤሳኔ። 5 ዩይ ጎኔ ማዒያ ቁኤሶኮ ቢያ ሱኡጋሢና ዋጎ ዎጋ ዓሳ ቢያ ታኣም ማርካዳንዳኔ። ዩያ ሌሊቱዋንቴ ዴማሰቆይዳ ዓኣ ዩኖ"ጉዴ ዓሶ ቱኪ" ዩሩሳላሜ ዔኪ ሙኪ ሜታሳኒ ዳንዳዒሳ ፃኣፒንቴ ኪኢታ ዴማሰቆይዳ ዓኣ ቢቶ" ዓሶም ዒንጋኒ ታ ዔኬሢያ ቁኤሶ ቢያኮ ሱኡጋሢንታ ዩያቶ ዋጎ ዎጋ ዓሶንታፓኬ።

ጳውሎሴ ኪሪሰቶሴ ባንሢ ማዔ ጎይያ ኬኤዜሢሃ
(ዳኪ. ማድ" 9፡1-19፤ 26፡12-18)

6 «ዩያይዲ ዔኪ ታኣኒ ዴማሰቆ ዴንዲ ካታዋኮ ዑካኣና ዓባ" ሳዛ ጫርጌ ዎደ"ይዳ ታ ዔሩዋንቴ ዴኤፒ ዓኣፒዳ ዴካ" ፖዒ ታ ኮይላ" ፖዔኔ። 7 ዓሚ"ና ታኣኒ ቶጊ ዓኣዳ ባካፓ" ሳዓ ሎኦሚ ሳውሌ! ሳውሌ! ኔ ታና ዓይጋ ዳውሳይ?> ጋዓ ዑኡሲ ዋይዜኔ። 8 ታኣኒ ሳዳሢ! ኔ ያናዳይ?> ጌዔኔ፤ ዒዚያ ማሐያ <ታኣኒ ኔ ታና ዳውሳ ናዚሬቶ ዩሱሴኬ> ጌዔኔ። 9 ታኣና ዎላ" ዓኣ ዓሳ ፖዎ ዛጌያፓዓቲም ዒዚ ታኣና ዎላ" ጌሰታኣና ዎዚ ጌዔቴያ ዑኡዞ ዔያታ ዎይዚባኣሴ። 10 ታኣኒያ ሳዳሢ! ታ ዓይጎ ዎደ"ንዳይ?> ጋዓዛ፡ ጎዳሢ ታኣም ኬኤዛያ <ሐሢ ዔቂጋፓ ዴማሰቆ ዓኣዳ፤ ኔ ማዳንዳ ባካ ቢያ ዒኣካ ኔኤም ኬኤዚንታንዳኔ> ጌዔኔ። 11 ዓኣፓ ታኣኮ ፖዓ ዴኬሢሪ ዛጋኒ ዳንዳዒባኣያ ማዓዛ ታኣና ዎላ" ዓኣ ዓሳ ኩጮ ታኣኮ ዓርቂ ጎቹ ታና ዴማሰቆ ሄሊ"ሴኔ።

12 «ዒኣካ ሐናኒያ ጌይንታ ፔቲ" ዓሲሰኬይ ዓኣኔ፤ ዩይ ዓሢ ዴማሰቆይዳ ዓኣ ዓይሁዶ ዓሳ ቢያ ዒዛ ጋላታያ፡ ሙሴ ዎጎዎ ቦንቻ ዓሲኬ። 13 ዒዚ ታ ኮራ ሙኪ ዓጫ ዔቃያ፡- «ዒሻሢያ ሳውሌ! ዓኣፓ ኔኤኮ ጊንሢ ዛጎንጎ» ጋዓዛ፡ ዩማና ኔጉዎዎ ዓኣፓ ታኣኮ ዛጌም ዒዛኣ ታ ዴንቂኔ። 14 ዒዚ ታኣም ኩ ዓደንሢ ያኣዛሢ ኔ ዒዛኮ ማሊያ ዔራንዳጉዲ፡ ጂላ"ሢያ ኔ ዛጋንዳጉዲና ዑኡዞዎ ኔ ዒዛኮ ዎይዛንዳጉዲ ቤርታዲ ኔና ዒ ደኣሬኔ። 15 ዩያ ዒዚ ማዴሢ ኔ ዛጌ ባኮና ዎይዜ ባኮናኮ ዓሲ ቢያ ቤርቲዳ ዒዛኮ ኔ ማርካ

22:3 ዳኪ. ማድ" 5፡34-39። 22:5 ዳኪ. ማድ" 8፡3፤ 26፡9-11።

ማዕንዳጉዲኪ። 16 ሂዳያ ሐሢ ኔ ዓይጎር ናጋይ? ዔቂጋጋ ጠአያ ማሰቲ፤ ጎዳ ሺአቂ ጎሞይዳጋአ ማሰቲ ጌኤሽኩ» ጌዔኔ።

17 «ዩካፓ ዩሩሳላሜ ማዕ ታ ሙኪ ጌኤዮ ማኣርይዳ ሺኢቃአና ጾሳ ፔጋሲ ዳቄ ባአዚ" ታ ዛጌኔ። 18 ዩማና ጎዳሢ ታአም ጴዲ ኔኤኔ ታ ዛሎ"ና ከኤዛ ማርካቶ ኔኤኮ ዔያታ ዔኪንዲጠአሢሮ ኔጉሞ? ሩኡሪና ዩሩሳላሜይዳጋ ከሰኩ!» ጌዔኔ። 19 ታአኒያ ጎዳሢያ! ዓይሁዴ ዓሳኮ ቡከንቶ ቤዘ ዓአዲ ዓአዲ ኔና ጉሙርቃ ዓሳ ቢያ ታ ቱኬ"ሢና ጳርቄሢ ዔያታ ፔ ቶኦኪና ዔራኔ። 20 ኔኤኮ ማርካ ማዔ ዒሰጸፓሮስ ሞዶጠአና፣ ታአኒያ ታ ቶኦኪና ሞዶ ዓሳ ዓጫ ዔቂ ዔያቶና ሞላ" ሞዶፃ ቃራኬ ጌዔኔ፤ ዓፒሎሞ ታ ዔያቶኮ ካፔኔ፤ 21 ጎዳሢ ጊንሣ «ሐኬ ዓአ፣ ዓይሁዴ ማዕባአ ዜርፆ ባንሢ ታ ኔና ዳካንዳሢሮ ዔቂ ዴንዴ» » ታአም ጌዔኔ።

ጳውሎስ ሮሜ ዓጪ ዓሲ ማዕያ ፔጋሲ ከኤዘሢ

22 ዩያ ሄላ"ንዳአና ዴራ" ቢያ ጳውሎስኮ ጌኤዘ ሞይዛኔ፤ ዩማፓ ዓሳ ዑኡዘ ዴ"ግዲ፡- «ሐያጉዴ ዓሲ ሳያይዳጋ ባይቆም! ሐያጉዴ ዓሲ ሽምፖና ናንጋኒያ ኮይሱሞሴ!» ጌዒ ጌዒ ዒላቲኔ። 23 ዒማ"ና ዔያታ ዒላቲ ዒላቲ ማአዓሢ ፔኤኮ ከሲ" ከፍጊ ከፍጊ ዓጪያ ሳዓፓ ዔኪ ዔኪ ጫሪንጮ ባንሢ ላአሌኔ። * 24 ፖኦሊሶ ዓይሣሢ ዩያ ዛጋያ ጳውሎስ ፖኦሊሳ ዓአ ቤዘ ጌልዛንዳጉዲ ፖኦሊሶ ዓይሢ፣ ዴራ" ዒዛይዳ ዓይጎር ሃያይዲ ዒላታቲያ ዔራኒ ጳርቄ ጳርቄ ዒዛ ጾኦጌንዳጉዲ ዓይሣኔ። 25 ዒማ"ና ዒልዒዳጋ ፑኤሲንቴ ቃልሾና ፒሪቱኪ" ጳርቃኒ ዔያታ ጊኢጋአና ጳውሎስ ዒዛ ኮራ ዔቂ ዓአ ጌኤቶ ፖኦሊሶ ዓይሣሢ ኮራ፡- «ሮሜ ዓጪ ዓሲ ማዕያ ሞጊንቲባአንቴ ጳርቃንዳጉዲ ዒንሢም ዓይሢንቲያ?» ጌዔኔ።

26 ጌኤቶ ፖኦሊሶ ዓይሣሢ ዩያ ሞይዛያ ሮሜ ዓጪ" ፖኦሊሶ ዓይሣሢ ባንሢ ዓአዲ፡- «ኔኤኒ ሞዳ"ኒ ጋዓይ? ሐይ ዓሢ ሮሜ ዓጪ ዓሲኬ!» ጌዔኔ።

27 ዩያ ሮ ፖኦሊሶ ዓይሣሢ ጳውሎስ ባንሢ ዶጪጋፓ፡- «ሂንዳ ታአም ከኤዘ፤ ኔኤኒ ሮሜ ዓጪ ዓሲዳ?» ጋዓዛ፣ ዒዚያ፡- «ሂዮ» ጌዔኔ።

28 ፖኦሊሶ ዓይሣሢ፡- «ታአኒ ዒዛ ዓጪ" ዓሲ ማዓኒ ሚርጌ ማኢሽ ጪጌኔ» ጋዓዛ፣ ጳውሎስ ጊንሣ፡- «ታአኒ ጋዓንቴ ሮሜ ዓጪ ዓሲ ማዕ ዒኢካ ሾሾይንቴያኩ» ጌዔኔ።

22:20 ዳኪ. ማድ" 7:58። * 22:23 ዓይሁዴ ዓሳ ዩያ ማዴሢ" ዔያታ ዳጋዳያ ማዳ ባአዚ"ታሢሮ ጳውሎስ ማዴ ባካ ዔያቶ ዳጋሲምኩ።

29 ይያር ዒዛ ያኦጫኒ ገሊገንቲ ዓኣ ዓሳ ኔጉዋየ ዒዛ ኮራፓ ሺኢኬኔ፤ ፖኦሊሶ ዓይሣሢያ ርሜ ዓጪ ዓሲ ማዔሣ ካኒ ቢራታና ቱኪ"ሴሣር ዒጊጮኖ።

ጳውሎሴ ዋጎ ዋጋ ዓሶ ቤርቶ ሺኢኬሣ

30 ዘር ጉቴ"ሎ ፖኦሊሶ ዓይሣሢያ ዓይሁደ ዓሳ ጳውሎሴ ዋጎና ዓይሣሳሣኪኮ ፒዜ ማዔ ካራ" ዓይጎታቴያ ዔራኒ ኮዒ፣ ቁኤሶኮ ሱኡጎና ዋጎ ዋጋ ዓሶና ቢያ ቡኪንታጎዳጉዲ ዓይሣኔ፤ ዩካፓ ጳውሎሴ ቱኪ"ንቴ ካኖ ቢራቶ ቡሊ"፣ ዔያቶ ቤርቶ ዒዛ ዒ ሺኢኬኔ።

23

1 ዩካፓ ጳውሎሴ ዋጎ ዋጋ ዓሶ ገዥ ገዒ ዘጋየ፡- «ዒሾንሣዮቴ! ሐኖ" ሄላ"ንዳኣና ቢያ ዋዴ ያኦሲ ቤርቶይዳ ታ ናንገሣ ኮሺ ማለሣናኬ» ገዒ። 2 ቁኤሶ ቢያኮ ሱኡጋሣ፣ ሐናኒያ ጋዓንቴ ጳውሎሴኮ ዳንጎ ባዓንዳጉዲ ኮራ ዔቁ ዓኣ ዓሶ ዓይሣኔ። 3 ዩማ"ና ጳውሎሴ ሃናኒያም፡- «ኔኤኒ ቦኦሪንታሣና ዑፃ ማኤቸንቴ ኮጫሣ! ኔና ያኦሲ ጳርቃንዳኔ፤ ዋገ ጎይሣና ዋጋኒ ሐካ ኔ ዴዒ ዓኣፃ ዋገባኣ ጎይሣና ታና ጳርቃንዳጉዲ ኔ ዓይሣ?» ገዒ።

4 ዒኢካ ዓኣ ዓሳ ጳውሎሴ ኮራ፡- «ቁኤሶ ቢያኮ ሱኡጋሣ ማዔ፣ ያኦሲም ማዳሣ ኔ ጫጫሽካ?» ገዒ።

5 ጳውሎሴያ፡- «ዒሾንሣዮቴ! ቁኤሶኮ ቢያ ዒ ሱኡገ ማዔሣ ታ ዔሪባኣሣርኬ፤ ገኤዢ ማፃኣፖይዳ ህ ዴር"ኮ ሱኡጋሣ ዑያይዳ ፑርታ ገኤሲ ገሰቲፖ ገይንቲ ፃኣፒንቴኔ» ገዒ።

6 ጳውሎሴ ዒኢካ ዓኣ ዓሶይዳፓ ሄካሣ ፔርሴ ዓሲ፤ ዘላ" ሶዶቁ ዓሲ ማዔሣ ዔራዎ፡- «ዒሾንሣዮቴ! ታኣኒ ፔርሴ ዓሶ ፃጳፓ ሾይንቴያ ፔርሴ ዓሲኬ፤ ሐይሾ ሐሣ ታኣኒ ዋጎ ዓሶ ቤርቶ ሺኢኬሣ ሐይቁ ዓሲ ዔቃንዳያታሣ ጉሙርቃሣርኬ» ገዒ ዑኡዘ ፔኤሲ" ዴጊዲ ዋጎ ዋጋ ዓሶ ባኣካ" ኬኤዜኔ።

7 ጳውሎሴያ ዩያ ኬኤዘዘ ፔርሴ ዓሶና ሶዶቁ ዓሶና ባኣካ" ዣላ ማዢንቴም ዋጎ ዋጋ ዓሳ ላምፖ ፓቂንቴ። 8 ዓይጎር ገዒቶ ሶዶቁ ዓሳ፡- «ሐይቢፓ ዔቁሣ ባኣሴ፤ ያኦሲኮ ኪኢታንቻኣ ባኣሴ፤ ዓያናኣ ባኣሴ» ጋዓዛ፣ ፔርሴ ዓሳ ጋዓንቴ «ዩይ ባካ ቢያ ዓኣኔ» ገዒ ጉሙርቃ። 9 ዩያር ዴኤፒ ዣላ ዔቁኔ፤ ፔርሴ ፃጳፓ ማዔ ፔቴ" ፔቴ" ሙሴ ዋጎ ዔርዘ ዓሳ ዔቃዎ፡- «ኦኡኒ ሐያ ዓሣዳ ፔቴታዎ ፑርታ

23:3 ማቴ. 23:27-28። 23:5 ኬሲ. ማፃ 22:28። 23:6 ዳኪ. ማድ" 26:5፤ ፒለጲ. 3:5። 23:8 ማቴ. 22:23፤ ማር. 12:18፤ ሉቃ. 20:27።

ባአዚ" ዳንቁባአሴ፤ ዓያና ሐሣ ያኦሲኮ ኪኢታንቻ ዒዛም ኬኤዜያ ናንዳኔ ኑ ዓይጎ ዓራጎዳይ?» ጌዒ ማርሜኔ።

10 ዣላሢ ደዲ ደዲ ዳንዳሢሮ ዓሳ ጳውሎሴ ሸኦሊ ላአሉዋጉዲ ፖኦሊሶ ዓይሣሢ ዒጊጫዎ፡- «ኬዲ" ዓሶ ባአካ"ፓ ጳውሎሴ ጎቹ ኬሲ" ዔኪ ዩዒ፣ ፖኦሊሳ ዓአ ቤዞ ዔኪ ዓአዲዋቴ!» ጌዒ ፖኦሊሶ ዓይሣኔ።

11 ዩኖ ዋንቴሎ ጎዳሢ ጳውሎሴኮ ኮይሎ"ይዳ ዔቃዎ፡- «ዒጊጫፖ! ዩሩሳላሜይዳ ታአም ኔ ማርካዳሢጉዲ ሐሣ ሮሜይዳኣ ኔ ታአም ማርካዳንዳያ ኮይሳኔ» ጌዔኔ።

ጳውሎሴ ዎዳኒ ዓሶኮ ዎላ" ዘርቲዎ

12 ሳዓ ካራዛ ዓይሁዶ ዓሳ ቡኪንታዎ፡- «ጳውሎሴ ኑ ዎዲዎፖ ሙኡዚ"ያ ሙዒ ዑሸኮ ባአዚ"ያ ዑሸካዓ» ጌዒ ጫአቄኔ። 13 ዩኖ ጌዒ ፑርቶ ማሊዶና ዎላ" ዘርቲ ዓሶኮ ፓይዳ" ያይዲታሚ"ፓ ዑሣኬ። 14 ዔያታ ቄኤሶኮ ሱኡጎና ጨሞና ኮራ ዓአዳዎ፡- « ጳውሎሴ ኑኡኒ ዎዲዎፖ ሙኡዚ" ሙዒንዲዋሴ» ጌዒ ጫአቄኔ፤ 15 ዩኖሮ ዒንሢ ዎጎ ዎጋ ዓሶና ዎላ" ጌሰታዎ፡ ኮሺ" ዒንሢ ያኦጫንዳ ባአዚ" ዓአያ ማሊሲጋፓ፣ ጳውሎሴ ዒንሢሞ ዒዚ ዔኪ ዩዒንዳጉዲ ፖኦሊሶ ዓይሣሢ ያኦጫዎቴ። ኑኡኒያ ዒዚ ሃካ ዒንሢ ቤርቶ ሄላ"ንዳሢኮ ቤርታ ዒዛ ዎዳኒ ጊኢጌኔ» ጌዔኔ።

16 ጋዓንቴ ጳውሎሴኮ ዔኤዚማቲ ማዓ፣ ናይሰኬያ ዩኖ ፑርቶ ዘርቶና ማሊዳሎ ዎይዜሢሮ ፖኦሊሳ ዓአ ቤዞ ዳንዲ ጌላዎ ሐይሶ ጳውሎሴም ኬኤዜኔ። 17 ጳውሎሴያ ያኤቶ ያኤቶ ፖኦሊሶ ዓይሣዞንሢዳፓ ፔቴ"ሢ ዔኤላ"ዎ፡- «ሐይ ናዓሢ ሮሜ ዓጮ" ፖኦሊሶ ዓይሣሢም ኬኤዛ ባአዚ" ዓአያታሢሮ ዒዛ ቤርቶ ሺኢሺ» ጌዔኔ። 18 ያኤቶ ፖኦሊሶ ዓይሣሢ ናዓሢ ዔኪ ሮሜ ዓጮ" ፖኦሊሶ ዓይሣሢ ኮራ ጌላዎ፡- «ቴኡዞ ዓሢ፣ ጳውሎሴ፡ ሐይ ናዓሢ ኔኤም ኬኤዛ ባአዚ" ዓአሢሮ ኔ ቤርቶ ዒዛ ሺኢሻንዳጉዲ ታና ሺኢቄኔ» ጌዔኔ።

19 ሮሜ ዓጮ" ፖኦሊሶ ዓይሣሢ ናዓሢኮ ኩጮ ዓርቂ ዶጪሳዎ፡- «ኔ ታአም ኬኤዛ ባካ ዓይጎዳይ?» ጌዒ ዒዛ ዲሞሲ ያኦጫኔ።

20 ናዓሢያ ዒዛም ኬኤዛዎ፡- «ዓይሁዶ ዓሳ ጳውሎሴ ዛሎ" ባኮ ደዲሺ ያኦጫያ ማሊ ዚሮ ዎጎ ዎጋ ዓሶ ቤርቶ ኔ ዔያቶም ሺኢሻንዳጉዲ ኔና ያኦጫኒ ዎላ" ዘርቲኔ፤ 21 ጋዓንቴ ኔ ዔያቶም ዔኤዒፓ፤ ዓይጎሮ ጌዔቶ ዔያታ ሐዛ ኑ ዎዲዎፖ ሙኡዚ"ያ ሙዓዓ፣ ዑሸኮ ባአዚ"ያ ዑሸካዓ» ጌዒ ዎላ" ዘርቲ ጫአቄ ያይዲታሚ"ፓ

ባሼ ዓሲ ዒዛ ዎዳኒ ካቲ" ዓኣኔ፤ ሓሢ ዔያታ ካፓሢ ኔ ዑኡዘ ሌሊኬ» ጌዔኔ።

22 ሮሜ ዓጮ" ፖኦሊሶ ዓይሣሢያ፡- «ሓያ ኔ ታኦም ኬኤዜ ባኮ ማሌ" የኦማኣ ኬኤዚፖ» ጋዓዖ ናማሢ ዳኬኔ።

ጳውሎሴኮ ቂሳሪያ ዳኪንቴዎ

23 ዩካፓ ሮሜ ዓጮ" ፖኦሊሶ ዓይሣሢ ጄኤቶ ጄኤቶ ፖኦሊሶ ዓይሣዘንሢዳፓ ላምዎንሢ ዔኤላ"ዎ፡- «ዲሞኮ የኦሻ ዎዴ ማዓዛ ቂሳሪያ ዓጮ" ዴንዳንዳ ላምዎ ጄኤታ ዲማ ዲማ የልዚ ዓሲ፣ ላንካይታሚ" ፓርና የላ ዓሲ ሃሣ ላምዎ ጄኤታ ዎርሢና የላ ዓሲ ገኢጊሺ። 24 ገንሣ ጳውሎሴማኣ ፓር ገኢጊሻዎ ዓጮ" ዎይሣ ፒልኪሴ ባንሣ ኮሺና ሄሊ"ሱዎቴ» ጌዔኔ፤ 25 ቃሲ" ሓሣ ሃዚ ጋዓ ኪኢታ ዳኬኔ፡-

26 «ባንቸንታያና ዓጮ" ዎይሣና ማዔ ፒልኪሴም፤ ሓይ ኪኢታ ዳኪንቴሢ፡-

ቂላውዲዎስ ሉሲያይዳፓኬ፤ ኔ ኮሺዳ? 27 ሓያ ዓሢ ዓይሁዴ ዓሳ ዓርቂ ዎዳኒ ጋዓንቴ ዒዚ ሮሜ ዓጪ ዓሲ ማዔሢ ታ ዔሬሢሮ ታኣኮ ፖኦሊሶና ዎላ" ታ ሙኪ ዒዛ ዳቂሼኔ። 28 ዓይጎ ዛላና ዓሳ ዒዛ ዎጎና ዓይሢሳኒ ኮዔቴያ ዔራኒ ዔያቶኮ ዎጎ ዎጋ ዓሶ ቤርቶ ዒዛ ታ ሺኢሼኔ። 29 ጋዓንቴ ዔያታ ዓይሢሳኒ ኮዓሢ ፔ ዎጎ ዛሎ" ባኣዚ"ና ማዔሢ ታ ዔሬኔ፤ ሓሣ ሓያ ዓሢ ሃይቢና ቱኡሲናም ሄሊ"ሳ ባኣዚ" ባኣሴ። 30 ሓያ ዓሢ ዎዳሢሮ ዒዛይዳ ፑርታ ማላሢ ማላንቴሢ ታ ዎይዛየ ኔጉዎየ ኔ ባንሢ ታ ዳኬኔ፤ ዎጎና ዓይሢሳኒያ ኮዓ ዓሳኣ ፔኤኮ ሓይሶ ኔ ቤርታ ሺኢሻንዳጉዲ ታ ዔያቶም ኬኤዜኔ።»

31 ዩያር የሎ ዓሳ ዓይሢንቴ ጎይዎና ጳውሎሴ ዲማ ዔኪ፣ ዓንቲጳጲሪሴ ጌይንታ ዓጮ" ሄሊ"ሴኔ፤ 32 ዚር ጉቴ"ሎ ፓራሢና ዎላ" ዓኣ ዓሳ ጳውሎሴና ዎላ" ዴንዳንዳጉዲ ማሃዎ፣ ዔያታ ገንሣ ፔ ቤዘ ማዔኔ። 33 ፓራሢና ዓኣ ዓሳ ቂሳሪያ ሄሊ"ዎ ዳኪንቴ ኪኢቶ" ዓጮ" ዎይሣሢም ዒንገ፣ ጳውሎሴ ዒዛ ቤርቶ ዔኪ ሺኢሼኔ። 34 ዓጮ" ዎይሣሢ ኪኢቶ" ዛጌሰካፓ ጳውሎሴ ኮራ፡- «ኔ ዓጮ"ኮ ዎና ቤዛፓዳይ?» ጌዒ የኦጪ፣ ኪልቂያ ዓጪ ዓሲ ማዔሢ ዔራዎ፡- 35 «ኔና ዎጎና ዓይሢሳኒ ኮዓ ዓሳ ሙካዛ ታ ሓይሶ ዎይዛንዳኔ» ጌዒ፣ ካኣቲ ሄርዲሴ ማኸሴ ማኣርይዳ ዴይሢ ዒዛ ካፓንዳጉዲ ዓሶ ዓይሢኔ።

24

ጳውሎስ ፕልኪሴ ቤርቶ ሺኢኬህ

1 ደንጎ ከሌ"ኮ ጊንፃፓ ቁኔሶኮ ሱኡጋህ ሓናኒያ ፔቴ" ፔቴ" ጨሚንታ ፃርፃሎሴ ጌይንታ ዋጌ ኮሺ" ዔራያ፣ ዓሲ ዛላ ጌሰታሰኬያንታ ፔኤና ዔኪ ቁሳሪያ ዓጮ" ዴንዴኔ፤ ዔያታ ዴንዲ ዓጮ" ዋይህ ፕልኪሴ ቤርቶ ሺኢኪ «ጳውሎስ ዳቤኔ» ጋዓ ባኮ ዛሎ" ከኤዜኔ። 2 ዩካፓ ጳውሎስ ዔኤሊ"ንቲ ሙካዛ፣ ፃርፃሎሴ ሂዚ ጌዒ ከኤዚያ ዓርቁኔ፡-

«ቦንቲንታ ፕልኪሴ! ኔ ዛሎ"ና ኑኡኒ ሚርጌ ኮሹሞ ዴንቁኔ፤ ኔኤኮ ኮኸ ዋይህያና ኑ ዴሮ"ሞ ላኦሚንቲህያ ጴዳኔ፤ 3 ዩኖ ኔኤኮ ኮኸ ማድ" ቢያ ቤዘና ቢያ ዋድ"ናይዳ ኑ ዔኮህሂ ዴኤፒ ቦንቸናከ። 4 ሓህ ጋዓንቲ ኔኤኮ ዋድ" ታ ጉሪ ኩርሱዋዖና ሃህ ታ ኔና ጉሪ ላቢ"ሱዋዖ ቃሚህና ታ ኔኤሞ ከኤዛ ባኮ ሹሌዑሞና ኔ ዋይዘንዳጉዲ ታ ኔና ሺኢቃኔ፤ 5 ሃይ ዓህ ኑኡኮ ፑርታ ዶርፖ ማዔኔ፤ ዓጮ" ቢያይዳ ዓኣ ዓይሁዶ ዓሶ ቢያህዳ ዣሎ ዔቁሳኔ፤ ናዝራ ዓሶ ጌይንታ፣ ዱሙሞ ማዝፍ ዓሶኮዋ ዒዚ ዔኪ ዓኣዳህከ። 6 ሓህ ዒዚ ያኦሲኮ ጌኤዣ ማኣሮ ዒኢሳኒ ጋዓንቲ ኑኡኒ ዓርቁ፣ ኑ ዋጎ ጎይዖና ዋጋኒ ማሌኔ፤ 7 ጋዓንቲ ፖኦሊሶ ዓይህ ሉሲዮሴ ሙኪ ዴኤፒ ዋልቁና ኑ ኩጮፓ ዒዛ ቶሊ"ሲ ዔኪ፣ ዒዛ ዋጎና ዓይህሳኒ ጋዓ ዓሶዋ ኔ ቤርቶ ሺኢኮንጎ ጌዒ ዓይህኔ፤ 8 ሃይ ኑኡኒ ዒዛይዳ ሺኢሻ ጌኤዛ ቢያ ጎኔ ማዒያ ኔ ኔ ቶኦኪና ዖኦጪ ዔራኒ ዳንዳዓኔ» ጋዓዛ፣ 9 ዓይሁዶ ዓሳ፡- «ዩይ ባካ ቢያ ጎኔከ» ጌዒ ጌዒ ሶኦሬ።

ጳውሎስ ፕልኪሴ ቤርቶይዳ ጌሰቲ ጌኤዘ

10 ዓጮ" ዋይህ፣ ፕልኪሴ ኩቻ ዳዋ ጳውሎስ ጌሰታንዳጉዲ ዓይህኔ፤ ጳውሎሴያ ሂዚ ጌዒ ማህኔ፡- «ሚርጌ ለዔ ሓያ ዓጮ"ኮ ኔ ዋይህያ ማዔህ ታ ዔራህር ታ ጊዳ" ሺኢኬ ጌኤዘኮ ማህያ ኔኤሞ ከኤዛህ ዋዛናከ፤ 11 ዩሩሳላሜይዳ ታ ያኦሲ ዚጊ ካኣሽካኒ ዓኣዴንቲ ታጾ ላምፖ ከሊ"ዳፓ ባሽንዲዋኣህ ኔ ኔ ቶኦኪና ዔራኒ ዳንዳዓኔ፤ 12 ጌኤዣ ማኣሮይዳ ማዖም ዓይሁዶ ዓሶኮ ቡኪንቶ ቤዘይዳ ሓህ ካታሞይዳ ማዔቶዋ ዓይጎ ዓሲናታዖ ታ ማርማንቲ፣ ዴሮ"ሞ ዣሎም ታ ዔቁሳንቲ ዔያታ ታና ዴንቁባኣሴ፤ 13 ሓህ ታ ጊዳ" ሺኢኬ ጌኤዘኮ ቢያ ጎናሲህ ማዓንዳ ማርካ ፔቴ"ታዖ ዔያታ ኔኤሞ ሺኢሻኒ ዳንዳዑዋሴ። 14 ጋዓንቲ ዩያ ታ ኔኤሞ ፔጋሲ ከኤዛኒ ኮዓኔ፤ ዔያታ ዒዚ ሉኡቁ ካኣሽካኔ» ጋዓ ጎይዖ ታኣኒ ኑ ዓድንህ ያኦዛህ ካኣሽካኔ፤ ጋዓንቲ ታኣኒ ሙሴ ዋጎና ያኦሲ ማሊያ ከኤዛ ዓሶ ማዓኣፖናይዳ ያኣፒንቲ ባኮ ቢያ ጉሙርቃኔ። 15 ዔያታ ሃጊ

ማዕንዳ ዎዞ" ጌሣሢጉዲ ኮዦ ዓሶንታ ፑርቶ ዓሶንታ ሓይቢዳፓ ዔቃንዳሢ ታኣኒያ ያኦሲና ጉሙርቃኔ። 16 ዩያሮ ያኦሲና ዓሲና ቤርቲዳ ጌኤሺ ዒና ታኣኮ ዓኣያ ማዕንዳጉዲ ቢያ ከሌ" ታ ኮዓኔ።

17 «ዬሩሳላሜይዳፓ ታ ከሰከንቴ ሚርጌ ሌዔ ዓኣዳሢኮ ጊንፃ ማንቆ ማዔ ታ ዓሶም ማዕንዳያ፣ ማኣዶ ሚኢሺና ሓሣ ያኦሲም ዒንጊንታ ዒንጎ ባኣዚ" ታኣኒ ዔኪ ሙከኔ። 18 ጌኤዦ ማኣሮይዳ ታና ዔያታ ዴንቁሢ ታ ዩያ ማዳንቴኬ፤ ዩማና ዑያ ጌኤሺያ ካኣዦ ዎጎ ታኣኒ ኩንሣኔ፤ ሓሣ ዒኢካ ታኣና ዎላ" ሚርጌ ዴሬያ ባኣሴ፤ ዣላኣ ዔቁባኣሴ። 19 ጋዓንቴ ዒሲያ ዓጮ"ይዳፓ ሙከ ፔቴ" ፔቴ" ዓይሁዴ ዓሲ ዒኢካ ዓኣኔ፤ ሂንዳ ዔያታ ታና ዎጎና ዓይሢሳኒ ጋዓ ካራ ዓኣቶ ኔ ቤርታ ሺኢኪ ከኤዞንጎ። 20 ጊንሣ ሓሣ ዎጎ ዎጋ ዓሶ ቤርቶይዳ ታ ሺኢካያ ማዴ ዳቢንቲ ዓኣቶ ሓሢ ሃይካ ዓኣዞንሢ ከኤዞንጎ። 21 ጎኔና ታ ዔያቶ ባኣኮ"ይዳ ዔቁ <ሓይቁ ዓሲኮ ዔቁሢ ዓኣኔ> ጌይያና ሓ" ታኣኒ ዎጌም ዒንሢ ቤርቶ ሺኢኪ ኔ ጌዒ ዴ"ግ ጌዔ ዑኡሲና ታ ከኤዞኔ፤ ዩማፓ ዓታዞ ሜሌ" ታኣኒ ማዴ ባኣዚ" ባኣሴ» ጌዔኔ።

22 ፒልኪሴ ጋዓንቴ ጎዳሢ ጎይያ ዞሎ" ሚርጌና ዔራያታሢር፡- «ፖኦሊሶ ዓይሣ፣ ሉሲዮሴ ሙካዛ ዒንሢ ጌኤዞ ጌሰቲ ታ ከንሣንዳኔ» ጌዒ ዔያቶ ዳካያ፣ 23 ጳውሎሴ ካፓ፣ ጄኤቶ ፖኦሊሶ ዓይሣሢ፡- «ፔቶዎ ዒዞ ቃዚ ሜታሱዎያ ዞጊ ካፔ፤ ዒዞኮ ዒጊና ዒዞም ኮይሳ ባኮ ዔኪ ሙካኣና ላኣጊፖ» ጌዔኔ።

ጳውሎሴ ፒልኪሴና ዲሩሲላና ቤርቶ ሺኢኪሢ

24 ዳካ" ከሌ"ኮ ጊንፃፓ ፒልኪሴ ዲሩሲላ ጌይንታ ዓይሁዴ ዓሲ ማዔያ ዒዞኮ ማቸሰከኖና ዎላ" ሙከ፣ ጳውሎሴ ዔኤሌ"ሴሰካፓ ዩሱሰ ኪሪሰቶሴ ጉሙርቁሢ ዞላ ዒዚ ከኤዞሢ ዎይዜኔ። 25 ጂሎ"ዎና፣ ዓሲ ፔና ዎይሣንዳ ዞላና ሓሣ ያኦሲ ሃጊ ቢያሢዳ ዎጋንዳሢ ዞሎ" ጳውሎሴ ከኤዞዞ ፒልኪሴ ዒጊጮያ፡- «ሓሢ ዴንዴ፤ ጊኢጌቴ ሜሌ" ከሌ"ና ታ ኔና ዔኤሌ"ሳንዳኔ» ጌዔኔ። 26 ፒልኪሴ ጳውሎሴይዳፓ ሚኢሺ ዔካኒ ዎዞ ጌሢ፣ ሚርጌ ከሌ" ጳውሎሴ ዔኤሌ"ሲ ዔኤሌ"ሲ ጌሰታኔ።

27 ላምያ ለዔኮ ጊንፃፓ ጳርቁዮሰ ፒሰያሴ ጎያሢ ፒልኪሴ ቤዞ ጌሌኔ፤ ፒልኪሴያ ዓይሁዴ ዓሶ ዎዞሳኒ ጳውሎሴ ቱኪ"ንቴ ቤዞ ሓሺ"ኔ።

24:18 ዳኪ. ማድ" 21፣17-28። 24:21 ዳኪ. ማድ" 23፣6።

25

ጳውሎስጉ ጌኤዛ ሮሜ ካኣቲ ቤርቶ ሺኢኮም የኦጪዖ

1 ፒሰዖሴ ፔኤኮ ዒ ዓጮ" ዋይሣ ቤዞ ጌሊ ሐይሣ ከሊ" ዴዓዖ፥ ቀሳሪያይዳፓ ዩሩሳላሜ ዓኣዴኔ፤ 2-3 ዒኢካ ቁኤሶኮ ሱኡጎና ፔቴ" ፔቴ" ዓይሁዶ ዓሶኮ ዴኤፖና ጳውሎሴ ማዴ ባኮ ዛሎ" ከኤዛዖ፡- «ጳውሎሴ ሐካ ዩሩሳላሜ ዒከ ኑም ዩዔቴራ» ጌዒ ዒዛ ኮራ ሚርጌና ሺኢቄኔ፤ ዩያ ዔያታ ጋዒኒ ዳንዳዔሢ ጎይፃ ካቲ" ጳውሎሴ ዋዲኒ ኮዔሢሮኬ። 4 ፒሰዖሴ ጋዓንቴ፡- «ጳውሎሴ ቀሳሪያይዳ ቴኡዞ ማኣራ ቴኡቲ ካፒንቴ ዓኣኔ፤ ታኣኒያ ሐሣ ዑኩና ማዒ ዒኢካ ዓኣዳንዳኔ፤ 5 ዒንሢኮ ዋይሣ ዓሳ ታኣና ዋላ" ቀሳሪያ ዓኣዴ፥ ጳውሎሴ ማዴ ዳቢንቴ ዓኣቲ ዒኢካ ዔያታ ዋጊሶንጎ» ጌዔኔ።

6 ፒሰዖሴ ሳሊ"ዳፓ ዴንዲ ታጾ ከሊ" ሄላ"ንዳኣና ዔያቶና ዋላ" ዴዔሰካፓ ቀሳሪያ ዓጮ" ዓኣዴኔ፤ ዒኢካ ዒዚ ሄላ"ዖ ዘር ጉቴ"ሎ ዋጎ ዋጎ ቤዘይዳ ዴዒ ዓሳ ዒዛም ጳውሎሴ ዔከ ሺኢሻንዳጉዲ ዓይሣኔ። 7 ዩካፓ ጳውሎሴ ሙካዛ ዩሩሳላሜይዳፓ ሙኬ ዓይሁዶ ዓሳ ዒዛኮ ዓጮ" ማንጊ ዔቃዖ ዒዛ ላሣንዳ ማርካ ዴንቃኑዋያ ሚርጌ ዴኤሢ ሐይሴ ዒዛይዳ ሺኢሹኔ፤ 8 ጳውሎሴያ፡- «ታኣኒ ዓይሁዶ ዓሶኮ ዋጎይዳ ማዔቶዋ ጌኤኮ ማኣሮይዳ ሐሣ ሮሜ ዓጮ"ኮ ካኣቲ ዑዖይዳ ማዴ ዳቢንቴ ባኣሴ» ጌዒ ማሂ ከኤዜኔ።

9 ፒሰዖሴ ጋዓንቴ ዓይሁዶ ዓሶ ዋዛሳኒ ኮዓዖ ጳውሎሴ ኮራ፡- «ዩሩሳላሜ ዓኣዴ ሐያ ባኮ ዛሎ" ዒኢካ ታ ቤርታ ኔ ሞኦታኒ ዴንዲንዳዎይ?» ጌዔኔ።

10 ጳውሎሴ ጋዓንቴ ሂዚ ጌዒ ማሄኔ፡- «ሐይሾ ታኣኒ ሞኦቲንታኒ ታና ኮይሳ፥ ሮሜ ዓጮ" ካኣቲኮ ዋጎ ቤዛ ዔቄኔ፤ ኔኤኒ ኮሺ" ዔራሢጉዲ ዓይሁዶ ዓሶይዳ ታኣኒ ፔቴ"ታዖ ማዴ ዳቢንቴ ባኣሴ፤

11 ታኣኒ ዳቤያ ማዔቶ ሐሣ ሃይቢም ታና ዋጊሳ ዳቢንቴ ታ ማዴቶ ሃይቢፓ ዳቆም ታ ጎዑዋሴ፤ ጋዓንቴ ዔያቶኮ ጌኤዛ ጉሪ ባኣዚ" ማዔቶ የኣኒያ ታና ዔያቶም ዓኣሢ ዒንገኒ ዳንዳዑዋሴ፤ ታኣኒ ሐሢ ጌኤዛ ሮሜ ዓጮ" ካኣቲ ቤርቶ ዓኣዳንዳጉዲ ኮዓኔ» ጌዔኔ።

12 ዒማ"ና ፒሰዖሴ ዒዛና ዋላ" ዘርቲ ማዴ ዓሶና ጌሰታዖ፡- «ሮሜ ዓጮ" ካኣቲ ቤርቶ ታና ዳኬ ጌዒ ኔ የኦጪፎሢሮ ካኣቲ ቤርቶ ኔ ዓኣዳንዳኔ» ጌዔኔ።

ጳውሎሴ ዓጊሪጳና ቤርኒቄና ቤርቶ ሺኢኬሢሢ

13 ዳካ" ከሊ"ኮ ጊንፃ ካኣቲ ዓጊሪጳና ቤርኒቄና ፒሰዖሴ ዛጋኒ ቀሳሪያ ዓጮ" ሙከኔ። 14 ዒኢካ ዔያታ ሚርጌ ከሊ" ዴዔሢሮ ፒሰዖሴ ጳውሎሴ ዛሎ" ባኮ ሂዚ ጌዒ ካኣቲ ዓጊሪጳም ፔጋሲ

ከኤዜኔ፦ «ፒልኪሴ ቤርታ፥ ዋዳ ቱኪ" ሓሼ" ፔቴ" ዓሲ ዓኣኔ፤
15 ታኣኒ ዩሩሳላሜ ዓኣዲ ዲኢካ ዓኣንጉቴ ቁኤሶሶሶ ሱኡጎና ዓይሁዶ
ዓሶሶ ጨሞና ዬያ ዓሢ ዛሎ" ታኣም ከኤዜሰካፓ ታ ዋጋንዳጉዲ
ዔያታ ጾኑጨጭ። 16 ታኣኒ ጋዓንጉቴ «ዋጌም ሺኢኬ ዓሲ ሺኢሼ ዓሶ
ቤርታ ዔቂ ዋጊሳ ሓይሶ ዛሎ" ማሂ ከኤዙዋንጉቴ ዋጊሳኒ ሺኢሼ
ዓሶም ዓኣሢ ዲንጊሢ ሮሜ ዓጪ ዳምቤቱዋሴ» ጌዒ ዔያቶም
ማሄኔ። 17 ዬያሮ ዋጎም ሺኢሼ ዓሳ ቡከንጉቴ ሃይካ ሙካዛ ኔጉዋዎ
ዚራሎ ዋጎ ዋጎ ቤዘይዳ ዳዒ፥ ጳውሎሴ ዓሳ ዔኪ ዬዓንዳጉዲ ታ
ዓይሣኔ። 18 ዬካፓ ዋጎም ሺኢሼ ዓሳ ዒ ዳቤ ባኮ ከኤዛኒ ዔቃዛ፦
«ፑርታ ባኣዚ" ዒዚ ማዳያናንዳኔ» ጌዒ ታ ማለጎይያ ጉዳያ ዋጌም
ሺኢሻንዳ ባኣዚ" ፔቴ"ታዎ ዔያታ ሺኢሼባኣሴ። 19 ጋዓንጉቴ ዒዛና
ዋላ" ዔያታ ማርማሢ ፔኤኮ ካኣኸ ዛሎ"ና ሃሣ ሃይቄያታንጉቴ፥
ጳውሎሴ «ሺምፔና ዓኣኔ» ጋዓ ዬሱሴና ዛሎ"ከ። 20 ታኣኒያ ዬያጉዶ
ባኣዚ" ጾኦጪዎ ታኣም ዴኤፃሢሮ ጳውሎሴ ኮራ፦ «ዩሩሳላሜ ዓኣዲ
ዲኢካ ሓያ ባኮ ኔ ሞኦቲንታኒ ዴንዲንዳዎይ?» ጌዔኔ። 21 ዒዚ
ጋዓንጉቴ ጌኤዛ ሮሜ ካኣቲ ባንሢ ዓኣዳንዳጉዲ ኮዒ «ካኣቲ ባንሢ
ታና ዳኩዋቴ» ጌዔሢሮ ታ ዒዛ ዳካንዳያ ሄላ"ንዳኣና ቱኡዞ ማኣራ
ዴዓንዳጉዲ ዓይሣኔ» ጌዔኔ።

22 ካኣታሢ ዓጊሪጳ ፒሰፆሴ ኮራ፦ «ታኣኒያ ዬይ ዓሢ ጌሰታ
ሓይሶ ዋይዛኒ ኮዔኔ» ጌዔኔ። ፒሰፆሴያ ዒዛም፦ «ሂዴቶ ዚር ኔ
ዋይዛንዳኔ» ጌዔኔ።

23 ዬያሮ ዚር ጉቴ"ሎ ዓጊሪጳና ቤርኒቄና ካኣቱም ዓፒሎ ማኣዒ፥
ዴኤፒ ዒጊቻ ቦንቹንጉቴና ፖኦሊሶሶ ሱኡጎና ሓሣ ካታምይዳ ዓኣ
ዴኤፖ ዓሶና ዋላ" ዋጎ ዋጎ ዳልጎ ማኣሮ ጌላዛ ፒሰፆሴ ጳውሎሴ
ዲኢካ ዔኤሊ" ዔኪ ሺኢሻዎ፦ 24 «ካኣታሢ ዓጊሪጳ! ሃሣ ዒንሢያ
ቢያ ኦኡና ዋላ" ዓኣ ዓሳ፤ «ሓይ ዓሢ ሃካፓ ሴካ ሺምፔና ናንጋንዳያ
ኮይሱዋሴ» ጌዒ ዒላቲ ዩሩሳላሜይዳ ሓሣ ሃይካ ናንጋ ዓይሁዶ
ዓሳ ታ ዋጋንዳጉዲ ታና ዔያታ ጾኑጨ ዓሢ ሃይ ዒንሢ ዛጋሢከ።
25 ታኣኒ ጋዓንጉቴ ሃይቢም ዋጊሳንዳ ዳቢንጉቴ ዒዛይዳ ፔቴ"ታዎ
ዴንቁባኣሴ፤ ጋዓንጉቴ ዒዚ ሮሜ ዓጮ" ካኣቲ ባንሢ ታና ዳኬ
ጌዔሢሮ ዒኢካ ታ ዳካኒከ። 26 ያዲ ማዔቶም ዒዛ ዛሎ" ሮሜ
ዓጮ" ካኣቲም ታ ፃኣፒ ዳካንዳ ዔርቲ ባኣዚ" ባኣሴ፤ ዬያሮ ሓሢ
ዒዚ ጾኦጪንጉቴሰካፓ ታ ፃኣፓንዳ ባኣዚ" ዴንቃንዳያናንዳኔ ጌዒ
ዒንሢ ቤርቶ፥ ባሺና ሓሣ ካኣቲ ዓጊሪጳ! ኔ ቤርቶ ታ ሺኢሼኔ።
27 ዓይጎሮ ጌዔቶ ቱኡሲ ዓሲ ሌካ ዴ"ጌ ቤሲ ዳከንታኣና ዒዛ ዓይሢ
ባኮ ዛሎ" ፔጋሱዋዎ ሓሺ"ሢ ዔኤያቶ ታኣም ማሊ ዴዴኔ» ጌዔኔ።

26

ጳውሎስ ካኦት ዓገሪጳ ቤርታ ጌሰቴ ጌኤዞ

1 ዓገሪጳ ጳውሎስም፡- «ኔኤኒ ኔ ዛሎ" ኬኤዛኒ ዳንዳዓኔ» ጋዓዛ፣ ጳውሎስ ቶኦኮ" ሂርኪዳሰካፓ ዔቁ ሂዚ ጌዒ ጌኤዞ ማሂያ ሓይሶ ኬኤዜኔ፤

2 «ካኦታሦ ዓገሪጳ! ዓይሁዶ ዓሳ ታና ዎጎና ዓይሂሳ ባኮ ዛሎ" ቢያር ሃኖ" ታ ኔ ቤርቶይዳ ጌኤዞ ማሂያ ሓይሶ ኬኤዛሂ ኮሺ" ዳኤፒ ዎዛናኬ። 3 ዓይጎር ጌዔቶ ኔኤኒ ዓይሁዶ ዓሶ ዳምቦና ዔያቶኮ ማርማሂና ፔጋሲ ዔራያታሂሮ፣ ሸሌዔ ዒናና ዳንዳዒ ታ ጌኤዞ ኔ ዎይዛንዳጉዲ ታ ኔና ሸኢቃኔ።

4 «ናኦቶይዳፓ ዓርቃያ ዎይቲ ታ ናንጌቶዎ ዓይሁዶ ዓሳ ዔራኔ፤ ቤርታፓ ዓርቃያ ታ ዓጮ"ና ዬሩሳላሜናይዳ ታ ናንጌ ናንጎ ታኦሲ" ዔያታ ዔራኔ። 5 ሓሣ ዔያታ ፔ ቶኦኪና ማርካዳኒ ኮዔቶ ኦ ካኦኮይዳ ዎጎ ኮሺ" ደዲሺ ዓርቃያ ማዔ፣ ፔርሴ ዓሶ ዛላ" ማዒ ታ ናንጌሂ ዓይፃፓ ዓርቃያ ዔያታ ዔራኔ። 6 ሓሂ ታ ሓካ ዎጎም ሸኢኬሂ ያኦሲ ኦ ዓደንሂም ጫኦቂ ዒንገ፣ ሃገ ማዓንዳ ዎዞ ጉሙርቃሂሮኬ። 7 ዬኖ ሃገ ማዓንዳ ዎዞ" ሂላ"ኒ ታጳ ላምፃ ፃጳ ሮኦሪና ዎንቴና ያኦሲ ካኦሸኪ ካኦሸኪ ካፔኔ፤ ካኦቲዮ! ታና ሃሂ ዓይሁዶ ዓሳ ዎጎና ዓይሂሳሂ ዬኖ ታ ጉሙርቃሂሮኬ። 8 ሓይቁ ዓሶ ያኦሲ ዔቁሳንዳያ ማዒፃ ዎይቲ ዒንሂ፣ ዓይሁዶ ዓሶም ጉሙርቁንቱዎያ ማዔይ?

9 «ታኦኒ ታ ቶኦኪና ናዚሬቶ ዬሱሴኮ ሱንፃ ዔዒ ማካንዳያ ኮይሳኔ ጌዒ ሚርጌ ባኦዚ" ታ ማዳኔ። 10 ዬሩሳላሜይዳ ታ ማዳሂ ዬያኬ፤ ቁኤሶኮ ሱኡጎይዳፓ ታ ዔኬ ቢታንቶና ኪሪሰቶሴ ጉሙርቃ ዓሶይዳፓ ሚርጌሂ ታ ቱኡሴኔ፤ ዔያቶ ዎደዎኦና ዎደ ዓሶኮ ማዳ" ቃራኬ ታ ጌዔኔ። 11 ሚርጌ ዎዶ ዓይሁዶ ዓሶኮ ቡኪንቶ ቤዘይዳ ዔያታ ሜታዳንዳጉዲና ጉሙርቁዎ ዔያታ ሓሻ"ንዳጉዲ ማሃኒ ታ ማሌኔ፤ ዔያቶ ዑፃይዳ ሚርጌና ዳጋዲ ሓሣ ሜሌ" ሜሌ" ካታዎይዳኦ ዓኦዲ ታ ዔያቶ ዳውሳኔ።

ጳውሎስ ኪሪሰቶሴ ባንሂ ዎይቲ ማዔቴያ ኬኤዜሂ

(ዳኪ. ማድ" 9፣1-19፤ 22፣6-16)

12 «ዬኖ ዛሎ"ና ቁኤሶኮ ሱኡጎይዳፓ ጉቤ ማዔ ቢታንቶና ዓይሥሂና ዔኬ ዳማሰቆ ታ ዳንዳንቴ፣ 13 ካኦቲዮ! ጎይፃይዳ ዓባ" ሳዛ ጫርጋኦና ዓቢ ፖዒዳፓ ባሼ ፖዒ ታ ዛጌኔ፤ ዬይ ፖዒ ታናንታ

ታኦና ዋላ" ዓኣዲ ዓሶናኮ ኮይላ" ጫሪንጫፓ ፖዔኔ። 14 ዩማና ኑኡኒ ቢያሢ ሳይይዳ ሎኦሚ ዓኣንቴ ዓይሁዴ ዓጪ ሙኡቸና ሳውሌ! ሳውሌ! ኔ ታና ዓይጎሮ ዳውሳይ? ጌማይ ጫጮ ሚያ * ማሂ ዓኪ ማኣሳናያጉዲ ኔኤኒ ዩያ ዓጪጭ ሚያ ማሂ ዓኪያና ኔኤሮ ኔ ማኣሳናኔ። ጋዓ ዑኡሲ ታ ዋይዘኔ። 15 ታኣኒ ማሃየ ሳዳሢያ፡ ኔኤኒ ያናዳይ? ጋዓዛ፡ ጎዳሢያ ታኣሞ ሂዚ ጌዔኔ፡- ታኣኒ ኔ ታና ዳውሳ ዩሱሴኩ። 16 ጋዓንቴ ሐሢ ዔቁ፤ ታ ኔኤሞ ሐሢ ፔጋዲ ጴዴሢ፣ ታና ኔ ዘጌ ጎይያና፤ ሐሢ ሓጋ ሴካ ቤርታ ታ ኔኤሞ ዳዋንዳ ባኮንታሮ ቢያ ታኣሞ ኔ ማዳያና ማርካዲያ ማዓንዳጉዲ ታ ኔና ዶኦራኒ ኮዔሢሮኬ። 17 ኔ ዓሶ ዲሰራዔኤሌ ዴሮ"ንታ ታ ኔና ዳካ ዓይሁዴ ማዒባኣ ዓሶንታ ኩጫፓ ታ ኔና ዳቁሻንዳኔ። 18 ኔ ዔያቶኮ ዓኣፖ ቡላ"ንዳጉዲና ዲሞይዳፓ ፖየ ኔ ዔያቶ ኬሳ"ንዳጉዲ ሐሢ ፃላሃ ዴማ"ፓ ያኦሲ ባንሢ ኔ ዔያቶ ማሃንዳጉዲ ታ ኔና ማሃንዳኔ፤ ኔ ዩያይዴሢሮ ዔያታ ታና ጉሙርቁ ፔ ጎሞኮ ማኣሪንቴሢ ዴንቃንዳኔ፤ ያኦሲ ዶኦራዘንሢ ባኣኮ"ይዳ ዒንጊንቴ ቤዘዋ ዔያታ ዴንቃንዳኔ» ጌዔኔ።

ጳውሎሴ ፔኤኮ ማድ" ዛሎ" ኬኤዘሢ

19 ጳውሎሴ ቃሲ" ኬኤዘያ፡- «ዩያሮ ካኣቲ ዓጊሪጳ! ጫሪንጫፓ ታኣሞ ዒንጊንቴ፡ ጴዴ ባኮም ታ ዓይሢንቴኔ። 20 ጋዓንቴ ቤርታዲ ዴማሰቆይዳ ዓኣ ዓሶ፡ ሄሊ"ሲ ዩሩሳላሚና ዪሁዳ ዓጪ"ናይዳ ዓኣ ዓሶ ቢያሢና ሐሢ ዩያጉዲ ዓይሁዴ ማዒባኣ ዓሳኣ ጊዳ" ጎሞ ቡኡፂ ያኦሲ ባንሢ ሙካንዳጉዲ ታ ዔርዘኔ፤ ጎሞ ቡኡፂያ ዔርዘ ባኣዚ"ያ ዔያታ ማዳንዳጉዲ ዔያቶም ታ ኬኤዘኔ። 21 ዩያይዳፓ ዔቁያና ዓይሁዴ ዓሳ ጌኤዠ ማኣሮይዳ ታ ዓኣንቴ ታና ዓርቁ ዋዳኒ ኮዔኔ። 22 ታኣኒ ያኦሲኮ ማኣዲ"ፃ ታ ጊዳ"ፓ ዴማዲባኣሢሮ ዓሲ ዴማሱዋየ ቢያሢም ኬኤዚ ኬኤዚ ሐይማ ሄሊ"ኔ፤ ያኦሲ ማሊያ ኬኤዛ ዓሶንታ ሙሴንታ ቤርታዲ ሃጊ ሳዲ ማዓንዳኔ። ጌዔ ባኮ ታ ኬኤዘማፓ ሜሌ" ፔቴ" ባኣዚ"ታያ ታ ኬኤዘባኣሴ። 23 ዔያታ ኬኤዘሢ፡- «ሚሲሑ ሜቶ ዔካንዳኔ፤ ሐይቢፓ ዔቁሢና ቤርታሳያ ማዒ፡ ዒሰራዔኤሌ ዴሮ"ና ዓይሁዴ ማዒባኣ ዓሶናም ዳቁንታኮ ፖዒ ዳዋንዳኔ ጌዒኬ» ጌዔኔ።»

24 ጳውሎሴ ዩኖ ኬኤዛ ጎይሢ ዓኣንቴ ፒሰያሴ፡- «ጳውሎሴ! ዓካሪ ኔ ዣኣሽኬኔ፤ ሚርጌ ዔሪፃ ኔና ዣኣሹሞይዳ ጌልዘኔ!» ጌዒ ዴ'ግዲ ኬኤዘኔ።

* 26:14 ጫጮ ሚያ ጌይንቴዛ፡- ዓይሁዴ ዓሳ ጌማይ ጎሽካ ዋድና ጌማታ ሓንታንዳጉዲ ጫርጋ፡ ያዶሲ ቤርቶ ዓጪሶና ሚሢኬ። 26:20 ዳኪ. ማድ" 9፡20፤ 9፡28-29። 26:23 ዓሲ. 42፡6፤ 49፡6፤ 1ቆሮ. 15፡20።

25 ጳውሎስ ጋሳንቴ ሂዲ ጌሲ ማሄኔ፡- «ባንቸንታ ፒሰያሴ! ኅኔና ፒዜ ማዕ ባአዚ" ታ ኬኤዘፓዓቴም ታ ዣኣሸኪባአሴ። 26 ታ ሲዛ ቤርቶይዳ ፔጋሲ ኬኤዜ፤ ካአቲ ዓገሪጳ ዬያ ዔራንዳኔ። ዬይ፡- ዓአሸንቲባአ ባአዚ" ማዕሢር ካአታሢ ዔራንዳሢ ታ ጉሙርቃኔ። 27 ካአቲዮ ዓገሪጳ! ኔኤኒ ያኦሲ ማሊያ ኬኤዛ ዓሶ ጉሙርቃያቱዋይ? ኔ ጉሙርቃሢያ ታ ዔራኔ» ጌዔኔ።

28 ዓገሪጳ ጳውሎስ ኮይላ"፡- «ኔኤኒ ሃይሾ ታና ሃይማካ ኪሪሰቶሴ ጉሙርቃ ዓሲ ማሄኔ ጌይሢኬ!» ጌዔኔ። 29 ጳውሎስ ገንሣ፡- «ዑኬ ዋዴያ ማጋም ያደሲ ዋዴ፤ ኔና ሌሊቱዋንቴ ሐኖ" ሃያ ታኣኮ ጌኤዘ ዋይዛ ዓሳ ቢያ ሃይማ ታኣኮ ቱኤዘማፓ ዓታዛ ታጉዲ ማጋም ያኦሲ ታ ሸኢቃኔ» ጌዔኔ።

30 ዬካፓ ካአቲንታ ዓጮ" ዋይሣሢንታ ቤርኒቁንታ ሲዛና ዋላ" ዴሲ ዓአ ዓሶንታ ቢያ ዔቁኔ። 31 ሲማ"ና ኬሰኪ ዔያታ ዴንዲያይዳ ዓአዖ፡- «ሃይ ዓሢ ሃይቃንዳጉዲና ቱኡታንዳጉዲ ሲዚ ማዴ ባአዚ" ፔቴ"ታዖ ባአሴ» ዋሊ ኮይላ" ጌዔኔ። 32 ሐሣ ዓገሪጳ ፒሰያሴም፡- «ሃይ ዓሢ ዋንዴ ርሜ ካአቲ ባንሢ ታና ዳኬ» ጌሲባአቶ ቡሊ"ንታንዳያታንቴኬ» ጌዔኔ።

27

ጳውሎስኮ ርሜ ዓጮ" ዓአዲያ

1 ዬካፓ ዋአዖ ካአሚሎና ሲፃሊያ ዓጮ" ኑ ዓአዳንዳጉዲ ጌይንታዛ ዔያታ ጳውሎስንታ ሜሌ" ቱኡሲ ዓሲንታ «ርሜ ዓጮ" ካአቲኮ ፖኦሊሶ» ጌይንቲ ፓቁንቴ ዓሶ ዓይሣ ዓሶፓ ፔቴ"ሢ ማዔ፤ ዩሊዮሴ ጌይንታ ጻኤቶ ዓሶ ዓይሣሢም ዔኪ ዓአዳንዳጉዲ ሲንጌኔ። 2 ዬማና ሲሲያ ዓጮ"ኮ ባዘ" ዓጮይዳ ዓአ ሳዖ ባንሢ ዓዲራሚዳዮኔ ኅዖ ቤዛፓ ዓአዳ ዋአዖ ካአሚሎና ኑ ዴንዴኔ፤ ቱሰሎንቁይዳ ናንጋ፤ ማቁዶኒያ ዓጮ" ዓሢ ዓሪሰሻርኮሴያ ኦኡና ዋላ" ዓአኔ። 3 ዚሬሎ ኦኡኒ ሲዶና ሄሌ"ኔ፤ ዩሊዮሴ ጳውሎስም ኮሺ ማዕሢር ጳውሎስ ፔኤኮ ላጎ ባንሢ ዴንዴም ዔያታ ሲዛም ኮይሳ ማአዶ ማአዳ"ንዳጉዲ ዓይሣኔ። 4 ዬካፓ ኑ ዔቃኣና ዠባራ ኦኡኮ ቤርታ ዠባርሻያ ማዕሢር ቆጶሮሴ ጌይንታ ዋአዖ ሳዘ" ካአ ዓጮ"ሎና ካናዲ ኑ ዓአዳኔ። 5 ኪልቁናና ጸንፒሊያ ዓጮ" ኮይሎ"ይዳ ዓአ ባዘ"ና ፒንቁሰካፓ ሉቁያ ዓጮ"ይዳ ዓአ ሙራ ጌይንታ ካታማ ኑ ሄሌ"ኔ። 6 ሲዘ ቤዘይዳ ጻኤቶ ፖኦሊሶ ዓይሣሢ ሲፃሊያ ዓጪ ባንሢ ሲሰኪንዲሪያ ኅዖ ቤዛፓ ዓአዳ ዋአሢ ካአሚሌ ዴንቃዖ ሲዘ ኦና ቶጊሴኔ።

7 ሚርጌ ኬሊ" ታህ ታህ ኑ ዓኣዲ፥ ሚርጌ ማቶና ቄኔዲዮሴ ካታም ኮይሎ ሄሌ"ኔ፤ ዠባራ ጋዓንቴ ቤርቲም ኑ ዴንዲዋጉዲ ኑና ላኣጌሢሮ ሲልሞና ጌይንታ ዋኣዖ ሳዘ" ሶርቶሚ ጌሌ ሳዓኮ ኮይሊ"ና ጌዒ ዋኣዖ ሳዘ" ዓኣ፥ ቄርፃሴና ካናዲ ኑ ዓኣዲ። 8 ዬኖ ቤዘና ሚርጌ ማታዲ፥ ባዘ"ኮ ዓጮማ ዓርቂ ኑ ዓኣዲሰካፓ ላሲያ ካታም ኮይላ" ዓኣ «ዠባሮና ጉዳሢና ዋኣዖ ካኣሚሎ ፑርቲሱዋ ኮሺ ቤሴ» ጌይንታ ቤዞ ኑ ሄሌ"ኔ።

9 ኑኡኮ ሃንቴዖይዳ ሌሊ ሚርጌ ዎዴ ጋፕሢሮና ሙኡዚ" ሙዑዋዖ ሺኢቆ ዎዳ" ዓኣዲሢሮ ሐሣ ዬኖ ዎድ"ና ባዚ" ጊዳ" ዓኣዲሢ ኮሺ" ፑርታሢሮ ዬማና ጳውሎሴ ዓሶም፡- 10 «ዓሲዮቴ! ሐካፓ ሴካ ዓኣ ኑኡኮ ጎይዖይዳ ፑርታ ባኣዚ" ዓኣሢ ታኣም ጴዳኔ፤ ዬይያኣ፡- ዋኣዖ ካኣሚሎይዳ ጫኣኒንቴ ባኮና ዋኣዖ ካኣሚሎናይዳ ሌሊቱዋንቴ ዓሲ ሸምፖይዳኣ ጴጌፒ ፑርታ ባኣዚ"ና ባይሲንታና ሄላ"ንዳኔ» ጌይ ላቴ ኬኤዜኔ። 11 ጭቶ ፖኦሊሶ ዓይሣሢ ጋዓንቴ ጳውሎሴ ዘሮ"ይዳፓ ዋኣዖ ካኣሚሎ ዒሻሢና ዋኣዖ ካኣሚሎኮ ዓዳሢና ጋዓ ባኮ ባሺ ዎይዜኔ። 12 ዬና ባዘ" ዓጮይዳ ዓኣ ሳዔላ ባርጊ ዎዴና ዲኢካ ዴዓኒ ጊኢጉዎያ ማዔሢሮ ሚርጌ ዓሳ፡- «ኑኡኒ ዴንዲጋፓ፥ ዳንዳዒንቴቶ ኬድ" ዛሎ"ኮ ዓባ" ጌላ ባንዖና ሐሣ ደኣሎ" ዛሎ"ኮዋ ዓባ" ጌላ ባንዖይዳ ዓኣ ፒንቄ ጌይንታ ቄርፃሴ ዓጮ"ኮ ዋኣዖ ካኣሚሎ ዔቂሶ ቤዞ ሄሊ" ዒኢካ ባርጎ ዎድ" ኑ ዓኣሣም» ጌዒ ማሊሢ ሺኢሴኔ።

ባዘ" ጉዳሢ

13 ዓባ" ኬሰኪ ጌላ ዛሎ"ኮ ደኣሎ" ዛሎ" ዠባራ ደካ" ዠባርሼም ዔያታ ዛጋዖ ዔያታ ማሌ ጎይዖ ማዔያ ዔያቶም ማላዛ ዋኣዖ ካኣሚሎ ዓርቂ ዔቂሳ ዓንጎ ኮንጮ ቱጊ ዓኣዲዖ ዔቄኔ፤ ዔያታ ዋኣዖ ካኣሚሎ ዔቂሶ ቤዛፓ ዔቄ ባዘ"ኮ ዓጮማ ዓርቂ ቄርፃሴኮ ኮይሊ"ና ዓኣዲኔ። 14 ጋዓንቴ ኔጉዋዖ «ኬድ" ዛሎ"ኮ ዓባ" ኬሰካ ባንዖ ዓልጋሢ» ጌይንታ ደዲ ዓልጋ ዋኣዖ ሳዘ" ዓኣ ሳዔሎይዳፓ ዔቄ ዔያቶይዳ ሙኩኔ። 15 ዋኣዖ ካኣሚላ ሃዒንቴሢሮ ሐሣ ዠባርዋ ቃዛኒ ዳንዳዒባኣሢሮ ዠባራ ኑና ዒሺም ዚቲዮ ጌዒ ኑ ዓኣዲኔ። 16 ዬካፓ ቄዳ ጌይንታ ዋኣዖ ሳዘ" ዓኣ ደካ" ዓጪሰኬኖና ካናዲ ኑ ዴንዲቤቃ ዋኣዖ ካኣሚሎይዳ ቱኪ"ንቴ ዓኣ ዋኣዖና ፒንቆ ጎንጊሰኬና * ቶላ"ኒ ዑኩም ማቶና ኑ ቃዛኒ ዳንዳዔኔ።

* 27:16 ዋኣዖና ፒንቆ ጎንጊ፡- ዬኖጉዴ ጎንጋ ማኣዳ"ሢ ዋኣዖ ካኣሚላ ፑርቲያ ማዔቴ ጊዳ" ዓኣ ዓሳ ዒዞይዳ ጌሊ ባዘ"ፓ ኬሰካኒ፤ ሐሣ ዋኣዖ ካኣሚሎ ዔቂሶ ቤዛፓ ዴንዲ ዔኤቢ ዒዞና ዔኮያኩ።

17 ዋኦጾ ካኦሚሎይዳ ዓኣ ዓሳ ዋኦጾና ፒንቆ ጎንጌሎ ጎቹ ዔኪ ዋኦጾ ካኦሚሎ ጋሮ ጌልዘሰካፓ ሱሲና ደዲሺ ቱኩ"ኔ፤ ዋኦጾ ካኦሚላ ሓሣ ሱሪቲሴ ጌይንታ ዋኦጾ ዴማ" ዓኣ፥ ኩሊንቴ ማኣሻላ" ዴንዲ ዲዒንቴዋጉዲ ሻራሢ ጌይንታ ዳልጎ ዓፒሎጉዴ ባኮ ኬይሳጾ ኮዔ ጎይሢ ዓኣዳንዳጉዲ ሓሺ"ኔ። 18 ጋዓንቴ ዓልጋሢ ሓሽ" ዒይሢሮ ዚራሎ ዋኦጾ ካኦሚሎ ዑይይዳ ጫኣኒንቴ ሚሆ"ይዳፓ ዛሎ" ባዞ"ይዳ ዓሳ ኬኤሪሢ ሳርቄ። 19 ሓይሣሳ ኬሎ"ና ዋኦጾ ካኦሚሎም ኮይሳ ባኮዋ ዔኪ ዔኪ ፔ ኩቻ ዔይታ ኬኤሪኔ፤ 20 ሚርጌ ኬሊ" ዓቢንታ ዠኦጎንታ ኑ ዛገባኣሢሢ ሓሣ ዓልጋሢ ዠባርሺዮ ሃሽ" ዒይሢሮ፡- «ኑ ዳቃኒ ዳንዳዑዋሴ» ኑ ጌዔ።

21 ዓሳ ፔቴ"ታጾ ሙኡዚ" ሙዑዋጾ ሚርጌ ኬሊ" ዴዔሢሮ፥ ጳውሎሴ ዔይቶ ባኣካ" ዔቃጾ፡- «ዓሲዮቴ! ዒንሢ ዋንዴ ታ ዒንሢም ጌዔ ባኮ ዋይዚ ቄርዔሴይዳፓ ዔቁባኣጾታቶ ሓይ ዋኦጾ ካኦሚሎይዳ ማዔ ባካ ቢያ ዒንሢ ሄሊ"ንዲዋያታንቴከ፤ 22 ሓሢ ዋኦጾ ካኦሚላ ሌሊ ፑርታንዳኣፓ ዓቴም ዒንሢዳፓ ያናይዳኣ ማጾም ባይሲንታ ሄሊ"ንዲዋሴ፤ ዬያሮ ደዲዋቴ፥ ዒጊጨፖቴ፤ ጌዒ ታ ዒንሢ ዘራ። 23 ታ ዒዛሮ ማዒ፥ ዒዛ ካኣሽካ ጾኣዛሢ ዳኬ ከኢታንቻ ዋንቴ ታ ኮራ ዔቁ፡- 24 «ጳውሎሴ ዒጊጨፖ! ኔኤኒ ሮሜ ዓጮ" ካኣቴ ቤርታ ዔቃንዳያ ኮይሳኔ፤ ሓይሾ፥ ኔኤና ዋላ" ዓኣዳ ዓሶ ቢያ ኔጋይቴ ጌዒ ጾኣሲ ሃይቢዳፓ ዳቁሻንዳኔ» ጌዒ ታኣም ኬኤዜ። 25 ዬያሮ ዒንሢ ሓይ ዓሳ ደዲዋቴ፤ ጾኣሲ ዬያ ታኣም ኬኤዜ ባኮ ቢያ ከንሣንዳሢ ታ ጉሙርቃ። 26 ማዔቶዋ ዠባራ ኑና ዔኪ ፔቴ" ዋኦሢ ሳዛይዳ ዓኣ ሳዓኮ ዓቹዳ ኬኤራንዳኔ» ጌዔ።

27 ታጳ ጾይዳሳ ዋንቶና ዓዲሪያ ባዞ"ይዳ ዠባርና ሂዒንቴ ሴካ ሃንጋ ኑ ጌዒ ጌዒ ዓኣንቴ ሳጾኮ ጊዲሚሺ ማዓዛ ዋኦጾ ካኦሚሎይዳ ማዳ ዓሶ ኮራ ሳጾ ባንሢ ዑኬያ ማሌ። 28 ዬያሮ ባዞ"ኮ ዔታዲያ ሚፂ" ዛጎ ሱዞ ዔይታ ዓጋዛ፥ ባዞ"ኮ ዔታ" ሳሊ"ታሚ" ዋዳ ማዒ ጴዴ፤ ሓሣ ዳካ" ናጋጾ ዛጎ ሱዜሎ ዔይታ ዓጌም ላሂ"ታሚ" ዋዳ ማዒ ጴዴ። 29 ዋኦጾ ካኦሚላ ባዞ" ዓጮይዳ ዓኣ ሹጫ ዓኣዲ ዲይንቴዋጉዲ ዔይታ ዒጊጨ፥ ዋኦጾ ካኦሚሎኮ ጊንጾ ዛሊ"ና ዋኦጾ ካኦሚሎ ቃዛንዳ ጾይ ዓንጎ ኮንጮ ሊካ ባን፤ ዬካፓ ዲማ ካራንዳጉዲ ሺኢጲሢ ሳርቄ። 30 ዋኦጾ ካኦሚሎይዳ ማዳ ዓሳ ዋኦጾ ካኦሚሎይዳፓ ኬሰኪ ዴንዳኒ ኮዔያታሢሮ ዋኦጾ ካኦሚሎኮ ቤርቶ ዛሎ"ና ዓንጎ ኮንጮ ሊካ ዓጋያ ማሊ ዋኦጾ ካኦሚሎይዳ ዓኣ ዋኦጾና ፒንቆ ጎንጌሎ ባዞ"ይዳ ኬኤሪኔ። 31 ዬማና ጳውሎሴ ዩኤቶ ፖኦሊሶ ዓይሣሢና ፖኦሊሶና ኮይላ"፡- «ሓኣታ፥ ዋኦጾ

ካአሚሎይዳ ማዳ ዓሳ ዋኣሊ"ንቁያ ሃሺ" ዚቲ ጌዒ ዴዒባኣቶ
ዒንሢ ዳቃኒ ዳንዳዑዋሴ» ጌዔኔ። 32 ዬያሮ ፖኦሊሳ ዋኣያና ፒንቆ
ጎንጌሎኮ ሱዞ ቲቃያ ዋኣያይዳ ጉሪ ዒዛ ሴካ ሃንጋ ጋዓንዳጉዲ
ሓሺ"ኔ።

33 ሳዓ ካራኒ ዑካዛ ቢያሢ ሙኡዚ" ሙዓንዳጉዲ ጳውሎሴ
ዔያቶ ሺኢቃያ፡- «ፔቴ"ታያ ሙኡዚ" ሙዑዋያ ዒንሢ ካፓንቴ
ሐኖ" ዒንሢኮ ታጸ ያይዶ ኬሊ"ኬ። 34 ዬያሮ ዒንሢ ሙኡዚ"
ሙዓንዳጉዲ ታ ሺኢቃኔ፤ ዬይያ፡- ዒንሢሞ ዋልቁ ደዲሻንዳኔ፤
ዓይጌንዴጉዴ ፑርታ ባኣዚ" ፔቴ"ታያ ዒንሢዳ ሄላ"ዓኬ» ጌዔኔ።
35 ዬያ ጌዔሰካፓ ካሣ ዔኪ ቢያሢኮ ቤርታ ያኦሲ ጋላታያ፡ ቡንዲ
ሙዒሢ ዓርቁኔ። 36 ዬማና ቢያሢኮ ዒና" ማዔሞ ደዲ ሙዖ
ሙዔኔ። 37 ዋኣያ ካአሚሎይዳ ኦኡኒ ዓኣ ዓሳ ቢያ ላሞያ ዪኤታና
ላንካይታሚ" ላሆ"ኬ። 38 ዬካፓ ቢያሢ ሙዒ ሚሸካያ ዋኣያ
ካአሚሎይዳ ጫኣኒንቴ ዛርጋሢ ባዞ"ይዳ ኬኤሪ ዋኣያ ካአሚሎ
ዴኤፃ ባኮ ሺሌዒሴኔ።

ዋኣያ ካአሚሎኮ ሜቁያ

39 ዬማፓ ሳዓ ካራዛ ዔያታ ሄሌ" ቤዞ ዔያታ ዔሪባኣሴ፤ ጋዓንቴ
ማኣሻላ ዓኣ ባዚ" ዓቺ ዔያታ ዴንቁኔ፤ ዬያሮ ዔያቶሞ ዳንዳዒንቴቶ
ዒዞ ባንሢ ደጪሳኒ ማላያ፡ 40 ዓርቁ ሱዞ ቲቁ ዓንጎ ኮንጮ
ባዞ"ይዳ ሓሺ"ኔ፤ ዬማና ሐሣ ጊንያ ዛላ" ዓኣ፡ ዓጊሢ ዓጊሢ ዒሺ
ዔኪ ዓኣዶ ዳልጎ ያዶዞ ሚያኮ ሱዞ ቡሊ"፡ ቤርቶ ዛሎ"ና ዓኣ
ዳልጎ ሻራሢ ዠባሮ ባንሢ ዴጊዲ ባዞ" ዓጮ ባንሢ ኬሰካኒ
ዔያታ ዓኣዴኔ። 41 ጋዓንቴ ዋኣያ ካአሚላ ዋኣያ ዴማ" ዓኣ ኩሊንቴ
ማኣሻሎይዳ ዴዒንቴ ቤርቶ ዛሎ"ና ሊካ ዴቁንቴ ዓጊጸዋያ ማዓዛ፡
ጊንያ ዛሎ"ና ጋዓንቴ ጉዳሢዳፓ ዒቁያና ካአሚላ ሜቁሢ ዓርቁኔ።

42 ቱኡዞ ዓሳ ጸብ ፒንቁ ቶሉ"ሞጉዲ ፒንቃኒ ጌዔቶ ዔያቶ
ፖኦሊሳ ዋዳኒ ማሌኔ። 43 ዪኤቶ ፖኦሊሶ ዓይሣሢ ጋዓንቴ ጳውሎሴ
ዓውሳኒ ኮዔሢሮ ዬኖ ፖኦሊሶኮ ማሊያ ዔኤያ ዒዳ፡ ጸብ ዔራ
ዓሳ ቤርታዲ ዋኣያ ካአሚሎይዳፓ ባዞ"ይዳ ኮኣሚ ጌሊ ጸብ ጸብ
ፒንቃንዳጉዲ ዓይሢኔ። 44 ሐሣ ዓቲ" ዓሳ ዋኣያ ካአሚሎኮ ዴማ
ዴማ ሜቁያንታ ዳልጎ ላሻሢ ሚያንታ ዓርቁ ዓርቁ ፒንቃንዳጉዲ
ዓይሣዛ ዬያይዲ ቢያሢ ኮሺና ሳያ ሄሌ"ኔ።

1 ዩካፓ ኑኡኒ ሳዖ ኮሺ ሄላ"ዖ ኑ ሄሌ" ሳዔላ ማልታ ጌይንታያ፡
 ዋኣሢ ሳዛይዳ ዓኣ ዓጪ ማዔሢ ሄሬሬ። 2 ዩኖ ዋኣዖ ሳዛ" ዓኣ
 ዓጪ። ሎይዳ ናንጋ ዓሳ ሚርጌና ሄርሺሳ ኮሺ ማዶ ኑኡም ማዶ፤
 ዩማና ዒርዚ ዋርቃያታሢር ጪኢዮር ጌዒ ታሚ ዔኤሢ ኑና ዔያታ
 ዔኤ። 3 ጳውሎሴ ዒማ"ና ሻርሻ ሃኣኪ ዔኪ ታሞይዳ ዓጋንቴ፡ ሉ
 ታሞኮ ዖይዶይዳፓ ዔቄያና ፔቴ" ሾኦሺ ሻርሻፓ ከሰካዖ ኩጫ ዳይ
 ዓርቄ። 4 ማልታ ዓጪ። ሎይዳ ዓኣ ዓሳ ጳውሎሴኮ ኩጫ ሾኦዮ
 ዳይ ዓርቄሢ ዳንቃዮ፡- «ሓይ ዓሢ ጎኔና ዓሲ ዋዶ ዓሲኪ ጌይሢኪ!
 ዓይጎር ጌዔቶ ባዘ" ጉዳሢዳፓ ኮሺና ቶሊ" ከሰከቶዋ ኑኡኒ
 ፡የኦሲ። ጌዒ ካኣሽካ ፒዜ ዋጋ ዖኦዛሢኮ ዋጊያይዳፓ ቶሊ"፡ ናንጋኒ
 ዳንዳዒባኣሴ» ዋሊ ኮራ ጌዔ። 5 ጳውሎሴ ጋዓንቴ ሾኦዮሢ
 ታሞይዳ ዉጹርቄ ዓጌ፤ ዒዛ ፔቴ"ታዖ ዋኦቴ ባኣዚ" ባኣሴ።
 6 ዓሳ ጋዓንቴ፡- «ኔጉዋዖ ሓሢ ዑፃ ዒዛኮ ኪፃንዳ፤ ሓሢ ዒዚ
 ዔርቲባኣንቴ ሃይቃንዳ።» ጌዒ ካፔ። ጋዓንቴ ሚርጌ ዋዶ ዔያታ
 ዩያይዳ ካፔም ፔቴ"ታዖ ዋኦቴ ባኣዚ" ባኣያ ማዔሢ ዛጋዖ ማሊዖ
 ጊንፃ ላኣሚ፡- «ሓይ ዓሢ ዖኦሲኪ!» ጌዔ።

7 ዩኖ ኑኡኒ ዓኣ ቤዜሎኮ ኮይሎይዳ ዋኣዖ ሳዛ" ዓኣ ዓጪ። ሎ
 ዋይሣያ ማዔ፡ ፑፒሊዮሴ ጎዖሢኮ ሳዓ ዓኣ፤ ዩይ ዓሢ ፔማኣራ ኑና
 ዔኪ ሓይሣ ኬሊ" ቃራሲ ሾኦዮንሢ። 8 ዩማ"ና ፑፒሊዮሴኮ ዓዴ
 ቆሢና ዒርሲ ዶርዖና ሓርጌም ላሂ ዓኣንቴ ጳውሎሴ ዒዛ ባንሢ ጌሊ
 ሺኣቄ ኩጫ ዑፃ ጌሢ ዓሢ ፖዒሴ። 9 ዩይ ያዲ ማዔሢኮ ጊንፃ
 ዋኣዖ ሳዛ" ዓኣ ዓጪ። ሎይዳ ናንጋ ሃርጊንቴ ዓሳኣ ሙኪ ፖዔ።።
 10 ዓሳ ሚርጌ ኑኡም ዒንጎ ባኣዚ" ዔኪ ሙኪ ኑና ባንቻያ ማዒዖ
 ዔርዜ፤ ጊንሣ ዋኣዖ ካኣሚሎና ኑ ዓኣዳኒ ዔቃኣና ኑም ኮይሳ ባኮ
 ቢያ ዋኣዖ ካኣሚሎይዳ ዔያታ ጫኣ።።

ጳውሎሴኮ ሮሜ ዓጪ" ሄሊ"ዖ

11 ሓይሣ ዓጊኒ ማልታይዳ ኑ ዴዔሰካፓ ባርጎዋዶ" ዒዛ ቤዘይዳ
 ዴዒ ዓኣሢ፡ ዒሰከንዲሪያ ዓጪር ማዔ ዋኣሢ ካኣሚሌ ቶጊ
 ዓኣዲዖ ኑ ዔቄ፤ ዋኣዖ ካኣሚሌሎኮ ሱንፃ «ሜንቴ ማዔ ዖኦዮ»
 ጌይንታያኤ። 12 ሲራኩሴ ጌይንታ ካታሞ ኑ ሄላ"ዖ ዒኣካ ሓይሣ
 ኬሊ" ዴዔ።። 13 ዩካፓ ባዘ" ጊዶ" ኑ ሓንቲ ሬጊዩሜ ካታሞ ሄሊ"
 ዒኣካ ፔቴ" ኬሊ" ኑ ዴዔሰካፓ፡ ዶኦሎ" ዛሎ" ዢባራ ዢባርሼሢር
 ላምዓሳ ኬሎ"ና ፑቴዮላሴ ካታሞ ኑ ዓኣዳ።። 14 ዒዛ ቤዘይዳ
 ኪሪሰቶሴ ጉሙርቃ ዓሶ ኑ ዴንቃዛ፡ ኑ ዔያቶና ዋላ" ላንካይ ኬሊ"
 ዴዓንዳጉዳ ዔያታ ሺኣቄም ዴዔሰካፓ ሮሜ ዓጪ" ኑ ዓኣዳ።።
 15 ሮሜ ዓጪ"ይዳ ዓኣ ኪሪሰቶሴ ጉሙርቃ ዓሳ ኑ ዛሎ" ዋይዛዖ

ዓፒዮሴ ቦኦኮ" ካሮ"፤ ሐሣ «ዋርቆ ቤሲ ሃይሣ» ጌይንታ ቤዘ ኑና ዔካኒ ሙኩኔ፤ ጳውሎሴያ ዔያቶ ዳንቃዎ ያኦሲ ጋላቲ ዶዴ።

ጳውሎሴ ሮሜ ዓጮ"ይዳ

16 ሮሜ ዓጮ" ኑ ጌላዛ ጳውሎሴም ፔቴ" ዒዛ ካፓንዳ ፖኦሊሴ ዒንጊንቴሰካፓ ዒዚ ፔኤኮ ናንጋንዳጉዲ ዓይሢንቴ።

17 ሐይሣ ኬሊ"ኮ ጊንፃ ጳውሎሴ ሮሜ ዓጮ"ይዳ ናንጋ ዓይሁዳኮ ዴኤፖ ዴኤፖ ዓሶ ዔኤሊ"ሴኔ፤ ዔያታ ሙኪ ቡኩሰካፓ ሂዚ ዔያቶም ጌዔ። «ዒሾንሢዮቴ! ዒሰራዔኤሌ ዴሮ"ና ዓድንሢ ዋጎናይዳ ታ ማዳ ዳሲንቴ ባኦዚ" ፔቴ"ታዎ ባኦሴ፤ ጋዓንቴ ዬሩሳላሚይዳ ታኦኒ ቱኡቲ ሮሜ ዓጮ" ዓሶም ታ ዒንጊንቴ።

18 ሮሜ ዓጮ" ዓሳ ታና ያኦጮሰካፓ ሃይቢም ታና ዋጊሳንዳ ባኦዚ" ዳንቁባኦሢሮ ጉሪ ታና ሐሻ"ኒ ማሌንቴ። 19 ዓይሁዳ ዓሳ ታኦኮ ጉሪ ሐሻ"ንቴዎ ዒፃም ማሌ" ታ ዎኦታንዳ ጎይሢ ባይቁሢሮ፡- «ሮሜ ካኦቲ ባንሢ ታና ዳኩዋቴ» ጌዒ ያኦጮኒ ታ ዳንዳዔ፤ ማዔቶዎ ዴሮ" ታኦኮ ታ፡- «ዋጊና ዓይሢሰንዳ» ጋዓ ባኦዚ" ባኦሴ። 20 ሃሢያ ታ ዒንሢ ዔኤሊ"ሴሢ" ታ ዒንሢ ዛጋኒና ዬያኦ ታ ዒንሢም ኬኤዛኒኬ፤ ታኦኒ ሃያ ካኖ ቢራቶና ቱኡቴሢ ዒሰራዔኤሌም ዒንጊንቴ ሃጊ ማዓንዳ ዎዘ ዛሎ"ናኬ» ጌዔ።

21 ዔያታ ሂዚ ጌዒ ማሃ። «ዪሁዳ ዓጮ"ይዳፓ ነ ዛሎ" ባኦዚ" ዳኪንቴ ከኢታ ኑና ሄሊ"ባኦሴ፤ ሐሣ ሐካ ሙኩ ዓሶይዳፓ ፔቴ" ዓሲታዎ ኔኤኮ ፑርቱም ሃይሳቲ ኬኤዚባኦሴ። 22 ኔኤኒ ሃኖ" ካኦሻካ ካኦጌሎ ዲማ ዲማ ቤዘይዳ ዓሳ ማኪ ዒፃያ ማዔሢ ኑ ዔራ፤ ዬያሮ ኔ ማሊፃ ሃሢ ዓይጎታቴያ ኑ ዔራኒ ኮዓ።» ጌዔ።

23 ዬካፓ ዋይዘንዶ ኬሊ" ጌሣዎ ሚርጌ ዓሲ ዒዚ ናንጋ ማኦር ሙካዛ፡ ዒዚያ ጉቴ"ይዳፓ ዳንዲ ዒባኒ" ሄላ"ንዳኦና ያኦሲ ካኦቱም ዛሎ" ማርካዲ ማርካዲ ፔኤኮ ዓኦ ማሊያ ዔያቶም ፔጋሴ፤ ሙሴ ዋጎና ያኦሲ ማሊያ ኬኤዛ ዓሶ ማፃኦፖናይዳፓ ዔኪ ዔኪ ዬሱሴ ዛሎ" ዔያቶም ኮሺ" ዔርዚ ኬኤዜ። 24 ፔቴ" ፔቴ" ዓሳ ዒዚ ኬኤዛ ቃኦሎ" ጉሙርቁ፤ ሃንጎ ዓሳ ጋዓንቴ ጉሙርቁባኦሴ። 25 ዔያታ ሐሣ ማሊያ ዎላ" ፔቴ" ማሂ ጊኢጉዎዎ ዲማዲ ዳንዴ። ጳውሎሴ ዒማ"ና ጋፒንሢ ሂዚ ጌዔ፤ ዓያኖ ጌኡዥ ያኦሲ ማሊያ ኬኤዛ ዒሲያሴ ዛሎ"ና ዒንሢኮ ዓድንሢም ኬኤዜሢ ፒዜኬ፤ 26 ዒዚያ ኬኤዜ ቃኦላ"፡-

«ሐያ ዴሮ" ባንሢ ዓኦዲጋፓ
«ዋይዚ ዒንሢ ዋይዛ፤ ጋዓንቴ ዒንሢ ጳቂሱዎሴ፤

ዛጊ ዲንሢ ዛጋኔ፤ ጋዓንቴ ዲንሢ ዲና ዔኩዋሴ» ዔያቶም ጌዔ።

27 ዓይጎሮ ጌዔቶ ሓያ ዓሶኮ ዲና" ደጩኔ፤
ዋያኣ ባይቄኔ፤ ዓኣፓኣ ዔያቶኮ ዲኡሎሚንቴኔ፤

ያዲ ዔያታ ዋንዴ ማዒባኣያታቴ

ዓኣፖና ዔያታ ዛጊ

ዋዮናኣ ዔያታ ዋይዚ

ዲናናኣ ሓሣ ጳቂሲ

ታ ባንሢ ዔያታ ማዔም

ታ ዔያቶ ዓውሴያናንዳኔ፤ ሂዚ ጋዓሢኬ።

28 «ዩያሮ የኦሲኮ ዳቂንቶ ኪኢታ" ዓይሁዴ ማዒባኣ ዓሶም ዳኪንቴሢ ዔሩዋቴ፤ ዔያታ ናሽኪ ዔካንዳኔ።»*

30 ጳውሎሴ ዲዚ ሚኢሾ ጨጊ ጨጊ ዋርቃ ማኣሬሎይዳ ላምዖ ሌዔ ቢያ ዴዒ፣ ዲዛ ባንሢ ሙካ ዓሶ ቢያ ሾኦቹንሢ ዔካኔ፤

31 የኦሲኮ ካኣቱም ዛሎ"ዋ ኬኤዚ ኬኤዚ ሃሣ ጎዳ ዩሱሰ ኪሪሰቶሴ ዛሎ" ዲዛ ላኣጋ ዓሲ ባኣያ ማዒ ጫርቂ ዔርዛኔ።

28:27 ዲሲ. 6፡9-10። * 28:28 ፔቴ" ፔቴ" ሚናኣ ማፃኣፓ፡- ፓይ. 29ይዳ «ጳውሎሴ ዩያ ኬኤዚሰካፓ ዓይሁዴ ዓሳ ዲናፓ ማርሚ ማርሚ ዲኢካፓ ኬሰኪ ዴንዴኔ» ሂዚ ጋዓያ ቃሲ" ፃኣፓኔ።

ጌጌዥ ማግኔግ

**The Holy Bible in the Maale language of Ethiopia,
using Ethiopic script**

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929